

DZIMBUDZISO NA DZIPHINDULO

DZA MUYA MUKHETHWA

 Huno nga murahu ha vhusiku ho fhiraho ro tou dadzwa zwavhukuma. Ndo pfa mivhigo ya vhudi ya vhanzhi vho tanganedzaho Muya Mukhethwa. Huno ro takalela izwo.

² Ro takala u vha na Mukomana Graham madekwana a namusi, muñwe wa vhashumisani vhashu u bva ngei theberenakeleñi, mufunzi wa tshivhidzo tsha vhukhethwa n̄tha ngei Utica. Na Mukomana Jackson, o vha a ngomu hafha, vhusiku ho fhelaho, ndi a tenda zwa vha zwo ralo, kana u murahu hafha kha vhathetshelesi huñwe fhethu heneffa zwino, muñwe muthu u ri, ngomu . . . Ee, ndi vhona Mukomana Jackson vhukati ha vhathetshelesi zwino. Na—na Mukomana Ruddell, naa u hone fhano madekwana a namusi? Hoyo ndi muñwe wa vhashumisani vhashu nn̄da hafha kha “62.” Ro takala u vha navho ngomu afha. Huno na vhashu . . . Oo, Mukomana Pat, na havha vhañwe vharathu vhoñhe, ri khou—na nn̄da kha vhathetshelesi. Ro takala u vha na vhoinwi noñhe hafha madekwana a namusi.

³ Zwino, arali ndi tshi kha nakisa zwithu, ndi do ñisa vhañwe vha vhareri n̄tha hafha uri vha ambe na vhoinwi, ngauri ndi a kundelwa nge nda vha na tshifhinga tshihulu vhusiku ho fhiraho.

⁴ Zwino, mufumakadzi wanga, ndi ene khakhululo yanga; ni a ñivha, vharathu, zwine nda khou amba ngazwo. O ri vhatthu vha re murahu vhusiku ho fhiraho vho vha sa koni u mpfa, ngauri ndo vha ndi tshi khou ambela kha hetshi tshithu. Huno zwino, phanda ha musi ndi tshi thoma, ndi khou ya u lingedza tshiñwe tshithu. Zwino, ndi a ñivhudzisa arali izwo zwi khwiñe. Naa izwo zwi khwiñe ngeo murahu-rahu? Kana izwi zwi khwiñe? Izwi zwi khwiñe? Zwino, Mufuñwa, itsho ndi tshiñwe tsha tshifhinga tshine nda ni swaya. Zwino, vha ri izwo zwi khwiñe. Zwo luga. Oo, nne-nñe! Hoyo ndi musadzi. Hoyo ndi wa vhudi, ngauri ndi u bva kale musi ndi si na wanga. U dzulela u vha a kha ngoho.

⁵ Zwo luga, ro vha na tshifhinga tshihulu kha haya masiku mararu a tshumelo; ndo ralo. Huno zwino, hedzi theiphi, dzoñhe nga nn̄da ha vhusiku ho fhiraho . . . Ndo vhidza Mukomana Goad huno nda mu vhudza uri a ñe a dzhiye theiphi u itela theberanakele. Fhedzi zwo itea nda pfa hu tshi pfi modorokara wa Billy Paul wo tuwa, ngauralo theiphi dzo dzhiwa u ya nga hune nda ñivha. Ngauralo ro ñahela iyo nthihi. Ndo tama u i

vheya kha tshivhidzo u itela tshivhidzo uri—muñwe muthu u ri—zwine ra tenda.

⁶ Zwino, madekwana a ñamusi ndi khou ya u amba nga *Khuvhangano Khulu*, arali nda ṭavhanya u fhedza nga dzimbudziso. Huno zwenezwo, matsheloni a matshelo ndi tshumelo ya phodzo. Huno ri khou ya u rabelela vhalwadze. Ngauralo, ri nga si ɻetshedze—kana u sokou ya nahone ra ri, “Zwino, ndi khou ya u dzhia inwi, na inwi, na inwi.” Izwo zwi nga si vhe zwa vhudi. Fhedzi ri ɻetshedza tshigwada tsha dzigaraña, huno huñwe fhethu kha dzenedzo garaña, ndi vhidzelela ṭhukhu kha pumatifomo. Huno zwenezwo, arali Muya Mukhethwa wa thoma ú dzumbulula, zwenezwo U ya kha vhathetshelesi nahone wa topola vhatthu kha vhathetshelesi u itela tshumelo ya phodzo. Huno zwenezwo, matshelo nga matsheloni, ndi do vha ndi tshi khou amba, Murena vha tshi funa, phanda ha tshumelo ya phodzo.

⁷ Ndi khou vhona mufumakadzi wanga u khou sea. Mufuñwa, naa a u mpfi na luthihi? Oo, u khou mpfa. Zwo luga, izwo ndi zwa vhudi. O dzula murahu-rahu huno arali hu—a sa mpfi, u dzungudza ṭhoho yawe, “Inwi... A thi koni u ni pfa, a thi koni u ni pfa.”

⁸ Zworalo-ha matshelo—vhusiku ha matshelo ndi tshumelo ya vhuevangeli na tshumelo ya ndovhedzo ya madi. Huno zwenezwo, musi ndi tshi tou fhedza u rera matshelo nga madekwana, ri do kokodzela murahu maxaradeni huno ra vha na ndovhedzo hafha madekwana a matshelo. Arali Murena vha tshi funa, arali Murena vha tshi funa, nga matsheloni ndi khou ṭoda u ralo—kana madekwana a matshelo ndi khou ṭoda u amba nga therò: *Tshone—Tshone Tshiga Tsho Vha Tsho Ñewa*. Huno zwenezwo, arali ra vha ri fhano nga madekwana a Łavhuraru, arali Murena a ntendela nda vha ndi fhano nga madekwana a Łavhuraru, ndi khou ṭoda u amba nga therò: *Ro Vhona Naledzi Ýawe ngei Vhubvađuvhá huno Ro Da u Mu Losha*. Zwino, itsho tshi tou vha tshikhathi tsha vhukati ha Khushumusí.

⁹ Huno zwenezwo, hu sa athu u fhela na tshifhinga nga murahu ha Khushumusí ndi vhege ya holodei ya Khushumusí. Ndi heneffo hune ra dzhia marifhi othe... Mukomana Mercier na avho vha dzulela u bvisa othe. Huno ri a vheya fhasi othe, huno ra rabelela haya marifhi nahone ra humbela Murena uri a ri range u ya heneffo kha ilo shango line ri do ya khalo.

¹⁰ Zwino, vho ralo, Vhanna vha Vhubindudzi vha Vhakriste, vha na muduba muhulu, une wa khou teya u vha ngei Florida nga tshihadu u itela khuvhangano yavho. U bva heneffo ndi ye Kingston, huno u ya ngei Haiti, na ngei fhasi Puerto Rico, u ya Tshipembe ha Amerika, vha kona u vhuya murahu nga ngei Mexico.

¹¹ Fhedzi Murena vha nga vha khou nthangela phanda u ya ngei Norway. A thi diwvi uri ndi ngani. Ni a diwvi bugu thukhu i vhidzwaho *Muthu O Rumiwaho Nga Mudzimu?* Ndi nyandadzo khulu ya vhurereli ngei Norway. Elekanyani ngazwo, zwe Murena vha ita henengei. Huno musi ndi heneffo, a vho ngo ntendela ndi tshi vheya zwanda kha vhalwadze. Ndo vha ndi heneffo lwa masiku mararu. Huno vha si ntendele ndi tshi vheya zwanda kha vhalwadze. Ngauralo ni a vhona zwine Mudzimu a kona u ita. Gogo lo vha li lihulu lune vha tou tea u dzhia tshigwada tsha mapholisa, dzibere, huno vha gidimisela vhatu zwiṭaraṭani uri ndi kone u dzhena afho fhethu. Huno a tho ngo vheya zwanda kha vhalwadze. Ndo vha rabelela naho zwo ḥiralo; nda vha litsha vha vheyana zwanda.

¹² Ngauralo... [Muńwe muthu u amba na Mukomana Branham—Mudz.] Ee, ndi do ralo, zwenezwo. Zwino, matshelo nga matsheloni... Zwino, madekwana a ḥamusi, khańwe ri do dzhena kha hedzi dzimbudziso, ngauri ri na dzińwe dza vhuđi nga maanda. Huno a thi diwvi uri Murena vha do ri fara u swika lini khazwo. Huno zwenezwo, matshelo nga matsheloni hu nga vha Billy Paul, Gene, kana Leo, muńwe, u do vha a fhanu u itela u netshedza garaṭa dza thabelo nga iri ya vhumalo u swika hafu u bva kha iri ya vhumalo. Zwino, vhatu vha bvaho nnđa ha dorobo, i ri ni ndi zwi ite hafhu uri ni si hangwe. Arali ni tshi do takalela u da kha muduba, ndi khwiñe ri tshi vha na vhatu vha bvaho nnđa ha dorobo arali zwi tshi konadzea.

¹³ Zwino, zwińwe zwifhinga hafha tshivhidzoni ri swika fhethu hune vha ri, "Zwo luga..." Ri wana vhatu vha bvaho nnđa ha dorobo, vha diseni... Muńwe muthu u do ri, "Zwo luga, a thi diwvi uri ho vha ho khakheya mini khavho. Vha nga vha vho vha vha tshi khou amba tshińwe tshithu tsho khakheyaho." Zwenezwo ni wane vhatu vha ngomu doroboni; vha ri, "Oo, u nga vha wo vha u tshi khou vha diwvi." Ngauralo... Zwenezwo vha ri—zwo ambiwa, "Zwo luga, ndi do ni vhudza, ndi garaṭa dza thabelo." Zwo luga, mini-ha nga avho vha si na garaṭa dza thabelo. Huno ho vha na duvha nga duvha musi u...

Ni ri mini? [Mukomana Branham o humbelwa u sendela murahu ha khudzaipfi—Mudz.] U sendela murahu ha maikhi? Zwo luga, ni a diwvi, ndi dzulela u rera vhukati ha ndila. Ngauralo khańwe ndi do zwi ita nga u ralo. Izwo zwi khwiñe? Hezwo zwi khwiñe. Hezwo zwo luga. Ndi do ni vhudza uri ndi mini. Tshashu—tshitshavha tshashu tshi diwihadza uri sisiteme i khou kundelwa hafha, i khou kundelwa nga maanda. Huno a ri khou lingedza u vha khwiñe zwino, ngauri ri khou ḥoda theberenakele ntswa i tshi fhaṭiwa nga u ḥavhanya. Huno ndi zwenezwo-ha hune ra do vha na phera nnzhi (ni a vhona?), arali ra nga mona hafha nahone ra andadza hafha fhethu ha hulanyana, huno ra bveledza dzińwe mbande nnzhi, huno ra lugela miṭangano musi ri tshi vha nayo hafha.

¹⁴ Huno zwino, elelwani, nga matsheloni vhatukana, muthihi kana vhararu vhavho vha do vha vha tshi khou netshedza dzigara ta vhukati ha hafu u bva kha iri ya vhumalo, kana, iri ya vhumalo na hafu u bva kha iri ya vhumalo. Hezwo zwi netshedza tshikhala muñwe na muñwe uri a dzule zwa vhudi fhasi. Huno ndo vha ndi tshi khou amba nga ha uri vha netshedza hani dzigara ta, ngani ri tshi zwi ita. Ndi u itela dzudzanyo ya vhudi. Ni a vhona? Zwino, mini-ha arali nda dzhena ngomu hafha, unga zwino huno nda ri, “Litsha hoyu musadzi, hoyu musadzi, na hoyo munna, na hoyu musadzi . . . ?” Ni a vhona, izwo zwi nga si vhe zwa vhudi—izwo zwi nga konda zwavhukuma. Ni a vhona? Huno zwenezwo, arali na . . . Zwifhinga zwinzhi ndo ita hezwi. Huno arali vha so ngo dala nga matsheloni, ndi nga ita zwithihi. Ndi do ri, “Hu na vhatu vhangana hafha vha bvaho nnnda ha dorobo huno vha na tshithu tsho khakheyaho khavho, imani.”

¹⁵ Mukomana Mercier, u khou da u mphulusa. U khou ya u nthusa? [Mukomana Mercier u ya fhindula—Mudz.] Oo, u khou da . . . U khou da u diphulusa. Ndo amba na khonani yau ya musidzana namusi. Zwino, ndi khwine u vhe wa vhudi kha nne. Ni a vhona? Zwo luga. Izwo ndi zwa vhudi. Ndi—ndi a takalela uho u divhudza ha Mukomana Leo. Musi zwi so ngo luga, kha ri—kha ri zwi lugise u ya nga hune ra divha uri ri zwi itisa hani, nga hune ra kona.

¹⁶ Zworalo-ha zwino, itanu humbelia vhatu vha bvaho nnnda ha dorobo uri vha imise zwanda zwavho vhane hu na tshiñwe tshithu tsho khakheyaho khavho. Huno-ha ni sokou ima henefho, ni lavhelese kha muthu muthihi u swika Muya Mukhethwa u tshi thoma, huno wa shumana na vhathetshelesi vhothe. Ndi vhangana vhe vha vha vha fhano musi vha tshi vhona izwo zwi tshi iteya ngomu afha? Zwo tou ralo! Ni a vhona, ni a vhona? Ngauralo a zwi na ndavha uri zwi nga ndila-de. Zwi tou vha . . .

¹⁷ Ndi khou ṭoda ni tshi limuwa hezwi, huno ndi do lingedza u ya khazwo nga matsheloni hafhu. Vhannda, Mafhungo madifha e vha netshedzwa one ndi Mafhungo madifha a lutendo, a si mishumo na luthihi. Ni a vhona? Huno vhunga ndo amba vhusiku ho fhiraho. Musi Muya Mukhethwa u tshi tsa nga Pentekoste, musi vha tshi tsela fhasi kha Vhayuda (Mishumo 19:5), vho teya u vheya zwanda khavho uri vha U ṭanganedze. Huno musi vha tshi tsela fhasi kha Vhasamaria, vha tou teya u vheya zwanda khavho. Fhedzi musi vha tshi da kha Vhannda ngei nduni ya Koronelio, “Musi Petro a tshi kha di amba aya maipfi . . . ” A hu na u vheiwa ha zwanda.

¹⁸ Musi musidzana mułuku o lovha, ḥwananyana wa Yairo, tshifhe, o ri, “Ida u vheye zwanda khae, huno u do tshila.” Fhedzi musi mudziammbi wa Muromma, Wannda, o ralo. “A tho ngo fanelwa uri U de fhasi ha ṭhanganya, amba ipfi.” Ndi zwenezwo. Ni a vhona?

¹⁹ Musadzi wa Muserafe, o vha a tshi tou vha Mugerika, musi a tshi ralo—musi Yesu a tshi ri khae, a tshi ri, “Nne a tho ngo fanelwa nga u dzhia vhurotho ha vhana huno nda vhu neya dzimmbwa.”

A ri, “Izwo ndi ngoho, Murena; fhedzi dzimmbwa fhasi ha ḥafula dzi la matshakatshaka a vhana.”

A ri, “Nge wa amba hezwi, diabolo o tutshela ḥwananyana wau.” Ambani zwithu zwa vhudi-ha. Ambani tshiñwe tshithu tsha vhudi nga muñwe muthu. Ambani nga Yesu. Ambani tshiñwe tshithu tsha u fulufhedzeya, tshiñwe tshithu tsha vhukuma. Ndi yeneyo ndila ya u pandela vhodiabolo. Ho ngo vhuya a ri—Ho ngo vhuya a rabelela musidzana. Ho ngo amba tshithu na tshithihi nga ha uri o fhodziwa; O sokou ri, “Nge wa amba hezwi, nge wa amba hezwi...”

²⁰ Hattie Wright, liñwe duvha, ho ngo humbela tshithu. O vha o sokou dzula heneñho, fhedzi o amba zwone, zwe zwa takadza Muya Mukhethwa. Huno Muya Mukhethwa wa amba murahu huno wa ri, “Hattie, humbela tshiñwe na tshiñwe tshine wa ḥoda, tshini na tshini tshine wa vha natsho na tshine wa ḥoda. Lavhelesani arali izwi zwi zwavhukuma kana hai. Humbela tshiñwe na tshiñwe (phodzo ya murathu wawe muñuku we a vha o holefhala o dzula heneñho hanganea; dolara dza zwigidi zwa fumi dze dza vha dici tshi do mu awedza u gwa zwikwara heneñho; u vhuyedzedzwa kha vhuswa na muvhili wa vhudi); tshini na tshini tshine wa tama u humbela, tshi humbele zwino. Arali Wa sa da huno wa u netshedza zwino, zwenezwo-ha ndi muporofita wa mazwifhi.” Hetsho ndi—hetsho ndi hetsho tshithu, naa a si tshone?

²¹ Yesu o ri, “Amber na heyi thavha...” Huno no pfa yone—zwe zwa iteya; hovho ndi vhushumeli vhune ra khou dzhena khaho. Ri n̄ha ndilani zwino. Hu si kale ndi u Vhuya ha Murena Yesu. Huno ri tea u vha na lutendo lwa u takulelwa n̄ha ngomu Tshivhidzoni lune ri nga shandukiswa nga u bonya ha liñra t̄uwa, kana a ri nga t̄uwi. Fhedzi ni so ngo vhilahela, lu do vha hone. Lu do vha hone. Huno musi maanda a *hetshi* tshivhidzo a tshi vuwa, a do vusa vharathu vhatsho; maanda a *itsho* tshivhidzo a tshi vuwa, a do vusa vharathu vhatsho; maanda a *itsho* tshivhidzo a do vusa vhañwe vharathu; zwenezwo hu do vha na muwu nga u angaredza. Huno ri khou lavhelesana nayo.

²² Zwino, ni so ngo hangwa, garaña dza thabelo nga matshelomi nga iri ya vhumalo u swika hafu u bva kha iri ya vhumalo. Zwenezwo ndi vha vhudzisa tshini na tshini tshe tsha vha tshi ngomu, zwenezwo vha litsha u netshedza garaña, huno vha humele murahu, huno vha dzula fhasi (ni a vthona?), ngauri vha do dici netshedza dzoñe nga tshenetsho tshifhinga zwo diralo, kana vhanzhi vhanze ra do vha kokodza u bva huñwe fhethu. Vhatukana vha do takuwa, vha ḥanganyisa garaña phanda hanu,

zwenezwo arali ni tshi khou ḥoda iñwe, ni tshi khou ḥoda iñwe, kana zwiñwe zwinzhi sa zwenezwo... Zwenezwo musi ndi tshi bvelela, ndi do sokou... Huñwe na huñwe hune Murena a ri ndi thome u vhidzelela hone... Huno arali A ri, “U so ngo vhidzelela na luthihi,” A thi nga vha vhidzeleli na luthihi (ni a vhona?), hu nga vha tshini na tshini.

²³ Huno ndo tou ralo... Hovho vhushumeli vhu tsini na u fhela naho zwi ḥiralo; hu na tshiñwe tshithu tshihulu tshi no khou ḥa. Elelwani, ndi heneffho hune tshifhinga tshiñwe na tshiñwe zwo ambiwa u mona na ino puñatifomo kana u mona na ino phuluphithi, huno a zwi athu u vhuya zwa kundelwa. Ni a elelwa vhushumeli ha tshanda? No vhona zwe ha ita? Ngelekanyo dza mbilu, no vhona zwe ha ita? Zwino lavhelesani hezwi: amba Ipfi, huno ni vhone zwine La ita. Ni a vhona? Ndo ni vhudza hafha miñwaha yo fhiraho—tshivhidzo (ndi khou amba na theberenakele)—miñwaha yo fhiraho, miñwaha miraru kana mina yo fhiraho, tshiñwe tshithu tsho vha tshi tsini na u bvelela; tshi tsini na u itea. Huno khezwi afha zwi khou vhonadzea kha... Tshi khou ḥivhumba. Zwino, ri a livhuwa izwo. Oo, ri livhuwa hani. Ro tou takala nga maända.

²⁴ Zwino, ri na dziñwe mbudziso dzi kondaho hafha, huno ri khou ḥoda u dzhena khadzo. Muñwe muthu o lavhelesa kha hedzi bugu dzothe dzine nda vha nadzo. Nda ri, “Zwo luga, muthu o ḥalifaho u ḥoda nthihi fhedzi.” Fhedzi a thi muñali. Ndi tea u vha na nnzhi uri ndi kone u lavhelesa. Zwo luga, heyi ndi Diaglott, huno heyi ndi Bivhili, huno heyi ndi thevhekano. Ngauralo ndi... Ri khou ya u humbelu Murena uri vha ri thuse nahone vha ri livhise kha phindulo u ya nga lufuno Lwavho Lukhethwa na Ipfi Lavho.

²⁵ Ngauralo zwino, kha ri kotamise ḥoho dzashu lwa tshikhalyanya u itela thabelo. Murena, ri a Vha livhuwa u bva vhudzivhani ha mbilu dzashu nga zwe Wa ri itela kha ano masiku mararu a u fhedzisa. Oo, u vhona vhashumeli vha tshi ḥangana murahu ngei kha lufhera nahone vha tshi khadana, na u vuseledza lutendo, na—na ligi liswa line ra tea u dzhia. U founela kha luñingo... Huno mbilu dzashu dzi tshi pembela, huno vhatu vha tshi ḥanganedza Muya Mukhethwa murahu ha musi vho—vho vhona Ipfi Lau, Li amba hani kokotolo ligi nga ligi uri Muya Mukhethwa Wau u ḥanganedza hani. Ri livhuwa zwiñhulu nga izwo, Murena.

²⁶ U a ri leludzela zwithu, ngauri ri vhatu zwavho. Huno ri a rabela, Mudzimu, uri—uri U ḥo ri tendela lwo fhelelaho uri ri ḥiite vha dzulaho vho ḥukufhala. Ngauri zwo... Iyo ndi ndila ine uyo ane a diñukufhadza a ḥo huliswa. Huno vhuñali ha shango ndi vhutsilu kha Mudzimu; izwo zwo takadza Mudzimu kha vhutsilu ha u rera u tshidza avho vhe vha vho xela.

²⁷ Huno zwino, Khotsi, afha kha ndaulo yanga hu na dzimbudziso nnzhi dzo vhudziswaho u bva kha mbilu dzi na vhungoho dzo kwameyaho. Huno arali iñwe yadzo ya fhindulwa nga ndila yo khakheyaho i nga posa muthu kha ndila i si yone, u taidza tshedza tsho khakheyaho kha mbudziso dzavho dzi vha thithisaho. Ngauralo Murena Mudzimu, ndi rabela uri Muya Mukhethwa Wau u tshimbile kha rine nahone u dzumbulule hezwi zwithu, ngauri two ñwaliwa kha Mañwalo, “Humbelani huno ni do ñtanganedza; huno ñodani nahone ni do wana; khokhonyani huno ni do vulelw.” Huno hezwo ndi zwine ra khou ita zwino, Murena, ri khokhonya kha vothi Lau la khathutshelo. Ro ima kha murunzi wa vhulamukanyi Vhukhethwa Hau, ri humbela uri Malofha a Kristo a Mudzimu na a Muya Mukhethwa.

²⁸ Huno a ri di madekwana a ñamusi ngauri ro fhedza ayo masiku mararu a u rera nga Muya Mukhethwa, ri da nga khuliso na vhungoho. Ri da zwi tshi nga uvhu ndi vhusiku ha u fhedza hune ra do vha naho kha lifhasi. Ri da ri tshi tenda uri U do fhindula dzithabelo dzashu. Huno Murena, ri U humbela zwino uri u ri fushe nga Vhutshilo Hau ha Lini na lini. Huno kha u fhindula Ipfi Lau, ngavhe Muya Mukhethwa... Oo Mudzimu, sa vhunga ro wanulusa uri ndi Iwe muñe vhukati hashu, ri rabela uri U do ri dzumbululela zwithu zwine ra tama. Huno ri tama fhedzi uri mimuya yashu i dzhene kha vhuawelo, huno mihibulo yashu kha mulalo, huno ri tshi vha na lutendo kha Mudzimu lwa u tshimbila ri tshi ya phanda u vhila dziphathutshedzo dze A fulufhedzisa. Ri humbela hezwi nga Dzina la Yesu. Amen.

²⁹ Zwino, ndi na mbudziso dzothe dze nda ñetshedza, nga nnñani ha nthihi. Huno ndo fhindula Mukomana Martin muñuku we mmbudzisa mbudziso vhusiku ha murahu ha ho fheñaho, nthihi fhedzi. Ho vha hu na vhanzhi hafha vhusiku ho fhiraho, fhedzi yo vha i khumbelo ya thabelo. Huno Mukomana Martin o mmbudzisa mbudziso malugana na Yohane 3:16—kana Yohane 3, ndi a tenda, nga ha izwo, “Nga nnñha musi muthu a bebwa zwi tshi bva madini na Muyani, a nga si vhone Muvhuso,” huno zwi vhambedzeni na theiphi ye nda rumela nnñha hafha ya Vhahevheru. Huno ndo ñtangana nae lufherani lwa murahu hafha madekwana o fhiraho, huno—phanda ha musi ndi tshi wana tshikhala tsha u mu fhindula, huno nda ralo heneffo, kha iyo ther.

³⁰ Zwino, hu na muñwe afha we a vha a si ho vhusiku ho fhiraho? Kha ri vhone zwanda zwanu, vhe vha vha si ho hafha vhusiku ho fhiraho. Oo, rine, ri tama arali no vha na rine. Ro vha na tshifhinga tshihulu zwavhukuma. Muya Mukhethwa...

³¹ Ndi nga ralo, lwa minitinyana... A zwi nga vhaisi. Hezwi zwi khou theiphiwa. Huno arali muñwe mushumeli zwa itea a—

kana muthu ane a lingedza u hanedzana na zwine nda khou ṭoda u amba zwino, kana na kha hedzi dzimbudziso, ndo vhudzisa, murathu, uri ni si zwi dzhiise zwiñwe-vho, fhedzi uri—elelwani uri ino theiphi i khou itwa kha theberenakele yashu hafha. Ri khou funza vhatu vhashu. Vhashumeli vhanzhi vha thendo dzo fhambanaho vho dzula henefha. Huno ndi do tama u dzhena kha therò hafhu, ngauri hu na vhañwe vhatu vhashu vhe vha kundelwa u swika vhusiku ho fhiraho vhanne nda vha vhona uri vha fhano madekwana a ñamusi. Huno ndi do tama u amba ngazwo lwa tshikhalanyana, arali ni tshi do zwi tendela, kha zwe nda amba madekwana o fhiraho; huno nga yone Pentekoste, nga u ṭanganedza Muya Mukhethwa.

Zwino, ndi tshi vhala u bva kha *Emphatic Diaglott* ya ḥthalutshedzo ya Tshigerika, he nda vha ndi hone madekwana o fhiraho, ine yo vuleya phanda hanga zwino. Heyo ndi ḥthalutshedzo ya vhukuma u bva kha Tshigerika u da kha Tshikhuwa. A i firi kha vhañwe vhañtalutshedzi, ndi—na dziñwe dzikhandiso, i tou bva kha Tshigerika u da kha Tshikhuwa thwii. Zwino, maipfi a Tshikhuwa, zwifhinga zwinzhi a na zwine a amba, sa vhunga ndi tshi nga ri zwino, u *borea* [Tshikhuwa: “board.”—Muṭal.] Dzhiani ilo ipfi u *borea* [board]. Ni nga ri, “Zwo luga, u khou amba uri ri khou mu *teledzisa* [boring].” Hai! “Oo, o—o badela *bondo* [board].” Hai! Zwo luga, o... “Ndi *daba* [board] nga thungo ha nndu.” Zwo luga, ni a vhona? Kana tshinwe tsha izwo... Hu na maipfi maña kana mañanu ane a nga shumiswia; ni tea u pfectesa mutaladzi. Ipfi u *vhona* [see]. U *vhona* [see] zwi amba “u pfectesa,” nga Tshikhuwa. *Lwanzhe* [sea] zwi amba “mađi manzhi.” U *vhona* [see] zwi amba “u lavhelesa kha.” Ni a vhona? Fhedzi kha hedzi dzithalutshedzo, ipfi lo shumiswaho hafha, le nda amba ngalo vhusiku ho fhiraho kha Mishumo ndima ya 2, hune ya ri, “Dzindimi dza mulilo dza dzula khavho...” Zwino, ndi tama u humela murahu lwa tshikhalanyana. Naa ni tama u ralo, lwa tshikhalanyana, huno ni zwi lavhelesa hafhu lwa tshikhalanyana phanda ha musi ri tshi ya phanda?

³² Zwino, vulani, vhoiñwi kha ya King James kana ḥthalutshedzo ifhio na ifhio ine na khou vhala khayo... Huno ndi khou ṭoda u zwi vhala. Huno thetselesani nga maanda zwino. Ni pfectesa zwavhudı. Vhanzhi ñamusi, na khaladzi anga, vhanzhi vhavho vho vhidzelela, vha ri... Vhomme Morgan... Vhanzhi vhavho vho vha vho hone madekwana o fhiraho. Vhomme Morgan ndi muñwe wa dzikhaldzi dzashu o netshedzwaho; huno o vha a kha mutevhe wa lufu ngei Louisville kha ya fumirathi, miñwaha ya fumisumbe yo fhiraho nga pfuko. Ndi elekanya uri o dzula murahu hafha madekwana a ñamusi. Ha koni u pfa, o ri, ngauri ndo vha ndi tshi khou ambela kha khudzaipfi. Huno u itela vhone ndi khou ṭoda u dzhena kha hezwi lwa tshikhalanyana.

³³ Zwino, ndi khou vuala u bva kha holwu Luñwalo lwa Mishumo 2:

...musi duvha la Pentekoste lo swika, vho the vho vha vha kha muhumbulo muthihi... (Zwino, ndi takalela izwo u fhira ngelekanyo nthihi: ngauri ni nga vha kha ngelekanyo nthihi kha theru nnzhi, fhedzi hafha mihibulo yavho yo vha i tshi fana)... muhumbulo muthihi nahone fhethu hu fanaho.

Huno nga tshihadu ha bvelela muungo u bvaho ḥađulu vhunga maya wa vhuhali u tshi vhudzula, huno wa dadza... nnđu yothe he vha vha who dzula hone. (Hu si u gwadama, hu si u rabela, fhedzi u dzula.)...

...Dzindimi dzo fhandekanaho... (D-z-i-n-d-i-m-i—dzindimi. “Dzofhandekanaho” zwi amba, “u khethekana.”)... Dzindimi... dza bvelela khavho... vhunga... mulilo, huno muñwe... (“Muñwe,” lisumba huthihi)... dza dzula kha muñwe na muñwe wawho.

Huno vho the vha dadziwa... (“Huno,” litanganyi)... vho the vha dadzwa nga Muya Mukhethwa, huno vha thoma u amba nga dzinwe dzindimi, musi Muya u tshi vha ñeya maipfi.

Zwino ho vha hu na vhudzulo ngei Yerusalem la Vhayuda, vhanna vha ngoho, u bva kha lushaka luñwe na luñwe phasi ha liđadulu.

...musi hezwi zwo ralo... na hoyu muvhigo wo no andadzwa, mavhuthu a kuvhangana, huno vho vha vha tshi kanganyisea, ngauri... muñwe na muñwe o pfa lwone... uyo a tshi amba nga luambo lwawe.

³⁴ Zwino dzhielani nzhele! Musi mulilo u tshi bvelela, ho vha hu dzindimi; musi vha tshi khou amba, ho vha hu luambo. Zwino, hu na phambano khulu vhukati ha dzindimi na nyambo. Kha riñe zwothe zwi a fana. Fhedzi, nga Tshigerika, “lulimi” zwi amba holwu. [Mukomana Branham u ya sumbedza—Mudz.] Nđevhe ndi *heyi*. Ni a vhona? Hezwo a zwi ambi luambo; zwi amba tshipida tsha muvhili wañu tshine tsha vha lulimi. Arali na dzhiela nzhele, zwo ḥalutshedzwa sa *dzindimi dza mulilo* zwine zwa amba “vhunga dzindimi,” vhunga khavhu ya mulilo, tsevhela khulu ya mulilo. Zwino, lavhelesani khwathisedzo zwino. Huno huñwe na huñwe ha afho fhethu, ni so ngo zwi hangwa.

³⁵ Zwino, ri khou ya u ñetshedza litangwa liđuku madekwana a ñamusi. Huno ndi khou ya u zwi sia kha vho inwi. Zwino elelwani, arali tshiñwe tshithu tsho fhambana, izwo zwi kha inwi. Fhedzi ndila i yothe ine muthu muñwe na muñwe a nga vhuya a wana tshithu kha Mudzimu ndi nga lutendo. Huno phanda ha musi ni tshi nga ralo...

³⁶ Ndi tea u ðivha zwine nda khou ita phanda ha musi ndi tshi nga vha na lutendo kha zwine nda khou ita. Ndi nga mini ni tshi nga mala mufumakadzi wanu? Ni na lutendo khaye. No mu linga, na mu lavhelesa, na vhona hune a bva hone, zwe a vha a zwone. Zwo ralo kha Luñwalo, kha Mudzimu. Ndi zwone zwine zwa ðisa haya mabono, yone—heyi Khavhu ya Mulilo, hezwi zwithu zweþhe, ngauri Mudzimu o zwi fulufhedzisa. Mudzimu o ralo. Ndo Mu linga nga Ipfi Lawe huno nda zwi ðivha uri Ndi Ngoho. Huno ni tevhela Ipfi Lawe. Zwenezwo arali hu na ndado thukhu huñwe fhethu, zwenezwo hu na tshinwe tshithu tsho khakheyaho huñwe fhethu. Ngauri Mudzimu (thetshelesani!)-Mudzimu ha athu u vhuya a ita kana u ðo ralo u shuma nnða ha Lawe ene muñe—kana u fhambana na milayo Yawe ene muñe. Vhuria vhu nga si ðe nga tshilimo, na tshilimo tshi nga si ðe nga vhuria. Maþari ha nga wi nga tshifhefho huno a vhuya murahu nga iñwe khalañwaha. Ni tou vha ni nga si zwi ite.

³⁷ Vhunga ndo amba vhusiku ho fhelaho nga ha tshisima tshi gwagwamaho, tshi tshi sheledza zwindela zwanu. Kana arali no vha no ima nnnda hafha vhukati ha tsim, huno hu swiswi litswu, huno ni nga ri, “Oo, mudagasi munzhi, ndi a zwi ðivha uri u hone tsimuni. Zwino, ndo xela, a thi ðivhi hune nda khou ya. Netshedza tshedza, uri ndi kone u vhona uri ndi tshimbilise hani! Hu na mudagasi wo edanaho u funga tsimuni.” Izwo ndi ngoho. Ee, muñe wanga! Hu na mudagasi wo edanaho kha luno lufhera u lu vhonetshela hu si na na idzo mbone, hu si na izwo. Fhedzi ni tea u u langa. Zwino, ni nga huwelela kha izwo u swika hune na kundelwa u huwelela, a u nga vhuyi wa funga. Fhedzi arali na shuma u ya nga milayo ya mudagasi, zwenezwo ni ðo wana tshedza.

³⁸ Zwo luga, zwo ralo na kha Mudzimu. Mudzimu ndi Musiki muhulu wa maþadulu na lifhasi, ene a sa shanduki mulovha, ñamusi, na lini na lini. U kha ði vha Mudzimu. Fhedzi U ðo shuma fhedzi musi ni tshi tevhela milayo Yawe na ndaedzo. Dzikhonani, ndi amba hezwi: A thi athu u vhuya nda zwi vhona zwi tshi kundelwa, nahone a zwi nga ralo.

³⁹ Zwino, kha ri dzhiele nzhele. Yesu kha Luka 24:49 o laya vhaapostola murahu ha musi vho tshidziwa na u khethefhadzwa u ya nga Ipfi; vho itwa vho lugaho nga u tenda kha Murena Yesu; vha itwa vhakhethwa kha Yohane 17:17 musi Yesu a tshi ri, “Vha ite vhakhethwa, Khotsi, nga Ngoho. Ipfi Lau ndi Ngoho.” Huno O vha a Ipfi.

⁴⁰ Zwino, a vha ñeya maanda a u fhodza vhalwadze, u pandela vhodiabolo, u vusa vhabu; huno vha vhuya murahu vha tshi pembela. Huno madzina avho o vha a kha Bugu ya Ngwana ya Vhutshilo. Ni a elelwa uri ro fhira hani kha izwo zwino. Fhedzi vho vha vha sa athu u shandukiswa. Yesu o vhudza Petro vhusiku ha u vhambiwa Hawe; A ri, “Murahu ha musi u tshi shandukiswa, zwenezwo u khwaþhise vharathu vhau.”

⁴¹ Muya Mukhethwa ndi wone une... Ni khou tenda kha Vhutshilo Vhu Sa Fheli, fhedzi musi Muya Mukhethwa u tshi da Ndi Vhutshilo Vhu Sa Fheli. Ni khou tenda kha... No bebiwa nga Muya kha u itwa vhakhethwa, fhedzi a ni athu u bebwa nga Muya u swika Muya Mukhethwa u tshi dzhena ngomu. Hezwo ndi zwone. Lushie lu na vhutshilo mbumbeloni ya mme, misipha mituku i khou raha-raha; ndi vhutshilo. Fhedzi ndi vhutshilo ho fhambanaho musi lu tshi fema mufemo wa vhutshilo ningoni dzalwo. Ho fhambana. Ndi zwenezwo, ndi... .

⁴² Murathu wanga a funeaho wa Methodisi, na wa Vhatsinda Vhekhethwa, na wa Nazarena, ndovhedzo ya Muya Mukhethwa yo fhambana na u itwa mukhethwa. U itwa mukhethwa ndi u tanzwiwa, zwine zwa vha ndugiselo ya Vhutshilo. Fhedzi musi Muya Mukhethwa u tshi da, Ndi Vhutshilo. Ndugiselo ndi u tanzwa mudzio; Muya Mukhethwa ndi u dadza mudzio. U *itwa mukhethwa* zwi amba “u tanzwiwa huno wa vhetshelwa thungo u itela tshumelo.” Muya Mukhethwa u zwi isa kha tshumelo. Ni mudzio we Mudzimu a u tanzwa.

⁴³ Huno ri wana uri Muya Mukhethwa ndi Mudzimu Ene muñe kha inwi. Mudzimu o vha a n̄tha hañu kha Khavhu ya Mulilo kha Mushe. Mudzimu o vha a na inwi kha Yesu Kristo. Zwino Mudzimu u kha inwi nga Muya Mukhethwa. A hu na midzimi miraru, Mudzimu muthihi a tshi khou shuma kha ofisi tharu.

⁴⁴ Mudzimu a tshi khou tsela phasi, a tshi tsela phasi u bva ngei n̄tha ha muthu. O vha a sa koni u Mu kwama, ngauri o tshinya tsimuni ya Edeni nahone a difhandekanya kha vhuledzani Hawe. Zwenezwo ho itea mini? O vha o tea u vha nga n̄tha hawe. Malofha a dzimboho na dzimbudzi o vha a sa Mu tendeli a tshi dovha u ledzana na muthu; fhedzi nga kha milayo na maitele, zwi mirunzi ya tshino tshifhinga tshi no khou da, tsha u netshedzwa ha dzimbohwana, na zwiñwe zwinzhi, na nngu... . Zwenezwo musi Mudzimu a tshi tsela phasi nahone a dzula kha muvhili wo itwaho mukhethwa, mbebo ya musadzi wa tshipofu, hune Mudzimu Ene muñe... . Ni a ñivha zwe Mudzimu a ita? Ho—Ho ngo ita tshithu fhedzi u sokou... . O vheya Dennde Lawe vhukati hashu. Mudzimu o dzula kha Dennde li vhidzwaho Yesu Kristo. O tou vheya Dennde Lawe na riñe, a vha... . (Ndi do—ndo rera nga izwo nga matsheloni, ngauralo ndi khwiñe ndi tshi zwi litsha zwo ralo.) Zwino, hezwo—dennde la Mudzimu lo ralo hani kana lo dzula na riñe... .

⁴⁵ Huno zwino Mudzimu u kha riñe. Yesu o ri kha Yohane 14, “Nga ilo duvha ni zwi dvha ri Ndi kha Khotsi, Khotsi u kha Nñe, nahone Ndi kha inwi, huno inwi ni kha Nñe.” Mudzimu kha riñe. Ndivho ho vha hu mini? U bveledza muhumbulo Wawe.

⁴⁶ Mudzimu u na pulane. O ñoda uri a shume vhukati ha muthu, huno A zwi bveledza kha Khavhu ya Mulilo, ye ya vha i Mulilo wa tshiphiri we wa ñembelela n̄tha ha vhana vha Israele.

Zwenezwo wonoyo Mulilo muthihi wa vhonadzwa kha muvhili wa Yesu. Huno O ri O vha a uyo Mulilo, “Phanda ha musi Abrahamu a tshi vha hone, NDÍ NNe.” O vha a uyo Mulilo. O ri, “Ndi bva ha Mudzimu, nahone Ndi humela murahu kha Mudzimu.” Huno murahu ha lufu Lwawe, u swiṭwa, na mvuwo, Paulo Mukhethwa a ṭangana Nae ndilani—musi zwiļa dzina lawe li tshe Saulo—ndilani ya u ya Damaseka, huno A dovha hafhu a shandukisewa murahu kha iyo Khavhu ya Mulilo. Tshedza tsho pofudza maṭo awe. Ndi zwone.

⁴⁷ Huno khoyu U fhano ḥamusi, Khavhu ya Mulilo nthihi, Mudzimu muthihi a tshi khou ita zwiga zwithihi, mishumo mithihi. Ngani? U khou shuma vhukati ha vhathe Vhawe. U kha riñe. Ndi... U na inwi zwino, “fhedzi Ndi ḫo vha kha inwi. Ndi ḫo vha na inwi, na kha inwi, u swika vhufheloni ha zwoṭhe,” vhufhelo ha shango. U ḫo vha na riñe.

⁴⁸ Zwino, dzhielani nzhele. Yesu o vha laya uri vha ye Yerusalem huno vha lindele. Ipfi u dzula li amba “u lindela,” a li ambi u rabela, li amba “u lindela.” Vho vha vha sa athu u vha vho lugelaho u rera, ngauri vho vha vha tshi ḫivha mvuwo Yawe fhedzi nga Muthu Wawe, lwa u Mu vhona nga nn̄da. O—O vha laya uri vha sa tsha rera, uri vha sa ite tshithu u swika vha tshi thoma u dadzwa nga Maanda u bva ngei n̄tha.

A thi tendi uri mureri muňwe na muňwe o rumiwa u bva ha Mudzimu kana a nga rwelwa ḫari zwa vhuđi... Ngauri Mudzimu ha na magumo. Huno zwine Mudzimu a ita u rangani, U zwi ita tshifhinga tshoṭhe. Zwino, arali Mudzimu a so ngo vha tendela vha tshi rera u swika vha tshi ya kha Pentekoste huno vha ṭanganedza tshenzhemo tsha Pentekostaļa, a hu na muthu, nn̄danī ha lutamo lwo dzivhafhalaho lwawē ene muňe kana dzangano lo mu laya, ane a vha na pfanelo ya u dzhena kha phuluphithi u swika a tshi ḫadzwa nga Muya Mukhethwa. Hezwo ndi zwone kokotolo. Ngauri u khou vha ranga phanča nga kupfesesele kwa muhumbulo kwa liňwe dzangano u swika a tshi ḫadzwa nga Muya Mukhethwa; huno zwenezwo, u khou vha neya zwiliwa zwa liivha; *Ngwana na Liivha*, sa vhunga ro amba ngazwo madekwana o fhiraho.

⁴⁹ Zwino dzhielani nzhele. O ri, “Iyani n̄tha ngei Yerusalem huno ni dzule heneffo; itanu lindela heneffo u swika Ndi tshi rumela pfulufhedziso ya Khotsi.” Huno zwenezwo, vho ita mini? Ho vha hu na vha ḫana na fumbili, vhanna na vhasadzi. Vha gonya kha lufhera lwa n̄tha thembeleni.

Zwino, ḫuvha la Tshimima tsha Pentekoste lo vha li tsini, u bva kha u ṭanzwiwa ha dzhivhulo, u vhulaiwa ha ngwana ya paseka u swika hone—hone u ḫa ha Pentekoste, ye ya vha i mitshelo ya u thoma ya khaño, wone muhuvho, muhuvho wa Pentekostaļa. Huno kha zwifhaṭo... .

⁵⁰ Zwino, ndo no ya mashangoni. Mashango a kale a si kanzhi a tshi vha na ndila ya zwitepisi ngomu hao. Zwitepisi two vha zwi nnda. Nnda ha thembele, ro vhudziwa, ho vha hu na ndila ya zwitepisi i livhaho kha lufhera luṭuku heneffho phanda; gonyani nthā, na nthā, na nthā, u swika ni tshi swika kha lufhera luṭuku nthā heneffho, vhunga lufhera lwa u vhetshela zwithu nthā ha thembele, luňwe lwa lufhera luṭuku, lufhera lwa nthā. Huno Bivhili yo ri vho vha vha ngomu heneffho nahone mahothi o vha o valiwa, ngauri vho vha vha tshi khou ofha Vhayuda, ngauri vho vha vha tshi do vha phadaladza nge vha losha Murena Yesu, murahu ha musi Kayafa tshifhe muhulu, na Pontio Pilato, na avho vho Mu kumedza lufuni. Ngauralo vho vha vha tshi khou ya u bvisa vha vhidzwaho Vhakriste vhothe. Huno mahothi o vha o valiwa, nahone vho vha vho lindela.

⁵¹ Zwino, kha idzo phera dzo raloho, a hu na mafasitere. Mafasitere ho vha hu zwithu zwiṭuku two tikiwaho zwi ngaho mahothi, ni tou kokodza la vulea. Kha hovho vhufhera hu vha hu na mbone ḥukhu dza mapfura dici nembelelaho nahone dza duga... Arali no no vhuya na diwana ni California ngei Cafeteria ya Clifton, ni tsele fhasi-fhasi, huno ni do wana luňwe lu fanaho, lwa lufhera lwa nthā. No no vhuya na diwana ni heneffho? Ndi vhangana ngomu afha vho no yaho heneffho? Ndi vhona vhatthu ni tshi isa ḥoho dzanu nthā na fhasi. Two luga, ni a divha zwine nda khou amba ngazwo. Two luga. Ni tsele fhasi heneffho, huno ni do vhona Tsimu ya Getsemane; phanda ha musi ni tshi ralo, ni do ya kha luňwe lwa uvho vhufhera ha ha kale. Izwo ndi ngoho kokotolo. Heneffho ni wana luvhone luṭuku lwo dala mapfura a muṭwari lu na thambo ḥukhu ngomu hao, lu tshi duga.

⁵² Zwino, kha ri ri vho vha vha nthā heneffho, vha tshi gonya u mona nga hafha nnda. Vha swika nthā heneffho huno vha dzumbama, ngauri vho vha vha tshi khou ofha Vhayuda. Yesu ho ngo vha vhudza uri vha ye kha lufhera lwa nthā. O tou ri, "Lindelani ngei Yerusalem." Vho vha vha fhasi hafha nquni, zwi tshi konḍa u amba uri hu do itea mini. Vho vha vha tshi nga dzhena huno vha vha dzhia. Ngauralo vha ya kha lufhera luṭuku lwa kale nthā-nthā, nthā-nthā heneffho kha lufhera lwa nthā, huno heneffho, vha nama lufhera uri Vhayuda vha si vha wane. Huno vha dzula heneffho vho lindela lwa mađuvha a fumi.

⁵³ Zwino, zwino, ri kha Mishumo 1. Zwino, thetshelesani zwa vhudi. No wana tshifanyiso? Nnda ha tshifhaṭo ndila ḥukhu ya zwitepisi yo gonyela nthā, huno vha ya kha holwu lufhera luṭuku. Fhasi thembeleni vho vha vha na Tshimima tsha Pentekoste. Oo, ho vha hu tshifhinga tshihulu. Zwino, musi duvha la Pentekoste lo swika, vhothe vho vha vha na muhumbulo muthihi, muhumbulo muthihi, vha tshi tenda uri Mudzimu o vha a tshi khou ya u rumela iyo pfulufhedziso. Tendelani muthu muňwe na muňwe hafha a dzhene kha hoyo muhumbulo muthihi madekwana a ɻamusi huno ni vhone zwine zwa itea. Zwi tea u

dovholola. Ndi pfulufhedziso i fanaho na ye vha vha nayo. Ni a vhona?

⁵⁴ Vho vha vha tshi khou ita mini? Vha tshi khou tevhela ndaedzo, vha tshi khou tevhela yone—yone—yone milayo ya Mudzimu: “Lindelani u swikela . . .”

⁵⁵ Zwino, vho vha vha tshi khou ofha Vhayuda. Zwino, elelwani izwo. Vho vha vha tshi khou ofha Vhayuda. Zwino, nga tshihadu ha bvelela muungo u ngaho maya u vhudzulaho. Wo vha u si maya u vhudzulaho; wo vha u tshi nga maya u vhudzulaho. Ndi do vhala vhudipfi nga miniti i si gathi kha mučalutshedzi. Wo vha u tshi nga maya u vhudzulaho. Nga maňwe maipfi, wo vha u maya u re n̄ha ha mupo (oo!), tshiňwe tshithu tshine vha kona u tshi pfa. Muya wo vha u nga ngomu havho. Ha bvelela wone—wone maya u vhudzulaho, vhunga maya u vhudzulaho. Muya wo vha u sa khou vhudzula, fhedzi wo vha u tshi tou unga sa maya u vhudzulaho, vhunga tshiňwe tshithu tsho vha tshi khou itea: Whew! Naa no no zwi pfa? Oo, nne-nne! Vhunga maya u vhudzulaho. Zwino lavhelesani. Huno wa dadza . . . Zwino, hafha i ri “hothe,” fhedzi nga Tshigerika i ri “Yothe (Y-o-t-h-e ya danzi), Nndu Yothe,” hothe-hothe heneffo. Mutwe muňwe na muňwe, khudā, na mabuli yo vha i tshi vhonala yo dala ngawo. Hu si u ri, “Ni ri, Vharathu, naa ni a pfa zwine nda khou pfa?” Hai! Wo vha u hothe-hothe, vhunga maya u vhudzulaho. Zwino lavhelesani. “Ha bvelela muungo u ngaho maya wa maanda u vhudzulaho huno (litanganyi. Zwino lavhelesani idzo “huno.” Arali na sa ralo, ni ita uri I ambe tshithu tshine a I khou amba tshone. Ni a vhona?)—huno sa (tsho rangaho u itea ndi muungo, tshiňwe tshithu tshi ngaho sa—sa maya u vhudzulaho tsha bvelela khavho)—huno (ni a elelwa, vhusiku ho fhelaho ndo ya zwiliwani huno nda renga lofo ya vhurotho na namanyana. Hetsho ndi tshiňwe tshithu tshi tshimbilaho nayo. Vhurotho ndi tshiňwe tshithu, nama ndi tshiňwe tshithu. Huno muungo wo vha u tshiňwe tshithu tshe tsha swika khavho)—huno khavho ha bvelela, (phanđa havho) dzindimi—dzindimi dzo fhandekanaho.”

⁵⁶ Naa hu na muňwe ngomu afha we a vhuya a vhona *Milayo ya Fumi* ya Cecil DeMille? Naa no dzhieila nzhele musi Milayo i tshi n̄waliwa? Uri o i farisa hani, a tho ngo zwi dživha. Ho vha hu na zwithu zwivhili kana zwiraru zwe nda vhona khazwo zwe nda zwi takalela nga maanda. Tshithu tsha u thoma ndi hetsho tshedza tsha lutombo, Zwi vhonala sa zwenezwo kokotolo. Ni a vhona? Tshiňwe tshithu ho vha uri musi Mulayo u tshi khou n̄waliwa, na murahu ha musi wo no fhera, naa no vhuya na dzhieila nzhele tshe tsha fhufha u bva kha iyo Khavhu ya Mulilo, ho vha na ḥase ḥukhu dza mulilo dze dza vha dzi tshi khou fhufhela kule? Naa izwo no zwi dzhieila nzhele? Zwino, hezwo ndi zwine nda elekanya uri zwo vha zwo ralo kha Pentekoste. Khavho ho bvelela . . . Ngauralo vho vha vha

tshi kona u Zwi vhona. A yo ngo ri, “Khavho ho wela.” Fhedzi khavho ho bvelela thase (ri do zwi vhidza nga u ralo), dzindimi, vhunga lulimi sa holwu lulimi hafha, [Mukomana Branham u ya sumbedza—Mudz.], tshivhumbeo tsha lulimi, thase ya mulilo. Zwino, n̄devhe—vhunga ndo amba, n̄devhe kha n̄devhe; muñwe kha muñwe. Muñwe a zwi ambi uri no zwi pfa; zwi amba uri zwi vhonala sa muñwe. Huno arali ho vha hu n̄devhe, a yo ngo ri vho zwi pfa; zwo vhonala sa n̄devhe. Hoyu wo vha u mulilo we wa vha u tshi vhonala sa lulimi, hu si muñwe muthu a tshi khou amba, mulilo we wa vha u tshi vhonala sa lulimi.

⁵⁷ Zwino, thetshellesani. Lavhelesani zwine Tshigerika tsha vhalisa zwone hafha:

*Huno ha bvelela muungo nga u ḥavhanya...vhunga
muya wa maanda u vhudzulaho... (Ya 3—ndimana ya
3.)*

Huno dzindimi dzo fhandekanaho dza *bvelela khavho*,...(Hu si dzindimi dzo fhandekanaho dzo vha dzi khavho, kana vho vha vha tshi khou amba nga lulimi lwo fhandekanaho; ho vha hu dzindimi dzo fhandekanaho dze dza bvelela khavho. Zwino, lavhelesani. A dzi athu u vha khavho. Dzi heneffo lufherani, dzi tshi mona na u mona vhunga kha hoyu maya.)...*khavho...vhunga...mulilo...dzindimi* dzo fhandekanaho...dza *bvelela khavho*...(hezwo ndi phanda havho) *vhunga...mulilo*, (dzindimi dza mulilo) *huno iñwe* (lisumba vhuthihi) ya awela *kha muñwe* na muñwe *wavho*. (Hu si ya dzhena ngomu havho; fhedzi ya awela khavho.)

⁵⁸ Zwino, ni a vhona uri King James a i ambi izwo: “Huno dzindimi dza fhandekana dza da khavho, kana dza awela (zwi vhaleyi nga ndila-de kha King James afho?) dza dzula khavho.” Ni a vhona? Zwino, yo vha i nga si kone u ya n̄tha hafho huno ya dzula fhasi. Izwo ri a zwi divha. Fhedzi ya vhukuma i ri, “Ya awela khavho,” ndi a tenda; kani a yo ngo ralo? Ntendeleni ndi i wane lwa ngoho kokotolo. Ee! “...ya awela kha muñwe na muñwe wavho.” Lulimi luthihi lwa mulilo lwo awela kha muñwe na muñwe wavho. Ni a vhona afho? Naa ni a zwi wana? Hetsho ndi tshithu tsha vhuvhili tshe tsha itea. Tsha u thoma ho vha maya, ha kona u da u bvelela ha dzindimi dza mulilo.

⁵⁹ Ho vha hu hafha kha holwu lufhera luñuku na mbone hedzi thukhu dza mapfura dzi tshi khou duga. Humbulani ngavho vho dzula n̄tha heneffo. Huno muñwe a ri, “Oo!” A lavhelesa hothe kha tshifhañ; wo vha wo dadza hothe kha tshifhañ. Huno vha ri, “Lavhelesa!” Dzindimi dza mulilo dza thoma u mona na tshifhañ. Zwino lavhelesani. Huno ha bvelela hedzi dzindimi dza mulilo.

Zwino lavhelesani tshi no tevhela:

Huno (Linwe liṭanganyi; tshiñwe tshithu hafhu tsho itea.) vha dadzwa vhoṭhe nga Muya Mukhethwa, . . . (Tshithu tsha vhuvhili tshe tsha itea.)

⁶⁰ Zwino vhonani, ri khou ṭoda u shandukisa hezwo ra ri, “Vho vha vha na dzindimi dza mulilo, huno afha vhevhetela u mona; huno zwenezwo vha bvela nn̄da nahone vha thoma u amba nga lulimi lu sa divheyi.” A hu na zwithu zwo raloho kha Mañwalo, khonani. Nnyi na nnyi ane a amba nga lulimi lu sa divheyi a tshi bva u ḥanganedza Muya Mukhethwa u zwi ita zwi tshi hanedzana na Bivhili. Huno ndi khou ya u ni sumbedza nga miniti i si gathi nahone nda ni lingululela zwone uri ndi a tenda kha u amba nga dzindimi dzi sa divheyi, fhedzi hu si u ḥanganedza Muya Mukhethwa. Heyo ndi mpho ya Muya Mukhethwa. Muya Mukhethwa ndi Muya.

⁶¹ Zwino lavhelesani. Hedzi dzindimi dzo vha dici lufherani dici tshi nga mulilo, huno ya dzula n̄tha ha muñwe na muñwe. Zwenezwo vha dadzwa nga Muya Mukhethwa (tshithu tsha vhuvhili), huno zwenezwo, murahu ha musi vha tshi dadzwa nga Muya Mukhethwa, vha amba nga dzindimi, hu si nga dzindimi, nga nyambo. Naa no zwi dzhieila nzhele izwo? Vha thoma u amba nga diciñwe nyambo musi Muya u tshi vha netshedza uri vha ambe. Zwino, hezwi zwa andadzwa nga maända.

⁶² Zwino lavhelesani. Zwino, kha ri wane tsumbedziso hafhu uri ni si zwi hangwe. U ya nga Luñwalo, kha lufhera lwa n̄tha vho lindela, nga u tou ḥavhanya ha da muungo u ngaho maya u vhudzulaho, hezwo zwe vha zwi khavho; hoyo wo vha u Muya Mukhethwa. Ndi vhangana vhanie vha tenda uri izwo ho vha hu u bvelela ha Muya Mukhethwa? Vhunga maya, maya u re n̄tha ha mupo. Zwenewo vha limuwa. Huno ngomu heneffo ho vha hu na dzindimi ḥukhu dza mulilo, vhe vha dana na fumbili, huno ya thoma u dzula phasi nahone ya dzula kha muñwe na muñwe wavho. Ho vha hu mini? Ho vha hu mini? Khavhu ya Mulilo, ye ya vha i Mudzimu Ene mune a tshi khou Difhandekanya vhukati ha vhathe Vhawe, a tshi khou da kha vhathe. Yesu o vha a nawo woṭhe; O vha a na Muya u si na tshikalo; ri U wana nga tshikalo (Ni a vhaba zwine nda amba?), ngauri ri vhaba vho newaho hana. Vhutshilo Hawe—Vhutshilo Hawe Vhu Sa Fheli ho vha hu tshi khou dzhena ngomu. Zwino, ho itea mini? Zwenezwo vha dadzwa vhoṭhe nga Muya Mukhethwa.

⁶³ Zwino, ndi khou ṭoda u ni vhudzisa tshiñwe tshithu. Ndi lini he phungo ya thoma? Arali vho bva kha lufhera lwa n̄tha vha tsela phasi nga zwiṭepisi nahone vha bvela nn̄da vha ya dzikhoroni dza pfamo—kana nn̄da kha—kha dzikhoron dza thembele, he ha vha hu buloko ya dorobo u bva he vha vha vha hone, n̄tha na phasi, nn̄da kha dzikhoron he vhathe vha vha vho kuvhangana vhoṭhe. . . . Huno vha bva heneffo vha tshi nga vho kambiwa kha Muya. Ngauri vhathe vho ri, “Havha vhanna

vho dala nga veini ntswa.” Vho vha vha sa athu u vhona zwithu zwo raloho.

⁶⁴ Huno muñwe na muñwe o vha a tshi khou lingedza u ri, “Muya Mukhethwa wo da. Pfulufhedziso ya Mudzimu i kha nne. Ndo—ndo dadzwa nga Muya.” Huno ene nga u avha Mugalileya, muthu we a vha a tshi khou amba nae, Muaraba kana Peresia, a a mu pfa nga luambo lwawe.

⁶⁵ “Ri zwi pfa hani (hu si lulimi lu sa divheyi)—muthu muñwe na muñwe u zwi pfa hani nga lulimi lwe a bebiwa nalwo. Naa avha vho no khou amba a si Vhagalileya?” Huno khañwe vho vha vha tshi khou amba Tshigalileya . . . Fhedzi musi vha tshi zwi pfa, ho vha hu nga luambo lwe vha bebelwa khalwo. Arali zwi so ngo ralo, ndi khou ḥoda ni tshi mmbudzisa—mphindulen Heyi mbudziso: Zwo vha hani uri Petro o takuwa heneffo huno a amba nga Tshigalileya, huno tshigwada tshothe tsha pfa zwe a vha a tshi khou amba? Mimuya ya zwigidi zwiraru ya da kha Kristo heneffo huno Petro a tshi khou amba nga luambo luthihi. Zwo tou ralo! Ho vha hu Mudzimu a tshi khou ita madembe. Petro, kha vhatetshelesi vhatihi vhe vha vha vho katelwa nga vhadzulapo vha Mesopotamiu, na vhatsinda, na vhashandukwa vhaswa, na vhothe u mona na shango lothe vho vha vho ima heneffo . . . Huno Petro o ima nahone a tshi khou rera nga luambo luthihi, huno muthu muñwe na muñwe a mu pfa, ngauri vha zwigidi zwiraru vho rembuluwa nahone vha mbo di lovhedzwa nga Dzina la Yesu Kristo. Mini-ha nga izwo?

⁶⁶ Ni a vhona, dzikhonani, ndi nga si lavhelele wanga wa dinomineisheni, murathu wa Pentekosta a tshi tanganedza izwo zwino. Fhedzi ni tevhelele hezwo kha Bivhili huno ni mmbudze tshiñwe tshifhinga he vha vhuya vha tanganedza Muya Mukhethwa huno vha amba nga lulimi lwe vha si divhe uri vho vha vha tshi khou amba ngalwo. Huno arali heyo i yone ndila ye vha U wana ngayo hafho, Mudzimu muvhusa hothe . . . Zwi tea u itea tshifhinga tshiñwe na tshiñwe nga ndila nthihi.

⁶⁷ Zwino, ndi nga si ralo . . . Zwino, nduni ya Korone- . . . Ri ya elelwa, musi ri tshi tsela fhasi ngei Samaria, vhusiku ho phelaho, ri wana uri ho vha hu si na fhethu na huthihi he vha pfa nga luñwe lulimi-vho, a hu na zwo ambiwaho ngazwo. Fhedzi musi vha tshi ya nduni ya Korenelio, he ha vha hu na tshaka tharuh dzo fhambanaho dza vhathu, vho amba nga dzindimi. Huno musi vho ralo, arali vho ralo, vho U wana, Petro o ri, ndila nthihi ye vha U wana ngayo u rangani. Huno vho zwi divha uri Vhannda vho tanganedza tshilidzi u bva ha Mudzimu, ngauri vho tanganedza Muya Mukhethwa vhunga vho ralo u rangani. Ndi na mbudziso hafha, tshiñwe tshithu nga hezwo nga miniti i si gathi. Ndo vha ndi tshi khou ḥoda u vheya mutheo, uri ni vhone uri ndi zwithu-de.

⁶⁸ Zwino, ndi nga si lavhelele vhatu vho funziwaho zwe fhambanaho... Huno vha thetshelesa nne, vhanga vha funeaho, vha vhudi, vharathu vha Pentekostala. Ndi nga si funze hezwi nn̄da. Hezwi ndi... Ndi nga si ite tshithu u itela u vhanga khanedzano. Fhedzi arali ra sa wana Ngoho, ri do thoma lini? Ri tea u vha na tshiñwe tshithu tshi iteaho hafha uri tshi ri dzudze ndilani. Ri tea u wana tshilidzi tsha u takulelwa nt̄ha hafha zwino. Ngoho i tea u bvela khagala.

⁶⁹ Muthu o vha a tshi do ita mini arali o vha a dzingandevhe, a tshimuma, nahone a sa koni u amba na luthihi? Naa a nga tanganedza Muya Mukhethwa? Mini-ha arali a si na lulimi, huno uyo a t̄ungufhadzaho a tshi ṭoda u tshidziwa? Ni a vhona? Ndi Muya Mukhethwa, ndi ndovhedzo. Huno zwenezwo, hedzi mpho dzothe dzi ngaho u amba nga dzindimi, u t̄alutshedza dzindimi, ndi dza murahu ha musi no dzhena kha Muvhili nga ndovhedzo ya Muya Mukhethwa. Ngauri hedzo mpho dzi ngomu kha Muvhili wa Kristo.

⁷⁰ Zwino, mbuno ya uri ndi ambe hezwi... Zwino, lavhelesani hafha. Naa ni nga lavhelela tshivhidzo tsha Katolika, tshe tsha vha tshone tshivhidzo tsha u thoma u itwa dzangano shangoni murahu ha vhaapostola... Zwenezwo tshivhidzo tsha Katolika tsho itwa dzangano, oo, miñwaha minzhi ya mađana murahu ha lufu lwa muapostola wa u fhedza, u yela kha ya mađana a rathi na—miñwaha murahu ha vhaapostola, murahu ha Khoro ya Nicene, musi vhokhotsi vha Nicene vha tshi kuvhangana huno vha ita dzangano; zwenezwo vha vheya tshivhidzo tsha linnda, tshe tsha vha tshi tshivhidzo tsha Katolika. Henefho vha ita tshivhidzo tsha shango. Huno ipfi *katolika* li amba “linnda”; hezwo ndi hothe-hothe. Vho... Vharoma—Roma ya vhahedeni ya shandukiswa ya vha Roma ya mupapa. Huno vha vheya mupapa uri a vhe thoho uri a dzhie vhuimo ha Petro, zwine vho elekanya nahone vha ri Yesu o neya khiyi Muvhuso. Huno na uri mupapa o vha a sa khakhi, huno zwe ralo na ñamusi kha tshivhidzo tsha Katolika. Uri... Ipfi lawe ndi mulayó na maitele. U tou vha mupapa a sa khakhi. Zwa ralo na u ralo.

⁷¹ Huno zwenezwo, ngauri vha sa tendelane na pfunzo ya Katolika, vha vhulaiwa, vha fhiswa, na zwiñwe zwothe. Rothe ri a divha izwo nga kha mañwalo makhethwa a Josephus, na *Bugu ya Fox ya Vhotambudzwaho*, na mañwe makhethwa manzhi... *Babe Mbili* dla Hislop, na dzone—dzone divhazwakale khulu. Zwenezwo, zwa—nga murahu ha miñwaha ya mađana a fumithanu, sa vhunga ri tshi zwi divha, ya Zwikhathi zwa Swiswi, Bivhili ya t̄uswa vhatunsi. Huno Ya ralo—Ya ralo u dzumbiwa kha munna ane a vha murađo wa vhurereli mułuku, na zwiñwe zwinzhi, ri a pfesesesa.

⁷² Zwenezwo nga murahu ha hezwo ha bvelela mbuyedzedzo ya u thoma ye ya vha i Martin Luther. Huno a bvelela huno a ri tshilalelo tshine Katolika ya tshi vhidza muvhili—muvhili wa

vhukuma wa Kristo, tshi tou fanyisa muvhili wa Kristo. Huno a posa tshilalelo kha mugero ya aleṭare, kana kha zwiṭepisi, huno a landula u tshi vhidza muvhili wa vhukuma wa Kristo, nahone a rera, “Vho lugaho vha do tshidzwa nga lutendo.” Zwino, ni nga si lavhelele tshivhidzo tsha Katolika tshi tshi tendelana nae, zwi nga si ralo, musi ṭohoho yavho i sa khakhi i tshi vha vhudza uri hai. Zwo luga.

⁷³ Zwenezwo nga murahu ha Martin Luther, we a rera U Itwa O Lugaho, John Wesley a bvelela a tshi rera U Itwa Mukhethwa. Huno a rera uri muthu, murahu ha musi o itwa o lugaho (zwo luga) fhedzi ni tea u itwa mukhethwa, u ḥanzwiwa, mudzi wa vhuvhi wa bvisiwa nga Malofha a Yesu. Zwino, ni nga si lavhelele Vhaluṭere vha tshi rera U Itwa Mukhethwa, ngauri a vha nga do zwi ita.

⁷⁴ Murahu ha musi Wesley o rera U Itwa Mukhethwa, na zwipiḍa zwinzhi u bva khazwo, zwine ho bvelela yone, Methodisi ya Wesley, na Nazarene, na zwinhwe, zwe zwa ita uri mulilo u ye phanda na u duga kha tshikhathi tshavho, zwenezwo ha bvelela Pentekoste huno ya ri, “Ndi nga mini, Muya Mukhethwa ndi ndovhedzo, nahone ri amba nga dzindimi musi ri tshi U wana.” Zwo tou ralo. Zwenezwo musi hezwo zwi tshi bvelela, ni nga si lavhelele Vhanazarene, na Vhamethodisi vha Wesley, na vhañwe vhanzhi vha tshi zwi tenda. Vha nga si zwi ite. Vho zwi vhidza zwa diabolo. Zwo luga. Ho itea mini? Vha thoma u wa; Pentekoste ya thoma u takuwa. Zwino ya takuwa u swika fhethu hune Pentekoste ya wana mudzinginyo wayo. Ya ita dzangano ya fhela, ni so ngo ḥanganedza tshiñwe tshithu. Vha vha na milayo yavho vhone vhañe na kuitele kwa zwithu, huno izwo zwa edana.

⁷⁵ Zwino, musi Muya Mukhethwa u tshi bvelela huno wa dzumbulula Ngoho ya tshiñwe na tshiñwe nahone wa zwi sumbedza nga Vhuhone Hawe ene muṇe na nga Ipfi Lawe, ni nga si lavhelele vhatu vha Pentekostała uri vha ri, “Ndi do tendelana nazwo.” Ni tea u ima ni noṭhe sa zwe Luther a ita, sa zwe Wesley a ita, na zwe vhañwe vhothe vha ita. Ni tea u ima kha zwenezwo ngauri awara i fhano. Huno hezwo ndi zwone zwine zwa nnyita uri ndi vhe kusekwa kwo vhifhaho. Ndi zwone zwine zwa nnyita o fhambanaho.

⁷⁶ Huno ndi nga si thome sa Mukomana wanga wa vhudi Oral Roberts, na Tommy Osborn, Tommy Hicks, na vhenevho, ngauri zwivhidzo a zwi nga tendelani na nne. Vha ri, “U tenda kha tsireledzo ya u ya nga hu sa fheli. U tou vha Mubaphuthisi. Ha tendi kha u amba nga dzindimi sa vhūtanzi ha u thoma ha Muya Mukhethwa. Tutshelani kule na hoyu muṭhannga!” Ni a vhona?

⁷⁷ Fhedzi livhanani nazwo tshifhaṭuwo. Livhanani nazwo. Vha nga livhana na Vhaluṭere, yone—yone Methodisi i nga ralo. Pentekostała i nga livhana na Methodisi. Ndi nga livhana na Pentekostała ndi nayo. Ndi zwone. Ndi ngoho. Ndi ngani zwo

ralo? Ri khou tshimbila kha Tshedza vhunga A kha Tshedza. Ni a vhona? Ri khou gonyela n̄tha kha Ndila ndapfu ya Khosi, huno vhukule i tshi da, tshilidzi tshinzhi tshi a ɻetshedzwa, maanda manzhi a ya ɻetshedzwa, zwi re n̄tha ha mupo zwinzhi zwi a ɻetshedzwa. Huno ri heneffo. Ino ndi awara ine Muya Mukhethwa wo tsela fhasi kha tshivhumbeo tsha Tshedza vhunga zwe A vha a zwone u rangani, Khavhu ya Mulilo, nahone o Divhonadza, a tshi ita zwithu zwithihi zwe A ita musi A fhano kha lifhasi. Huno Yesu o ri, “Ni zwi ɻivha hani uri vha kha ngoho kana hai? Nga mitshelo yavho ni do vha ɻivha. Uyo ane a tenda kha Nne, mishumo ine Nda ita u do ita-vho. Hezwi zwiga zwi do tevhela avho vhane vha tenda.”

⁷⁸ Zwino, vharathu vhanga vha Pentekostała. Ndi na inwi. Ndi muňwe wa vhoiñwi. Ndi na Muya Mukhethwa. Ndo no amba nga dzindimi, fhedzi a tho ngo zwi wana nge nda ḥanganedza Muya Mukhethwa. Ndo wana ndovhedzo ya Muya Mukhethwa; ndo amba nga dzindimi, ndo porofita, ndi na mpho dza n̄dīvho, vhułali, u ḥalutshedza, na zweþe zwi iteyaho. Fhedzi hezwo zwithu ndi zwanga, ngauri zwino ndi ɻwana wa Mudzimu. Maanda, Mulilo wa Mudzimu u kha maya wanga; lulimi lwa Mulilo lwe lwa dzula kha—lwe lwa da ngomu hanga nahone lwa fhisa tshiñwe na tshiñwe tshe tsha vha tsho fhambana na Mudzimu, huno zwino ndi rangiwa phanda nga Muya Wawe. A nga ri, “Iya hafha,” huno ndi do ya. “Iya hafha”; ndi do ya. “Ambo hafha”; ndi do amba. “Huno ita hezwi, hezwo, na zwiñwe.” Khezwo heneffo, u tou fana na . . . Ni rangiwa phanda nga Muya. Hoyo ndi Mudzimu ngomu hanu, a tshi khou shuma lufuno Lwawe. Hu si na ndavha uri ndi mini, U khou shuma lufuno Lwawe.

⁷⁹ Zwino, thetšelesani. I ri ni ndi vhone uri ndi vhale hafha phanda ha musi ri tshi thoma na dzimbudziso kha lexikoni hafha. Zwino, u bva kha ḥhalutshedzo ya Vatican, Volumu 7, 190—1205:

“Zwi a kondà u amba uri kana ho vha hu ipfi la havho vhatu vhe vha vha vha tshi khou amba nga luambo lu sili; kana muvhigo kana phungo ya maya u vhudzulaho u re n̄tha ha mupo we wa takadza gogo.”

A vho ngo kona u zwi pfesesa. Zwino lavhelesani. Kana ho vha hu vhatu . . .

⁸⁰ Ndi do tou sumbedzisa. Afha ndi tshigwada tsha vha ḥungufhadzaho, Vhagalileya vha hwasaho. Huno khevha afha nn̄da tshiñaračani. A vha athu u vhuya vha vhona zwi ngaho izwo: zwanda zwavho two imiselwa n̄tha mayani, vha tshi bva kha lufhera lwa n̄tha, vha tsa nga zwiþepisi, vha bvela nn̄da heneffo, vho tou ḥadzwa; vho vha vha sa athu u amba. Ni a vhona? Vha tsela fhasi heneffo. Huno zwino, kha ri ri, vho vha vha nn̄da

heneffo vha tshi mangadzea nga hezwi. Huno vhathu vha ri...
Mugerika a gidimela kha nñe huno, a ri, ndi amba Tshigalileya.

Na gidimela khaye na ri, “Huno thaidzo ndi mini nga inwi, Mutukana?”

⁸¹ “Ndo dadziwa nga Muya Mukhethwa. Maanda a Mudzimu o wa hafho lufherani. Tshiñwe tshithu tsho itea kha nñe. Oo, Vhugala kha Mudzimu!”

Huno muñwe nga hafha, o vha a tsi khou amba Tshiaraba, huno ene a Mugalileya a tshi khou amba Tshiaraba—Luambo lwa Tshiaraba.

⁸² Zwino, vho vha vha sa koni u amba, uri naa ho vha hu muya u vhudzulaho wo kokodzaho vhathu uri vha kuvhangane musi gogo li tshi kuvhangana, kana ho vha hu u amba nga luambo lu sili lwe vha vha vha tshi khou amba ngalwo? Zwino, Bivhili a i ralo kokotolo... Ni na zwithu zwivhili zwine ni nga lavhelesa. Ho vha hu... Vhone—vhone vhannda vho ri, “Ndi ngani ri tshi pfa muthu muñwe na muñwe nga lúlimi lwashu lwe ra bebelwa khalwo?” A yo ngo ri vho vha vha tshi khou lu amba, fhedzi vho vha vha tshi khou lu pfa.

⁸³ Zwenezwo tshigwada tshithihi, vhathu vhathihi, talutshedzani hezwi. Petro a fhufhela kha tshiñwe tshithu nahone a ri, “Vhoinwi vhanna vha Galileya, na vhoinwi ni dzulaho Yerusalem, tendelani hezwi zwi divhiwe kha vhoinwi (vhathu vho ri vho vha vha si na luambo lwa Galileya) tendelani hezwi zwi divhiwe kha vhoinwi nahone ni pfe maipfi anga (ndi—ndi lufhio luambo lwe a vha a tshi khou amba ngalwo, khavho vhothe?); ngani, havha a vho ngo kambiwa sa zwine na elekanya, ni tshi zwi vhona uri ndi awara ya vhuraru ya duvha, fhedzi hezwi ndi zwiła zwe zwa ambiwa nga muporofita Yoele: ‘Huno zwi do vuledzea mađuvhani a u fhedza, u ralo Mudzimu, Ndi do dadza Muya Wanga kha nama yothe. Vharwa na vhananyana vha vhoinwi vha do porofita.’” Phanda na phanda a ya, huno a ri, “Vhoinwi vha zwanda zwihi no vhamba Murwa wa Mudzimu a si na mulandu. Davita o amba Ngae... ha nga litshi muya Wawe heleni, nahone Ha nga tendeli Ene Mukhethwa Wawe a tshi vhona u sina.” Huno a ri, “Kha zwi divhiwe kha vhoinwi uri Mudzimu o ita hoyu Yesu muthihi we na mu vhamba zwe the Murena na Kristo.” Huno musi vha tshi pfa hezwi... Amen! Nnyi? Muthu muñwe na muñwe fhasi ha mađadulu. Ho vha hu tshi khou itea mini? O vha a sa khou ri, “Zwino, ndi do amba nga Tshigalileya; ndi do amba nga holwu; nahone ndi do amba nga holwu...?...”

⁸⁴ Musi Petro a tshi amba haya maipfi, vha ri, “Vhanna na vharathu, ri nga ita mini uri ri tshidziwe?” Huno Petro a vha ñeya ndila ya kuitele. Zwi dzulela u ralo nga yeneyo ndila. Ni a vhona?

⁸⁵ Zwi khou gonya nt̄ha, zwi tshi ya kha Mudzimu, mutshimbilo wa tsini. Ni zwi divha hani? Zwo luga zwino, musi Luther a tshi t̄anganedza u itwa o lugaho, izwo o zwi vhidza Muya Mukhethwa. Zwo vha zwo ralo. Mudzimu a engedza zwītuku Zwawo ngomu. Zwenezwo A ri mini? Wesley a t̄anganedza U Itwa Mukhethwa, huno a ri, “Mutukana, musi ni tshi huwelela, ni Nawo.” Fhedzi vhunzhi havho vho huwelela vhe vha vha si Nawo. Musi Pentekoste i tshi amba nga dzindimi—dzindimi dici sa divheyi, vho ri, “Mutukana, ni Nawo.” Fhedzi vhunzhi havho vho vha vha si Nawo.

A hu na zwithu zwo raloho sa izwo zwiga zwa u divha izwo. “Ndila i yothe ine na divha muri,” Yesu o ri, “ndi nga mutshelo une wa an̄wa,” mishumo ya Muya, mutshelo wa Muya. Zwenezwo musi ni tshi vhona muthu o dadzwaho nga maanda, o dadzwaho nga Muya Mukhethwa, zwenezwo ni vhona vhutshilo ho shandukiswaho. Ni vhona hezwi zwiga zwi tshi khou tevhela avho vha tendaho: “Dzinani Langavha do pandela vhodiabolo, vha do amba nga dzindimi ntswa. Arali nowa ya vha luma, a i nga vha vhaisi. Arali vha na zwi vhulayaho, u nw̄a, a zwi nga vha vhulayi. Vha do vheya zwanda kha vhalwadze, huno vha do fhola.” Nne-nne! Zwiga zwo raliho zwi tshi khou tevhela havho vha tendaho. Fhedzi ni dzhena hani khazwo? Hedzo mpho dici ngomu kha Muvhili. Ni dzhena hani ngomu kha uyo Muvhili? Hu si nga u diambela ndila ngomu; fhedzi nga u lovhedzelwa ngomu kha Muvhili muthihi (Vhakorinta ya u Thoma 12:13). Muya Muthihi rothe ro lovhedzelwa kha uyo Muvhili nahone ro vhofheya kha mpho dzothe. Murena vha ni fhaṭutshedze.

⁸⁶ Zwino, arali muñwe muthu a pfa heyi theiphi kana muñwe muthu hafha a hanedza, elelwani, zwi iteni lwa vhukonani, murathu, ngauri ndi a ni funa.

93. Mbudziso ya u thoma madekwana a namusi: Mukomana Branham, ndi elekanya uri thelevishini ndi samba kha shango. U elekanya mini ngayo?

⁸⁷ Zwo luga, honoyo o zwi nw̄alaho, ndi khou ya u tendelana na iwe. Vho i ita uri i vhe samba kha shango. Yo vha i tshi nga vha phaṭutshedzo kha shango, fhedzi vho i ita uri i vhe samba. Tshini na tshini tshi ngaho hetsho, vhatu vhanga vha funeaho, ndi zwine na lavhelesa kha inwi muñe. Arali thelevishini i samba, zwenezwo gurannda ndi samba, zwenezwo radio ndi samba, huno tshifhinga tshinzhi yone telefon. Ni a vhona, ni a vhona, ni a vhona, ni a vhona? Ndi zwine na ita ngayo. Fhedzi ngauri murathu a amba vhunwe vhusiku, uri zwi a kond̄a u wana dzimbekanyamushumo kha thelevishini; ndi uri ho dalesa tshelede. Vhareri vha ḥungufhadzaho vhane vha rera Mafhungo madifha o Fhelelaho a vha koni u swikelela mbekanyamushumo kha thelevishini. Zwo ralo-ha . . . Mukomana o amba nga vhunwe vhusiku, ndi a tenda, huñwe fhethu, o ri, “Fhufhurani buse kha

radio yanu,” kana muñwe muthu, kana, “I bviseni khuđani huno ni thetshelese idzo dzimbekanyamushumo.” Izwo ndi zwone.

⁸⁸ Fhedzi, muthu a funeaho, ni nga vha nnyi kana nnyi, ndi a tendelana na inwi. Tsho no vha tshiňwe tsha zwithu zwo khakheyaho kha lushaka lwa muthu. Heneffo vha dzhia zweþe hezwi tshelede ine ya tea u ya kha muvhuso sa muthelo, huno vha i vheya u itela u andadza kha hedzi mbekanyamushumo dza mafola oþe na wisiki na zwithu zwi ngaho izwo, huno vha zwi bvisa kha muthelo wa muvhuso; huno zwenezwo vha da vha tshi mona huno vha dzhia vhareri huno vha vha fhirisa kha khothe uri vha wane tshelede thukhu khavho. Ndi a tendelana na inwi, ndi zwithu zwi þungufhadzaho. Zwino, hezwo a si... Ni a divha, zwi tou vha zwithu zwine na zwi wana. Ndi a livhuwa, khaładzi, murathu, hu nga vha nnyi kana nnyi we a vhudzisa izwo.

94. Zwino, kheyi iñwe ya vhuđi. Mbudziso: **Hu na fhethu kha Bivhili hu ngaho kha Samuele ya u Thoma 18:10, hune ya ri maya muvh u bva ha Mudzimu wo ita zwithu. A thi pfesesi “muya muvh u bva ha Mudzimu.” Ndi a humbela þalutshedza hezwi.**

⁸⁹ Zwo luga, khañwe nga thuso ya Murena, ndi nga kona. A zwi ambi uri Mudzimu ndi Muya muvh. Fhedzi maya muñwe na muñwe wa tshiňwe na tshiňwe u langwa nga Mudzimu. Huno U ita zweþe uri zwi shume u tevhedza zwine A funa. Ni a vhona?

⁹⁰ Zwino, kha mbudziso yanu, ni khou amba nga maya muvh we wa bva ha Mudzimu uri u tambudze Saulo. O vha a kha limudi, tshivhumbeo tsha u kwashekana—nyimele, ngauri, tsha u thoma, o vha o gunea. Huno musi ni tshi gunea, maya muvh—Mudzimu u ðo tendela maya muvh u tshi ni tambudza.

⁹¹ Ndi ðo takalela u ni vhalela zwiñwe zwithu hu si—hu si kale. Ndi na iñwe ngelekanyo khazwo hafha. Ni a vhona? Muya muñwe na muñwe u tea u langwa nga Mudzimu. Naa ni a limuwa musi Yosafati na Ahaba vha tshi khou ya nndwani? Huno tshitihu tsha u tou thoma, ho vha hu na—vho dzula dzikhoroni. Huno Yosafati o vha a munna muvhuya, huno a ri (khosi mbili dzo dzula heneffo, huno vha þanganya mmbi dzavho vhoþe) huno ngauralo a ri, “Kha ri vhudzise Murena uri ri tea u ya naa kana hai.”

⁹² Huno Ahaba a þuwa huno a dzhia vhaporofita vha mađana maña vhe a vha a navho, vhoþe, o vha a tshi ita uri vha kanzwiwe nahone vha nonisiwe na zweþe; vho vha vha kha tshivhumbeo tsha vhuđi. Huno vha bvelela heneffo nþha, huno vhoþe vha porofita nga thendelano nthihi, vha ri, “Iya heneffo nþha, huno Mudzimu u ðo u ñeya gundo. Iya ngei Ramothegileada nahone heneffo Mudzimu u ðo kunda a tshi itela iwe.” Muñwe wavho a ðiitela phere ya mañanga huno a thoma u

gidima a tshi mona sa tsumbedziso, a ri, “Nga ano mananga a tsimbi, ni do vha sukumedzela nn̄da ha shango; ndi la vhoinwi.”

⁹³ Fhedzi ni a divha, hu na tshinwe tshithu nga munna wa Mudzimu tshine a tshi ho kha avho vhañwe vhoþhe. Ni a vhona? Arali zwi sa tendelani na Luñwalo, hu na tshinwe tshithu tsho khakheyaho. Mutendi muñwe na muñwe wa vhukuma... Ngauralo Yosafati a ri, “Zwo luga, avho vha madana maña vha vhonala vha vha vhudi. Vha vhonala sa vhatu vhā vhudi.”

“Oo, vho tou ralo,” khañwe Ahaba o ralo.

Fhedzi Yosafati a ri, “A u na muñwe?” Ngani hu tshi tea u vha na muñwe ngeno u na vha madana maña vha tendelanaho? Ngauri o zwi divha uri ho vha hu na tshinwe tshithu tsha pfalaho tshi si tshone. Ni a vhona?

A ri, “Ee, ri na muñwe, murwa wa Yimila, n̄tha hafha,” a ri, “fhedzi ndi a mu vhenga.” Zwo tou ralo. Ni do vala tshivhidzo tshawe tshifhinga tshinwe na tshinwe tshine ni nga kona. Ni do mu pandela shangoni. Ni a vhona? Zwo tou ralo. “Ndi a mu vhenga.”

“Ndi ngani u tshi mu vhenga?”

“U dzulela u porofita zwivhi nga nñe.” Ndi a tenda Yosafati o zwi divha heneffo uri ho vha hu na—tshinwe tshithu tshi so ngo dzudzanyeho.

Ngauralo a ri, “Gonya afho n̄tha huno u nngwanele Mika.”

Ngauralo vha mu tevhela, huno khoyu heneffo u tsela heneffo fhasi... Ngauralo musi vha tshi gonya n̄tha, vho rumela murumiwa huno a ri, “Zwino, imanyana. Zwino, vha na Madokotela a madana maña a Vhukhethwa fhasi afho. Ndi vhone vha khwine vha re hone shangoni, vha na Ph, dzi LLD, na zwiñwe zweþhe.” A ri, “Zwino, u ya divha, iwe munna mutuku a so ngo gudaho nahone a t̄ungufhadzaho, a u khou ya u hanedzana na havho vharangaphanda vhoþhe.”

⁹⁴ Yimila a amba hezwi, kana ndi amba, Mika a amba hezwi: “A thi nga ambi tshithu u swika Mudzimu a tshi zwi vheya mulomoni wanga, huno zwo ralo ndi do amba kokotolo zwe A amba.” Ndi a takalela hezwo. Ndi a takalela hezwo. Nga mañwe maipfi, “Ndi do dzula na Ipfi.” Hu si na ndavha zwe vhañwe vhoþhe vha amba. A ri, “Zwo luga,” a ri, “Ndi khou ni vhudza. Arali hu sa þodi u poswa nn̄da, ndi khwiñe u tshi amba zwi fanaho.”

Zwo ralo a tsela afho fhasi. Huno a ri, “Naa ndi gonye afho n̄tha?”

A ri, “Ita nga u ralo.” A ri, “Nnetshedze madekwana a namusi. Ima ndi zwi ambe na Murena.” Ndi a takalela hezwo. Zwo ralo uvho vhusiku Murena a bvelela khae, huno ðuvha li no tevhela a gonya n̄tha. Huno a ri, musi a tshi khou gonya afho n̄tha, a ri, “Ita nga u ralo; fhedzi ndo vhona Isiraele i tshi nga

nngu dzi si na mulisa, dzo balangana zwikwarani.” Oo, nne-nne! Hezwo zwe bvisa myua ngomu hawe.

Huno a ri, “Naa a tho ngo u vhudza? Ndo zwi divha. U dzulela u ita nga u ralo tshifhinga tshothe, a tshi amba zwivhi kha nne.”

⁹⁵ Nga mini? O vha a tshi khou ima na Ipfi. Nga mini? Muporofita phanda hawe, Ipfi la Mudzimu lo bvaho kha Eliya, muporofita wa vhukuma, o ri, “Ngauri wo shulula malofha a Naboto a si na mulandu, dzimmbwa dzi do qanzwa malofha au.” Huno o mu vhudza vhuvhi. Elisa o vha o no ya Taqulu. Fhedzi o zwi divha uri Elisa o vha a na Ipfi la Mudzimu, ngauralo a ima na Ipfi. Ndi a takalela izwo. Imani kha Ipfi.

⁹⁶ Arali Bivhili yo ri Yesu ha shanduki mulovha, namusi, na lini na lini; maanda Awe a kha di vha o ralo; Muya Mukhethwa ndi wa nnyi na nnyi ane a funa, mu litsheni a de, imani kha Ipfi. Ee, mune wanga! Hu si na ndavha zwine vhañwe vhothe vha amba. Hu si na ndavha uri vho kanzwiwa hani kana vho fhira kha zwikolo zwingana, hezwo a zwi kwamani nazwo.

Ngauralo a ri... Hoyu muthannga muhulu a na mañanga kha thoho yawe, u khou ya u li kokodza—shango seli ha ndango ya khosi, huno a sendela phanda nahone a mu bomodza kha mulomo (hoyu mureri muñuku). O zwi divha uri o vha a tshi tou vha muvhumbuluwi-mukhethwa muñuku ngauralo ho vha hu si na tshire tsha do ambiwa ngazwo, ngauralo a sokou mu bomodza kha mulomo. A ri, “Ndi khou ḥoda u ni vhudzisa tshiñwe tshithu.” A ri, “Ndi nqila ifhio ye Muya wa Mudzimu wa tuwa musi U tshi bva kha nne arali no U wana?”

⁹⁷ A ri, “U do pfectesa musi wo dzula hokoni nnnda ngei sa phuli.” A ri, “Ndi vhona Mudzimu o dzula kha khuluñoni (Amen! Zwino thetshelesani!), huno gogo la Taqulu lo kuvhangana u mona Nae.” Thaidzo ho vha hu mini? Muporofitwa Wawe o vha o no amba zwe zwa vha zwi tshi khou ya u itea kha Ahaba. Mudzimu... Ho vha hu si Eliya we a amba hezwo; hezwo ho vha hu muporofita o doliswaho. Helo lo vha li Ipfi la Murena, ARALO MA AMBA MURENA. Huno Mika a ri, “Ndi vhona gogo la Taqulu lo kuvhangana u mona na Mudzimu kha khuvhangano khulu. Huno vho vha vha tshi khou amba nga tshavho. Huno Murena a ri, ‘Ndi nnyi ane Ra nga mu wana uri a tse fhasi nahone ndi nnyi kha vhoiwi ane a nga tsela fhasi huno a fhura Ahaba, u mu isa nnnda hafho uri a vuledze Ipfi la Mudzimu, u mu ita uri a ralo? Ndi nnyi ane Ra nga mu wana uri a tsele fhasi?’”

⁹⁸ Zwe luga, muñwe o vha a tshi ri uyu muñwe kana uyo muñwe. Huno ho no fhela tshikhalyana, myua muvhui, myua wa u zwifha wa bva fhasi huno wa ri, “Arali Wa nga mu tou ntendela. Ndi myua wa u zwifha. Ndi do tsela fhasi huno nda dzhena kha avho vhareri vhothe, ngauri a vha na Muya Mukhethwa; huno ndi do vha ita (vha tou vha vhatukana vho gudiswaho tshikoloni)—huno ndi do tsa fhasi, huno nda dzhena kha muñwe

na muñwe wavho, huno nda vha fhura, huno nda vha ita uri vha porofite mazwifhi." Naa wo zwi amba? Huno a ri, "Ndi heyo ndila ine ra do fhura." Ngauralo a tsela fhasi.

A ri—Mudzimu o ri, "Ni na thendelo Yanga ya uri ni tshimbile."

⁹⁹ Huno a tsela fhasi nahone a dzhena kha havho vhaporofita vha u zwifha, vhushumeli ho gudiswaho nga tshikolo, huno a vha ita uri vha porofite mazwifhi. Ho vha hu maya wa u zwifha u tshi khou shuma u vuledza lufuno lwa Mudzimu. Ntendeleni... Tshiñwe tshithu-vho tshireni nga tshi vhona hafha, lwa miniti fhedzi. Lavhelesani hezwi. Ndi khou ṭoda ni tshi vula na nñe kha Vhakorinta ya u Thoma ndima ya 5, ndimana ya 1, lwa miniti. Vhakorinta ya u Thoma... Huno lavhelesani hezwi arali ni tshi khou ṭoda u vhona tshiñwe tshithu, tsha Mudzimu a tshi khou ita tshiñwe tshithu—uri hani iyo mimuya miyhi, uri i ralo hani—i tshimbila hani... Zwo luga, Paulo a tshi khou amba:

Itali hu tshi pfala zwa vhuada vhukati hañu, huno honoho vhuada a si uri... vhu vhukati ha vhannda,... (Ni elekanya mini nga uvho vhu re vhukati ha tshivhidzo?)... vhune muñwe u dzhiya musadzi wa khotsi awe.

Huno no dihuduludza, huno ni si na... (Kha ri vhone. Ndi a tenda ndo vula masiañari mavhili nga...)... No ralo—Huno no dihuduludza, huno khwiñe ngavhe ni tungufhale, uri... (Zwino, imani lwa miniti hafha. Naa ndi khou... Ee, ndi zwone. Ee.)... u tungufhala... (Ndi zwone.)... u dihuduludza, huno ni si na... u tungufhala, uri uyo o itaho uyu mushumo a ṭuswe vhukati hañu.

¹⁰⁰ A thi ñivhi. A thi tendi uri muñwe muthu a nga amba kha hezwi kana u tumulela murahu, fhedzi ndi khou tou imelela zwine nda tenda khazwo: Arali muthu a vhuya a ñadzwa nga Muya a nga si U lozwe. Ni a vhona, ni a vhona?

Ngauri ndi ralo ngoho, ndi si ho kha muvhili, fhedzi ndi hone tuyani, ndo hañula kale, sa vhunga ndo vha ndi hone, kha uyo we a ita uyu mushumo,

Nga dzina la Murena washu Yesu Kristo, musi no kuvhangana nothe, huno maya wanga, na maanda a ene Murena Yesu Kristo,

U kumedza onoyo kha Sathane u itela u tshinyadzwa ha nama, uri maya u tshidzwe nga ñuvera la Murena Yesu.

¹⁰¹ Mudzimu, a tshi khou vhudza Tshivhidzo tshikhethwa, tshireni vha Muvhili Wawe fhano kha lifhasi, uri (zwino, hezwi zwo itea murahu ha Testamente ya Kale, kha Ntswa) a tshi khou vhudza muthu we a vha a muvhi nahone o tshikafhala

vhukati ha vhathu lwe a tshila na mufumakadzi wa khotsi awe. A ri, "Zwo raloho kha Muvhili wa Kristo... Inwi, Tshivhidzo, mu raheleni ha diabolo u itela u tshinyadzwa..." Ni a vhona? Mudzimu u ya tendela wone... Huno musi A na tshithu tshire A khou ḥoda u vhona tsho itea, u rwa muñwe muthu, U do tendela maya muvhi wa ya khavho uri i tambudze uyo muthu huno—huno u vha vhuise murahu. Zwino, ri wanulusa uri hoyu muthu nga murahu...

¹⁰² Thaidzo ndi yeneyo kha zwivhidzo ɿamusi. Musi muthu a tshi da kha Muvhili wa Kristo nahone a vha muñwe wa mirado huno a thoma u ita zwivhi, vhudzuloni ha uri inwi ni kuvhangane na ita hezwi zwithu zwi fanaho... Huno inwi, Theberenakele ya Branham, ni ite zwenezwo. Ngauri arali na mu kuvhatedza, u phasi ha Malofha. Huno u sokou isa phanda na u ita zwithu zwithihi zwa kale a tshi dovha na u dovha tshifhinga tshothe. Ni kuvhangana nothe huno na mu rahela kha diabolo u itela u tshinyadzwa ha ɿama, uri maya wawe u—vhunga—u tshidziwe nga ɿuvha la Murena. Huno ni lavhelese ḥamu ya Mudzimu i tshi da. Ni lavhelese diabolo a tshi mu fara. Hoyo ndi maya muvhi u mu wanaho.

¹⁰³ Huno hoyu mutukana hafha o dzudzanyiwa. U vhuya murahu. Ri wana kha Vhakorinta ya Vhuvhili hune a kuna phanda ha Mudzimu.

¹⁰⁴ Lavhelesani kha Yobo, munna o khunyelelaho, munna wa u luga. Huno Mudzimu a tendela diabolo muvhi uri a de khae, huno a mu rwe, huno zwiñwe zwothe hu u itela u khunyeledza maya wawe. Ni a vhona? Ngauralo mimuya mivhi i na... Mudzimu u shumisa mimuya mivhi zwifhinga zwinzhi uri i shume u vuledza ndivho Yawe na lufuno Lwawe.

95. Zwino, kheyi iñwe ine ya kwama zwavhukuma. Mbudziso (Ndi elekanya uri ndi muthu muthihi, ngauri zwi vhonala sa muñwalo u fanaho): **Arali muthu a tshi tea u vha na Muya Mukhethwa uri a vhe—u vha na Muya Mukhethwa uri a shandukiswe nahone a ye kha u takulelwa ntha, tshi do vha tshiimo-de tsha vhana vhe vha fa phanda ha miñwaha ya vhuđifhinduleli? Huno vha do vuwa lini?**

¹⁰⁵ Zwino, murathu wanga, khaladzi, izwo ndi nga si ni vhudze. A hu na Luñwalo lwazwo kha Bivhili sa lune ndi nga lu wana huñwe fhethu. Fhedzi ndi nga bvisela khagala ngelekanyo dzanga. Zwino, hezwi zwi do maandafhadza vhoiñwi vhane vha tenda kha tshilidzi tsha Mudzimu. Ni a vhona, hoyu muthu u khou ḥoda u divha (zwine ndi mbudziso ya vhudi. Ni a vhona?) hoyu muthu u khou ḥoda u divha uri muwo i do vha hani—zwine zwa do itea kha holwu lushie, uri arali lu tshi tea u vha na Muya Mukhethwa uri lu kone u vha kha u takulelwa ntha.... Sa vhunga ndo amba, ndi zwone. Hezwo ndi u ya nga Bivhili. Heyo ndi pfunzo ya Luñwalo. Hu si u sa ya Tađulu... Ngauri

vhatu vho dadzwaho nga Muya Mukhethwa ndi mvuwo ya u thoma, Vhanangiwa. Huno masalela a havho... Vhanwe vhothe vho faho vha si tshile lwa miñwaha ya tshigidi. Nga murahu ha Nwahagidi, zwenezwo ha da mvuwo ya vhuvhili, khañhulo khulu ya Khuluñoni Tshena. Ni a vhona? Heyo ndi mbekanyo kokotolo ya Bivhili. Fhedzi hoyu muthu u khou ḥoda u divha uri mini-ha nga uvhu vhushie. Vhu... Nga marwe maipfi, naa vho vha na Muya Mukhethwa phanda ha musi vha tshi bebiwa? Naa vho U ḥanganedza? Zwino, hezwo ndi nga si ni vhudze.

¹⁰⁶ Fhedzi zwino, kha ri zwi ambe sa hezwi: Ri a zwi ḥivha uri vhushie vhune ha fa, hu si na ndavha uri vhabebe vhalwo ndi nnyi, vha a tshidziwa. Zwino, ndi a hanedzana na tshikolo tsha vhaporofita kha izwo. Vha ri arali lwo vha lu lwa—lwo fa u bva kha mubebi wa muitazivhvi, ulwo lushie lu ḥo ya heleni, lwa sina; a hu tsha ḥo vha na tshithu khalwo. Zwo luga, Yesu... Yohane o ri musi Yesu a tshi bvelela, "Vhonani Ngwana ya Mudzimu ine ya fhelisa tshivhi tsha shango." Huno arali holwu lushie lwo vha lu muthu, ane o vha a tshi tea u da fhasi ha khathulo dla Mudzimu, huno Yesu o fa uri a fhelise tshivhi, zwivhi zwe the zwe fheliswa phanda ha Mudzimu musi Yesu a tshi fela iyo ndivho. Zwivhi zwañu zwe hangwelwa. Zwivhi zwanga zwe hangwelwa. Huno ndila i yothe ine ni nga vhuya na hangwelwa ndi u tanganedza khangwelo Yawe. Zwino, lushie a lu koni u ḥanganedza khangwelo, ngauralo o lwo ngo ita tshithu. A lu ngo ita tshithu na luthihi. Ngauralo lwo vhofholowa lwa u fhedzisa kha u ya ḥadulu.

¹⁰⁷ Fhedzi ni ḥo ri, "Naa vhu do takulelwa nt̄ha?" Zwino—zwino, heli ndi ipfi langa nne muñe; heyi ndi ngelekanyo yanga. Ni so ngo ralo... Hezwi ndi nga si zwi sumbedze nga Bivhili. Fhedzi lavhelesani. Arali Mudzimu, musi shango li sa athu u sikiwa, o ḥivha muthu muñwe na muñwe ane a do vha kha lifhasi... Naa ni a tenda izwo? O divha lunyunu luñwe na luñwe, thunzi iñwe na iñwe, tshifhufhaho tshiñwe na tshiñwe, O divha zwe the zwine zwa ḥo vhuya zwa vha kha lifhasi. Arali O ḥivha izwo...

¹⁰⁸ Lavhelesani. Kha ri dzhie sa tsumbo, Mushe. Musi Mushe a tshi bebiwa, o vha a muporofita. Phanda ha Yeremia... Mudzimu o vhudza Yeremia, "Phanda ha musi u sa athu vhumbiwa mbumbeloni ya mme au, phanda ha musi u sa athu u vhumbiwa kha mbumbelo yavho, Ndo u ḥivha, huno nda u ita mukhethwa, nahone nda u ta sa muporofita wa dzitshaka." Yohane Mulovhedzi, miñwaha ya madana a fusumbe na fumimbili phanda ha musi a tshi bebiwa, Yesaya o mu vhona kha bono, a ri, "Ndi ene ipfi la a vhidzelelaho sogani."

¹⁰⁹ U tiwa kana u ḥivhelaphanda ha Mudzimu hu ḥivha zwe the nga hovhu vhushie vhutuku (ni a vhona?), zwe ha vha hu tshi khou ya u ita. Huno O zwi ḥivha uri vhu do fa. O zwi ḥivha. A hu na tshire tshi nga itea Mudzimu a sa ḥivhi tshithu ngazwo. A hu na tshire tshi nga itea kha... Vhunga Mulisa wa Vhudzi, U

dzhena hani ngomu... Zwino, u amba hezwi nga Luñwalo, ndi nga si ri Luñwalo lwo ri *tshikene na tshikene*. Ndi khou tou zwi amba nga ngelekanyo yanga.

- 96.** Zwino, mbudziso i no khou tevhela ndi ine nda elekanya uri khañwe muñwe muthu ho vha hu zwe nda amba vhuñwe vhusiku. **Talutshedza mufumakadzi a tshi tshidzwa nga u beba ñwana.**

¹¹⁰ Mufumakadzi ha tshidziwi nga u beba ñwana. Fhedzi kha ri vule zwino kha Timotheo ya u Thoma 2:8 lwa miniti. Huno ri wanuluse zwine Bivhili ya amba nga ñwana. Zwino, ndi limuwa uri iyo ndi pfunzo ya Katolika, uri Katolika i ri musadzi u tshidzwa kha u beba ñwana, nga u beba ñwana. Fhedzi ri so ngo... Izwo a thi zwi tendi. Timotheo ya u Thoma ndima ya 2, kha ri thome kha ndimana ya 8, huno ri vhale lwa tshikhalyanya zwino. Zwo luga, thetshellesani.

Zwo ralo-vho, uri vhasadzi vhañu vha ambare lwa vhudele... (A ri tei u vhudzisa hezwo, naa ri tea u ralo? Thetshellesani kha hezwi.)... nga tshifhañuwo tshi shonaho... (Whew!)... na u khuthala; hu si nga u luka mavhudzi awe, kana musuku, kana malungu, kana mañeletele; (Wharathu, hafha ndi khou ni thusa, ndi a fulufhela. Hedzi dzibonete dzoñthe ntswa ñuvha liñwe na liñwe kana mañuvha mararu. Ni a vhona? Hezwo a zwi itwi nga Vhakriste.)

Fhedzi (nga avho vhasadzi vhane vha ri vha ofha Mudzimu) nga mishumo mivhuya.

Litshani vhasadzi vhañu vha gude u fhumula nga t̄honifho yoñhe.

Fhedzi A thi tendeli musadzi a tshi funza, kana u vhusa ene... munna, fhedzi a... fhumule.

Ngauri ho thoma u vhumbiwa Adamu, huno ha kona u da Efa.

... Adamu ho ngo fhuriwa, fhedzi musadzi nge a fhuriwa o mbo di pfuka ndaela.

Huno u do tshidzwa nga u beba ñwana arali... (Zwino, ha khou amba nga musadzi wa shango, a vha ho na vhushie)... arali a isa phanda kha lutendo... (Ni a vhona? Arali a isa phanda. O dzula o ralo... Hoyo ndi ene musadzi ane a khou amba ngae, musadzi o no tshidziwaho. Ni a vhona?)... na lufuno na vhukhethwa nga u khuthala hoñhe.

¹¹¹ Hu si u vha na lushie zwi mu ita uri a tshidziwe, fhedzi ngauri u khou alusa vhana, u khou ita mushumo wawe, hu si u alusa zwimange, dzimmbwa, na zwinwe zwinzhi zwi dzhiaho vhuimo ha ñwana, vhunga zwine vha ita ñamusi, vha tshi zwi ñeyea lufuno lwa mme uri a kone u ya nn̄da huno a gidima a tshi

mona vhusiku hothe. Vharîwe vhatu vha ya ita izwo. Pfarelo, fhedzi vha ya zwi ita. Izwo zwi a konda uri ndi zwi ambe, fhedzi ngoho ndi ngoho. Ni a vhona? A vha ḥodi lushie lwa u vha vhofha. Fhedzi kha u beba ḥwana, arali a isa phanda kha lutendo, vhukhethwa, na u khuthala hothe, u do tshidziwa. Fhedzi yone *arali* a, ni do tshidzwa-vho, *arali* no bebwa hafhu. Ni do ralo u fhodziwa *arali* na tenda. Ni nga ḥanganedza Muya Mukhethwa *arali* na U tenda, na U lugisela, *arali* no U lugisela. Huno u do tshidzwa arali a isa phanda na u ita hezwi zwithu (ni a vhona?), fhedzi hu si ngauri ndi musadzi. Ngauralo izwo ndi zwone, murathu, khaladzi. A si pfunzo ya Katolika na luthihi. Zwino ndi khou ḥoda... Inwe kheyi afha yo dzingindelaho. Zwenezwo ri na inwe hafhu. Ndi elekanya uri khañwe ri na tshifhinga tshadzo. Ndo tou dzhia tshifhinga tshashu. Zwino, hezwi zwi tou vha—hezwi zwi tou vha mvelelo dza murahu ha mvuseledzo. Hedzi ndi mvelelo dza murahu ha muṭangano, hedzi dzimbudziso.

97. Zwino: Mukomana Branham (zwo ḥwaliwa nga u thaiphiwa), naa ndi Luñwalo uri muthu a ambe nga dzindimi na u ḥalutshedza mulaedza wawe ene muñe? Arali zwo ralo, ndi a humbelu uri u ḥalutshedze. Vhakorinta ya u Thoma kana Vhakorinta 14:19 na Vhakorinta 14:27.

¹¹² Zwo luga, kha ri ye kha Luñwalo huno ri vhone zwine lwa amba. Huno zwenezwo ri do vhona uri ri nga zwi tevhedza nga Luñwalo. Ri ḥoda u dzula ri kha Luñwalo. Huno Vhakorinta 14. Zwino, muthu uyu u khou ḥoda u ḥivha arali zwi kha Luñwalo uri muthu a ḥalutshedze mulaedza wawe ene muñe we a amba nga dzindimi. “Arali zwo ralo, ḥalutshedze Vhakorinta 14:19.” Kha ri vhone, 14 na 19. Zwo luga, khezwi henehfa.

Fhedzi zwihvidzoni ndi...khwiñe ndi musi ndi tshi amba maipfi mañanu ane nda a pfesesa, uri nga ipfi ḥanga ndi kone u funza vharîwe, u fhira a zwigidi zwa sumbu...nga...dzindimi dzi sa pfali.

Zwino, i tevhelaho ndi ndimana ya 27, vha khou ḥoda u ḥivha.

Arali muñwe muthu a tshi amba nga ndimi dzi sa pfali, kha zwi vhe nga mbili, kana nga...nga maanda nga vhararu, huno arali zwo ralo; huno muthihi a ḥalutshedze.

¹¹³ Zwino, ndi tenda uri zwine uyu muthu a khou lingedza u sumbedzisa kha (zwine nda khou ḥoda—Ndi khou ya u ni vhalela zwiñwe zwithu lwa tshifhinganyana). Fhedzi ndi elekanya zwine murathu kana khaladzi a khou lingedza u dzhena khazwo, “Naa zwo luga uri muthu ane a khou amba nga dzindimi uri a dovhe a ḥalutshedze mulaedza we a u amba?” Zwino, khonani ya vhudi i funeaho, arali na nga tou vhala ndimana ya 13 kha ndima nthihi, i do ni vhudza:

Fhedzi-ha litshani uyo ane a amba nga ndimi dzi sa pfali a rabele uri a ḥalutshedze.

¹¹⁴ Zwo tou ralo. A nga talutshedza mulaedza wawe ene mune. Zwino, arali ra nga tou... Kha ri sokou... Zwo luga, inwi... Vhalani zweithe zwazwo hafha, huno ni nga kona u vhona uri Zwi... Itanu vhala ndima yothe. Ndi ya vhudi, zwi talutshedzeni.

¹¹⁵ Zwino, u amba nga dzindimi... Zwino, musi ri kha hezwo, huno izwi zwi tshi khou iswa kha theiphi, ndi khou ḥoda u amba u ri ndi a tenda kha u amba nga dzindimi vhunga ndi tshi tenda kha phodzo Khethwa, na yone—yone ndovhedzo ya Muya Mukhethwa, u vhuya ha Kristo lwa vhuvhili, na maanda a shango li daho; ndi a tenda kha izwo vhunga ndi tshi tenda, fhedzi ndi a tenda uri u amba nga dzindimi zwi na fhethu hazwo vhunga u vhuya ha Kristo zwi na fhethu hazwo; phodzo Khethwa i na fhethu hayo; zwithu zweithe zwi na fhethu hazwo.

¹¹⁶ Zwino, kha vhoiwi vhathu, ndo wana tshikhala tsha u amba hezwi zwino, huno ndi tama u zwi talutshedza. Huno arali nda vhaisa muñwe muthu, a thi ḥodi u ralo. A thi ḥodi u vhanga ndado. Fhedzi thetshelesani. Thaidzo ya u amba nga dzindimi kha vhathu vha Pentekostała (zwine ndi nñe mune; ndi Mupentekostała. Ni a vhona?)... Zwino, zwine zwa vha thaidzo ndi hezwi: ndi uri a vha zwi hulisi. Huno tshiñwe tshithu, vha sokou zwi litsha zwa itea. A vha vhuyi murahu kha Ipfi.

¹¹⁷ Zwino thetshelesani. Ndila kheyi hafha—litshani—kheyi ndila ye tshivhidzo tsha vhekanywa ngayo. Zwino, kha tshivhidzo tsha Pentekostała, arali ndo vha ndi mufunzi wa hetshi tshivhidzo, ndo vha ndi tshi do ni vhudza uri ndo vha ndi tshi do zwi dzudzanyisa hani (ni a vhona?), arali ndo vha ndi—ndo vha ndi tshi do vha fhano tshifhinga tshothe uri ndi zwi funze. Nda ndi tshi do tendelana na mpho inwe na inwe kha Bivhili. U ranga nga u vhudza vhatendi uri vha lovhedzelwe kha Muya Mukhethwa. Huno zwenezwo, mpho inwe na inwe ya Vhakorinta ya u Thoma 12 i do tea u vha i tshi khou shuma kha tshivhidzo tshanga, arali nda nga vha swikisa hafho, muvhili wothe u tshi khou shuma.

¹¹⁸ Zwino, arali na nga limuwa... Ndi sa khou ita tsumbedziso zwino. Huno elelwani, ndi nga si ambe ipfi na lithihi li tshi hanedzana—Ndi nga do sema Muya Mukhethwa. Huno Mudzimu u ya ñivha uri ndi nga si ambe uvho vhukhakhi. Ni a vhona? Fhedzi ndi khou tou amba hezwi u lingedza u ni neya mbonalo ya Luñwalo murahu ha musi ndo lu vhala zwino lwa u yela kha miñwaha ya fumbili. Ndo rera lwa u yela kha miñwaha ya furaru. Huno ndo no tou fhira kha zweithe, u tou pfukuludza; ni nga elekanya uri zwo vha hani. Huno ndi tshi lavhelesa muthu muñwe na muñwe, na pfunzo yavho, shango u mona. Huno ndi tshi zwi dzhia ngauri ndi lutamo lwanga. Ndi lutamo lwa muthu nnndani ha nñe. Ndi khou tea u ḥuwa hafha. Ni khou tea u ḥuwa hafha. Huno arali nda ḥuwa sa muporofita wa mazwifhi, ndi do lozwa maya wanga na u lozwa wañu na nñe. Ngauralo zwi fhira—

zwi fhira vhurotho ha ḋuvha na ḋuvha; zwi fhira u duma; zwi fhira zwiñwe zweþhe; ndi vhutshilo kha nne. Ni a vhona? Huno ndi khou ṭoda u dzulela u vha na vhungoho ḥo dzivhafhalaho.

¹¹⁹ Zwino, ni ye kha tshivhidzo tsha Pentekostała, tshithu tsha u thoma... (A thi ambi vhoþhe. Vhañwe vhavho vha...) Tshifhingga tshinzhı ni dzhena ngomu tshivhidzoni huno na thoma u rera; musi ni tshi khou rera, muñwe muthu u ño takuwa huno a amba nga dzindimi. Zwino, hoyo muthu a funeaho a nga vha o ḋadzwa nga Muya Mukhethwa lwo khunyelelaho, huno hoyo u nga vha u Muya Mukhethwa u tshi khou amba nga kha hoyo muthu, fhedzi mafhungo ndi u ri, a vho ngo gudiswa. Arali hovhu vhushumeli kha pulatifomo vhu fhasi ha ḫuþhuwedzo ya u amba, maya wa vhaporofita u fhasi ha muporofita. Ni a vhona? “Litshani zwithu zweþhe zwi itiwe...” Zwino, iyani hafha kha Paulo uri ndi ngani a tshi amba u ri “musi muthihi a tshi amba,” na zwiñwe zwinzhi... “musi a tshi dzhena ngomu, ho vha hu na ndado.”

¹²⁰ Zwino, ndo vha ndi tshi khou vhidzelela vhathe aletareni, huno muñwe muthu a takuwa a amba nga dzindimi. Zwo sokou... Zwo luga, ndi nga tou litsha na u vhidzelela kha aletare. Zwi a zwi imisa. Ni a vhona?

¹²¹ Huno zwenezwo, tshiñwe tshithu. Zwifhingga zwinzhi vhathe vha ño takuwa huno vha amba nga dzindimi, huno vhathe vha dzula nahone vha shenga tshepisi, vha tshi lavhelesa u mona. Arali Mudzimu a tshi khou amba, fhumulani, thetshelesani! Arali heyo i Ngoho, arali hoyo u Muya Mukhethwa u no khou amba kha hoyo muthu, ni fhumule nahone ni thetshelese, ni vhe na vhudziki. ḫhalutshedzo i nga ña kha inwi. Ni a vhona? Dzulani ni fhumule; ni thetshelese ḫhalutshedzo. Zwino, arali hu si na muṭalutshedzi tshivhidzoni, zwenezwo vha tea u fhumula kha uyo Muvhili.

¹²² Huno zwenezwo, musi vha tshi amba nga ndimi dzi sa pfali, Bivhili yo ri, litshani vhone vhañe vha ambe navho na Mudzimu. Hoyo ane a amba nga ndimi dzi sa pfali u khwaþhisa ene mune. Zwino, hedzo ndi dzindimi dzi sa pfali; malimi, nyambo ñzo fhambana. “A dzi pfali,” o ri... Fhedzi tshire tsha ita muungo tshi na zwine tsha amba. Fhedzi inwi... Arali phalaphala ya unga, ni tea u ñivha uri i ungisa hani (...itanu i vhudzula) kana a ni nga ñivhi uri ni dilugisela hani u itela nndwa. Arali muñwe muthu a amba nga dzindimi, huno a sokou “honda”; ndi zwenezwo fhedzi, ndi nnyi ane a ñivha uri a ite mini. Fhedzi arali ya thoma ya vhudzula, hezwo zwi amba “takuwa!” Arali ya vhudzula muungo, hezwo zwi amba “dzula.” Ni a vhona? Arali ya vhudzula ilwani hezwo zwi amba “ilwani.” Itea u ñeya zwine ya amba, huno hu si u sokou amba fhedzi. Ngauralo ngomu tshivhidzoni, arali hu si na muṭalutshedzi, fhedzi arali hu na muṭalutshedzi, zwenezwo dzindimi ndi zwine zwa wanala ngomu tshivhidzoni.

¹²³ Zwino, kha mbudziso yanu, khonani i funeaho, ine ya ri, “Ndi nga ɿamba nda amba lwa zwigidi zwiyanu...maipfi mayanu, uri vhatu vha kone u mpfesesa u fhira a zwigidi zwiyanu (kana zwenezwo zwiñwe zwine ya amba) nga ndimi dzi sa pfali.” Heyo ndi ngoho. Fhedzi vhalani ni tshi tsa: “...nndani ha musi hu nga dzumbululo kana nga ɿhalutshedzo u itela u khwathisa.” Ni a vhona? U khwathisa.

¹²⁴ Zwino, ndi do tou ni ɿeya tsumbedziso ɿhukhu ya uri minihä—mini...Arali ndo vha ndi tshi khou tea u vha mufunzi wa itshi tshivhidzo tshi no khou da, arali Mudzimu a mmbidza uri ndi vhe mufunzi watsho, kheyi ndila ye nda vha ndi tshi do tshi tshimbidza ngayo: Ndi nga ɿingedza u wana muthu muñwe na muñwe ngomu henehfo a na mpho. Huno nda ita uri havho vhatu vha ɿangane lwa u yela kha awara phanda ha musi tshumelo i tshi thoma, lufherani nga tshavho. Nda vha litsha vha dzula fhasi ha Muya. Huno tshithu tsha u tou thoma, muthihi u tsela fhasi, u na mpho ya u amba nga dzindimi. Huno a amba nga dzindimi. Muñwe na muñwe a dzula o fhumula. Huno muñwe a takuwa huno a ɿalusthedza zwine a amba. Zwino, phanda ha musi hezwo zwi tshi ɿetshedzwa tshivhidzo, Bivhili i ri zwi tea u hañulwa vhukati ha thanzi mbili kana tharu. Zwino, hoyo ndi muthu a na vhuñalukanyi ha muya (ni a vhona?), ngauri zwifhinga zwinzhi maanda mavhi a dzhena ngomu henehfo. (Ni a vhona?) Paulo o amba ngazwo. Fhedzi zwenezwo, maanda a Mudzimu a ngomu henehfo-vho. Mmbudzeni tshivhidzo tshine vhuvhia vhu dzuli. Mmbudzeni hune vharwa vha Mudzimu vha kuvhangana vhothe Sañhane a vha a si ho vhukati havho. Ndi tshiñwe na tshiñwe. Ngauralo ni so ngo khakhiswa nga izwo. Ni a vhona? Sañhane u hoñhe-hoñhe. Zwino, khezwi ri fhano. Muñwe muthu u khou amba nga dzindimi. Zwino, hu na vhararu vho dzulaho henehfo vha na Muya wa vhuñalukanyi. Huno muñwe a amba nga dzindimi huno a ɿetshedza mulaedza. Zwino, zwi nga si vhe u topola Luñwalo, ngauri Mudzimu ha shumisi ndovhololo ya ɿifhedzi, nahone O ri vhudza uri ri so ngo ralo. Ni a vhona? Ngauralo a si hezwo. Ndi mulaedza kha tshivhidzo.

¹²⁵ Ro no vha na zwithu zwivhili kha heyi mvuseledzo. Lavhelesani uri tshiñwe na tshiñwe tsha hone tsho vha tsho—khunyelela, kokotolo. Ni a vhona? Tsho dzhena ngomu. Muñwe munna o takuwa, a amba nga dzindimi, huno a ɿeyi ɿhalutshedzo, huno a humela murahu, huno a khwathisedza uyo mulaedza wo ɿetshedzwaho. Muñwe a takuwa vhuñwe vhusiku, huno a amba kha—fhasi ha ɿthuthuwedzo ya tshiporofito, huno a amba tshiñwe tshithu, a sa ñivhi zwe a vha a tshi khou amba; huno magumoni a amba, “Wa mashudu ndi uyo ane a ña nga Dzina la Murena.” Nga u tou ɿavhanya tshiñwe tshithu tsha nngavha huno tsha ri, “Nga inwe ndila wa mashudu ndi uyo ane a tenda uri hoyu ndi Murena o ña.”

¹²⁶ Ni a vhona hone u ṭa—zwenezwo Muya Mukhethwa wa tsela kha tshifhaṭo vhusiku ho fhelaho. Ni a vhona? Hezwo ndi zwa u khwathisa. Ndo vha ndo ima heneffo ndi tshi khou lingedza u vhudza vhathu uri vha tea u ṭanganedza Muya Mukhethwa. Huno diabolo o vha o dzhena ngomu u mona na vhathu, a tshi ri, “Ni so ngo thetshelesa; dzulani ni fhumule.”

Khaladzi anga o ri, “Bill, ndo vha ndo takala zwihulu musi u tshi khou rera; nda pfa unga ndi nga takuwa huno nda fhufha luvhondo.”

Nda ri, “Takuwa huno u fhufhe.” Ndi zwenezwo fhedzi.

Huno a ri, “Fhedzi musi u tshi thoma u ita hezwo,” huno a ri, “vhathu vha thoma u huwelela,” a ri, “zwenezwo nda pfa unga ndi wa kale a sa ri tshithu.”

¹²⁷ Nda ri, “Hoyo ndi diabolo. Hoyo ndi Sathane. Musi a tshi dzhena ngomu u ita hezwo,” nda ri, “u tea u takuwa naho zwo ralo.” Ri vhotshifhe kha Mudzimu, ri ita tshiṭhavhelo tsha tshimuya—tshiṭhavhelo, mitshelo ya meme dzashu ri tshi netshedza thendo kha Dzina Lawe. Ni a vhona?

¹²⁸ Zwino, zwino, khezwi zwe zwa itea. Zwenezwo Muya Mukhethwa wa bvelela, ngauri hezwo zwo vha zwi tshi tou vha... “Wa mashudu ndi uyo ane a tenda.” Mavhili, masiku mararu a tshi tevhekana ndo lingedza u adza hezwo ngomu heneffo; huno zwenezwo, Muya Mukhethwa wa amba huno wa ri (fhasi ha ṭhuthuwedzo) wa ri, “Wa mashudu ndi uyo ane a da nga Dzina la Murena.” Huno phanḍa ha musi ndi tshi amba tshithu, ndo vha ndo no fhedza u amba uri zwo fhela. “Wa mashudu ndi uyo ane a tenda uri Murena vho da kha hezwi.” Ni a vhona? Huno ndo vha ndi tshi khou bva u amba hezwi, Muya Mukhethwa ndi Mudzimu Ene muṇe ngomu haṇu. Ni a vhona? Huno vha do u gavha. Ni a vhona? Huno zwenezwo Muya Mukhethwa wo tsela vhukati ha vhathu. Ni a vhona uri U hani—U khwathisa hani, u porofita?

¹²⁹ Zwino, hu na phambano vhukati ha tshiporofito na muporofita. Tshiporofito tshi bva kha muiwe tsha ya kha muṇwe, fhedzi muporofita u bebwā u bva kha mmbete wa muporofita. Vha na ARALO MA AMBA MURENA! A hu na u vha haṭula. A ni vha vhoni vho ima phanḍa ha Yesaya, kana Yeremia, muiwe wa avho vhaporofita, ngauri vha na ARALO MA AMBA MURENA! Fhedzi maya wa vhuporofita vhukati ha vhathu; izwo ni tea u zwi lavhelesa, ngauri Sathane u do dzhena ngomu heneffo. Ni a vhona? Zwino. Fhedzi zwi tea u haṭulwa.

¹³⁰ Zwino, ri khou—ri khou ya u vha na mvuseledzo. Zwino, lavhelesani hezwi zwa vhudi zwino, vhoiñwi vhashumeli. Ri khou lugisa mvuseledzo. Zwo luga. Kana khaṇwe ri khou tou vha na tshumelo yo ḍoweleyaho ya tshiyhidzo. Tshiyhidzo tshi kha mulilo. Tshi tea u ralo tshifhinga tshoṭhe. Zwo luga, khaṇwe ri na vhathu vhaṭanu kana vharathi vhane vha vhathu

vha na mpho; muńwe u amba nga dzindimi, vhavhili kana vhararu khańwe vha amba nga dzindimi, vhańa kana vhańanu nga dzindimi, vha na mpho ya dzindimi, u amba nga dzindimi dici sa pfali. Vhavhili kana vhararu vhavho vha a kona u ḥalutshedza. Khańwe hu na muthihi—vhavhili, kana vhararu vhane vha na mpho ya vhućali. Zwo luga. Vhothe vha ya ḥangana, havho vhathe vha na mpho... Inwi... Hedzo dzimpho a no ngo dici fhelwa uri ni tambe ngadzo, hu si uri ni ri, "Vhugala kha Mudzimu, ndi amba nga dzindimi! Haleluya!" Ni do ralo—ni tou vha—ni khou qitsitsela phasi. Dzo ralo, u ḥetschedzwa inwi uri ni shume ngadzo. Huno tshipiđa tshanu tshivhidzoni tshi tea u da phanda ha musi tshumelo ya ndeme i tshi thoma, ngauri a so ngo gudaho u khou ya u vha vhukati hashu.

¹³¹ Zwenezwo ni bvela nnnda na dzhena ngomu lufherani, huno na dzula heneffo, vhoiñwi vhathe nothe, ngauri ni vhashumisani vha edanaho kha Mafhungo mađifha. Zwenezwo na dzula heneffo. "Murena, naa hu na tshińwe tshithu tshine Wa ḥoda ri tshi tshi ḥivha madekwana a ḥamusi? Amba na riñe, oo, Khotsi wa ḥadulu," ni tshi ḥetschedza thabelo, khumbelo; ni tshi imba dzinyimbo. Thwii phasi hu da Muya, wa wela kha muńwe muthu, a amba nga dzindimi. Muńwe a takuwa huno a ri, "ARALO MA AMBA MURENA." Ndi mini? Thetshelesani. "Iya u vhudze Mukomana Jones uri a pfuluwe fhethu hune a khou dzula hone, ngauri matshelo nga masiari hu do vha na ḥumbu kha ilo shango; huno li khou ya u tshinyadza nndu yawe. Dzhia thundu dzawe huno ni ḥewe!"

¹³² Zwino, hezwo—hezwo zwi pfala zwi zwa vhudi. Fhedzi imaninyana. Hu tea u vha na vhathe vhararu heneffo vhane vha vha na Muya wa vhućalukanyi. Muńwe wavho u ri, "Ho vha hu wa Murena." Muńwe a ri, "Ho vha hu wa Murena." Havho ndi vhavhili vha tshi hanedzana na vhararu—mbili kana ḥanzi tharu. Zwo luga. Vha ḥwala hezwo phasi kha tshipiđa tsha bammbiri. Hezwi ndi zwe Muya wa amba. Zwo luga. Vha humela murahu kha u rabela, vha tshi livhuwa Murena.

¹³³ Ho no fhela tshifhinganyana, "ARALO MA AMBA MURENA (muporofita a takuwa) ARALO MA AMBA MURENA, madekwana a ḥamusi, ngei New York City hu do vha na musadzi; u kha hingo; u do dzhena ngomu tshifańomi nga hingo. U na mufulane mudala u mona na ḥohoho yawe. U khou lovha nga pfuko. Tshe tsha mu ita uri a vhe nga heyi ḥnila, Murena vho fara hezwi zwawe—tshińwe tshifhinga o tswa tshelede kha Tshivhidzo Tshawe musi a tshe na mińwaha ya fumirathi. Vhudza Mukomana Branham uri a mu vhudze hezwi zwithu. ARALO MA AMBA MURENA, arali a dzudzanya hezwo, u do fhodzwa." Imani lwa miniti. Hezwo zwi pfala zwi zwa vhudi, fhedzi imani lwa miniti. Ni khou ya u ḥwala dzina ḥanu kha heli bammbiri, mućalukanyi? Naa ni khou ya u ḥwala dzina ḥanu?

¹³⁴ “Zwo vha zwi zwa Murena.” Muňwe a ri, “Zwo vha zwi zwa Murena.” Zwenezwo—zwenezwo ni zwi ñwala phasi, “ARALO MA AMBA MURENA, madekwana a ñamusi hu ða da musadzi, *tshikene na tshikene.*” Ane a vha ná vhutalukanyi ha maya, vhavhili kana vhararu vhavho vha saina madzina avho khatsho. Heyi milaedza yoþhe i a ñetshedzwa. Zwo luga.

¹³⁵ Huno ho no fhela tshifhinganyana vha thoma u pfa dilogo i tshi lila. Tshivhidzo tsho thoma u kuvhangana. Huno vha ðisa heyi milaedza, vha i vheya hafha kha  afula. Henefha hune ya tea u vheiwa hone. Ndi nn da hu ne fhethu ndi khou vhala, na u rabela. Ho no fhela tshifhinganyana nda dzhena murahu ha musi dzinyimbo dzo no imbiwa. Tshivhidzo tshi ngonani, vhatthu vha khou dzhena, vha dzula, vha elekanya, vha tshi rabela; ndi hezwo zwine na tea u ita. Hu si u ða tshivhidzoni na amba nga tshan , idani tshivhidzoni u amba na Mudzimu. Ni vhe na vhuledzani ha u nn da ngei. Ni a vhona? Ri khou ledzana na Mudzimu zwino. Huno ri dzhena hafha ri tshi amba, zwithu zweþhe nga vhudziki, nga  honifho, Muya u tshi khou tshimbila. Mulidzi wa piano u ða kha piano miniti mi a u phanda ha musi tshumelo ya vhuimbeleli i tshi thoma, a thoma zwa vhudi:

Fhasi ngei kha tshifhambano he Mutshidzi
wanga a fa hone,
Fhasi heneffho ndo lilela u  anzwiwa
tshivhi, . . .

Kana lu we luimbo lwa vhudi, nga vhudziki. Zwi ðisa Vhuhone ha Muya Mukhethwa kha mu angano. Ni a vhona? Zwo luga.

¹³⁶ Vhatthu vho dzula heneffho. Vha we vhavho vha tou vha—vha thoma u lila huno vha ða kha ale are, vha shanduka phanda ha musi tshumelo i tshi thoma. Muya Mukhethwa u heneffho. Ni a vhona? Tshivhidzo tshi vhu unguni. Vhakriste vha khou rabela; vho wana vhuimo havho. A vho ngo dzula hafho vha tshi shenga tshepisi, vha tshi ri, “Hey, Liddie, mphe mapfura au a u dola mulomo; ndi khou toda. . . . Ni a divha. Ni a divha. Ndi khou toda. . . . Ni a divha, li we duvha musi ndi fhasi heneffho ndi tshi khou renga thundu, ndi a ni vhudza, ndo  oda u ni kanda zwiku we. Naa ndo no vhuya nda vhona zwo raloho. . . . Ni humbula mini nga izwo?” Oo, khathutshelo! Na zwi vhidza nn du ya Mudzimu. Nga mini, zwi a shonisa. Muvhili wa Kristo u tshi kuvhangana. Ra dzula heneffho.

Muthu we a vha o dzula nga tsini, “A ri, u ya divha musi ri tshi ya hafho, hoyu *mukene na mukene na mukene na mukene . . .*” Hezwo zwo luga nn da, fhedzi ngomu hafha ndi nn du ya Mudzimu.

¹³⁷ Idani ni tshi rabela; ni dzhie maimo an . Ndi khou amba zwino, hu si na zwivhidzo zwa vhoi wi, vharathu. A thi divhi zwine na ita; ndi khou amba na heyi theberenake . Ndi khou

amba na vha murahu ha vothi ḥanga. Ni a vhona? Hezwo ndi zwone.

¹³⁸ Zwino, musi ni tshi dzhena sa izwo, zwenezwo tshithu tsha u tou thoma tshire na ḫivha, mufunzi u bvela nn̄da. U kha diidudela. Ha tei u fhindula sa *hezwi*, *hezwo*, na *zwinwe*. U khou bva kha—kha ḥwando wa vhushumeli hawe. O vha a phasi ha maanda a Muya Mukhethwa. U dzhena hune dzindimi nn̄zhi dza mulilo dzo kuvhangana dzoṭhe. Itou vha khavhu zwino (ni a vhona?), u khou mona-mona. U bva hafha, a dzhia hezwi. “Mulaedza u bva kha tshivhidzo: ‘ARALO MA AMBA MURENA, Mukomana Jones u tea u pfuluwa nduni yawe. Matshelo nga masiari nga iri ya vhuvhili n̄tha ha tshithoma dumbo li do rwa shango ḥawé. ḥa dzhia zwithu zwave huno ḥa tuwe.’” Izwo Mukomana Jones u a zwi pfa. Zwo luga. Hezwo zwo ḥwaliwa. “ARALO MA AMBA MURENA, hu do vha na musadzi nga dzina ḥa *Mukene na mukene* ane a do bveleka madekwana a ḥamusi, huno ho vha hu—o ita *tshikene na tshikene*.” (Vhunga ndo amba, ni a vhona, sa zwenezwo.) Zwo luga, hezwo zwi a dzika. Ndi zwenezwo. Vho no wana vhuimo havho zwino ngomu tshivhidzoni. Zwo luga.

¹³⁹ Zwenezwo u dzhia mulaedza. Huno tshithu tsha u tou thoma, u thoma u rera. Hu si na tsha u thithisa; zwo no itea kale. Zwino, ri khou ya phand̄a, ri rera mulaedza.

¹⁴⁰ Huno ho no fhela tshifhinganya yone... Tshithu tsha u tou thoma musi mulaedza wo fhela, muduba wa phodzo u ya thoma. Hu bvelela musadzi. Muṇwe muthu o amba nga dzindimi huno a ri u khou ḫa. Ni a vhona? Muṇwe na muṇwe washu u ya ḫivha zwine zwa khou ya u itea. Muṇwe na muṇwe washu u ya zwi ḫivha. Ni a vhona uri lutendo lu thoma u fhaṭa hani na idzo dzindimi dza mulilo dzo imaho n̄tha haṇu zwino. U thoma u ḫikuvhanganya. Ngani, u tou vha mushumo wo fhelaho; ndi zwenezwo fhedzi.

Hoyo musadzi... Ndi do ralo, “Vhomme. *Mukene na mukene*, u bva Doroboni ya New York, vho dzulaho hafha...” Ni a vhona?

“Oo, ndi zwone. Izwo no zwi ḫivha hani?”

“Ndi mulaedza u bvaho ha Murena u ḫaho kha tshivhidzo. Musi u tshe na miṇwaha ya fumirathi, naa wo vha u siho fhethu hu *kene-kene* huno wa ita—wa dzhia iṇwe tshelede u bva kha tshivhidzo, huno wa i tswa, huno wa ḥuwa, huno wa ḫiwanela zwiambaro zwiswa ngayo?”

“Oo, izwo ndi zwone. Izwo ndi zwone.”

“Hezwo ndi zwe Mudzimu a ri vhudza kokotolo nga Mukomana *Mukene na mukene*, o amba nga dzindimi; Mukomana *Mukene na mukene* hafha a ralo, wa vhuṭalukanyi, a ri zwi bva ha Murena. Huno hezwo ndi ngoho.”

“Ee!”

“Zwenezwo, ARALO MA AMBA MURENA, ṭuwa u zwi lugise, huno u do fhola pfuko yau.”

¹⁴¹ Mukomana Jones u ya hayani, a dzhia gariki, a namedza, a dzhia thundu yawe, huno a ṭutshela kule na heneffo. Nga iri ya vhuvhili n̄tha ha tshithoma matshelo nga masiari: Zowie! la balanganya zwithu zwoṭhe. Ni a vhona? Tshivhidzo tsha nea vhugala . . . “Ri a livhuwa, Murena Yesu, nga vhuthu Hau.” Zwino, zwi tou vha zwenezwo, u khwaṭhiswa, u itela tshivhidzo.

¹⁴² Zwino, mini-ha arali zwi sa iteye murahu ha musi vho zwi amba? Zwenezwo ni na muya muvhi vhukati hanu. A ni todj hetsho tshithu tshivhi. Ndi ngani ni tshi ṭoda tshithu tshivhi musi lwone—lwone lutombo lwo ḍala nga zwavhukuma zwa Pentekostała? Ni so ngo dzhia zwiimeleli zwa kale u bva kha diabolo. Wanani zwithu zwavhukuma. Mudzimu u nazwo zwa u itela inwi. Zwenezwo ni so ngo tsha vha na miṭangano, huno na vhea tshiňwe tshithu n̄tha hafha, u swika Mudzimu a tshi khwaṭhisedza uri ni kha zwi re zwone, ngauri ni muthusi kha tshivhidzo kha u shuma ha Mafhungo madifha. Zwino, ni a pfeſesa uri zwi tou vha zwine zwa vha zwone?

¹⁴³ Huno dzindimi, dzindimi dzi sa pfali . . . A hu na muthu ane—ane a divha zwine a khou amba zwone. U amba; fhedzi muungo muňwe na muňwe u na zwine wa amba. Hezwo zwi na zwine zwa amba [Mukomana Branham u vhanda zwanda zwawe—Mudz.] “Gilaka, gilaka, gilaka!” Hezwo zwi na—holwo ndi—holwo ndi luambo huňwe fhethu.

¹⁴⁴ Musi ndi ngei Afurika, a tho ngo vhuya nda zwi tenda, fhedzi tshiňwe na tshiňwe tshine tsha ita muungo tshi na zwine tsha amba. Bivhili yo ri a hu na muungo u si na zwine wa sumbedza, u si na zwine wa amba. Muungo muňwe na muňwe une wa itwa u na zwine wa amba kha tshiňwe tshithu. Ngani, ndi a pfa vhathe vha tshi ri . . . Ndi do ri, “Yesu Kristo, Murwa wa Mudzimu.”

¹⁴⁵ Muňwe wavho u do ya [Mukomana Branham u ita muungo wa muṭalutshedzi wa ngei Afurika—Mudz.]. Muňwe a tevhela [Mukomana Branham u dovha hafhu a ita tsumbedziso.]. Huno hezwo ho vha hu, “Yesu Kristo, Murwa wa Mudzimu.” Ni a vhona? Zwi na . . . Huno zwi si ambe tshithu kha nne, fhedzi khavho ho vha hu luambo vhunga ndi tshi khou amba na inwi. Musi muṭalutshedzi wa Muzulu, wa Muxhosa, wa Musotho, na vhaňwe vhanzhi, a tshi bvelela, tshiňwe na tshiňwe tshe tsha ambiwa, vhoṭhe vho zwi pfeſesa. Huno hezwi zwithu zwine na pfa havha vhathe vha tshi zwi ŋuňunela nn̄da, huno na elekanya uri ho ḍala u vhuvhula, a zwo ngo ralo; zwi na zwine zwa amba. Ngauralo ri tea u zwi dzikisa, u zwi vhea fhethu hazwo.

¹⁴⁶ Zwino, khaňwe a ho ngo vha na mulaedza. Zwino, tshumelo yo fhela; mbidzo ya aleṭarenī yo itwa. Huno ho no fhela tshifhinganyana muňwe muthu (a ho ngo vha na mulaedza

murahu ngei) muñwe muthu a takuwa musi a tshi tou wana tshikhala tsha u ralo. Muya Mukhethwa... Zwino, Bivhili yo ri, "Arali hu si na muñalutshedzi, mu litsheni a fhumule." Hu si na ndavha uri zwi khou lingedza u amba hani, fhumulani.

¹⁴⁷ Ni ri, "Ndi nga si zwi ite." Bivhili i ri ni nga ralo. Ni a vhona? Uri ni—hezwo zwi a li dzudzanya. Ni a vhona? Mu litsheni a fhumule.

¹⁴⁸ Zwenezwo, musi zwi tshi ralo, tshikhala tshi a da hune zweþhe zwi ngonani, zwenezwo arali Muya Mukhethwa wa thamutshela khae uri a neye mulaedza, zwenezwo u ya u neya. Ndi zwenezwo kokotolo zwine na tea u ita. Zwenezwo þhaluthedzo i ya ða, ya ri, "Hu na musadzi hafha wa dzina la Sally Jones (Ndi a fulufhela uri uyo musadzi wa iþo dzina haho fhano, fhedzi...) Sally Jones. (Ni a vhona?) Mu vhudze uri hovhu ndi vhusiku ha mbidzo yawe ha u fhedza. Kha dzudzanye na Mudzimu ngauri u na tshifhinga tshipfufhi tsha u vha fhano." Zwino, Sally Jones u ðo gidimela kha aleþare u ya nga hune a kona (ni a vhona?), ngauri iyo ndi mbidzo yawe ya u fhedza. Ni a vhona? Hezwo ndi u neya mulaedza, kana khwaþhisidzo, kana tshiñwe tshithu.

¹⁴⁹ Hetsho ndi tshihidzo tsha Pentekostaþa tshi tshi khou shuma. A hu na khonedzeo ya uri maya muvhi u dzhene ngomu, ngauri tsho no ralo... Bivhili i neya kokotolo, "Kha zwi vhe nga u ralo, huno uri nga vhararu; huno litshani vhavhili kana vhanzhi vha haþule." Hetsho ndi tshihidzo. Fhedzi hune ra tshi wana hone ñamusi? U thamutshela nt̄ha, na u ita nga u ralo, u sea na u ita nga u ralo musi muñwe muthu a tshi khou amba nga dzindimi; muñwe u lavhelesa-vho, ni tshi amba nga tshiñwe tshithu na u ita gogo u mona; mufunzi a tshi khou ita tshiñwe tshithu; kana muñwe muthu a tshi khou ita gogo u mona. Zwo luga, hezwo a zwo ngo luga. Khañwe mufunzi a tshi kou rera, huno muñwe muthu a takuwa huno a mu dzhenelela kha... Khañwe a tshi khou vhala Bivhili huno muñwe muthu... A tshi khou vhala Bivhili, huno muñwe muthu murahu hafho a tshi khou amba nga dzindimi. Oo, hai! Ni a vhona? Mureri a nt̄ha a tshi khou rera kha phuluphithi, muñwe muthu a takuwa huno a mu dzhenelela, a tshi amba nga dzindimi. Zwo luga. A thi khou ri a si Muya Mukhetwa, fhedzi ni tea u ðivha uri Muya Mukhethwa u shumiswa hani (ni a vhona?), u U shumisa.

Zwino, ndi—ndi khou dzhia... Naa ni na lufhera lwa iñwe hafhu? Zwenezwo, matshelo ndi Swondaha. Zwenezwo, ri ðo ralo... Kha ri tou... Kheyi iñwe. Ndi elekanya uri ndi ya vhuði vhukuma. Huno zwino, arali na nga tou nkondelela noþhe lwa miniti i si gathi, ndi a humbela. Huno zwenezwo, ndi ðo ralo... ndi khou ðoda u—ndi khou ðoda ni tshi pfesesa hezwi. Ndo vhulunga hezwi ndi na ndivho. Heyi ndi yanga ya u fhedzisa.

Zwino, tsha u thoma, ndi khou ya u vhala zwithu zwivhili zwe muthu a vhudzisa. Zwi kha tshipida tshithihi tsha bammbiri, zwo ḥwaliwa nga muñwalo wa u naka. A thi ḫivhi uri ndi nnyi, a hu na dzina ḥo sainiwaho kha—kha tshiñwe tshao.

98. Mukomana Branham, naa zwo luga uri vhashumeli vha ite mukokodzo mulapfu wa tshelede kha tshumelo dzavho, vha tshi amba uri Mudzimu o vha vhudza uri vhanzhi kha vhathetshelesi vha tea u ḥeya zwo yaho nga u rali? Arali hezwi zwi zwone, ndi khou ḥoda u ḫivha. Kana arali zwo khakhea, ndi khou ḥoda u ḫivha. Hezwi zwo nthithisa nga maanda.

¹⁵⁰ Zwino, ni a vhona, khonani, ndi khou ya u ni vhudza, ndi khou ya u ni vhudza zwine nda elekanya. Ni a vhona? Zwino, hezwo a zwi ambi uri zwo luga. Ndi elekanya uri zwi a shusha.

¹⁵¹ Zwino, ndi elekanya hezwi. Mudzimu o nthuma luvhandeni. Ndo vhona tshifhinga tshe nda vhonala unga ndi nga tou vha... Huno ndo—ndo vha ndi si na tshelede na luthihi. Huno ndo vha ndi tshi ri, “Itau fhirisa phuleithi ya u kuvhanganyela.”

Huno mulanguli o vha a tshi ḥa kha nñe huno a ri, “Lavhelesa, Billy, ri na dolara dza zwigidi zwiñanu kha zwitswuku madekwana a ñamusi, Mutukana. Naa u na tshelede ngei Jeffersonville ya u zwi badela?”

¹⁵² Nda ndi tshi ri, “Zwo luga. Mudzimu o nthuma hafha, kana ndi musi ndi so ngo ḥa. (Ni a vhona?) Itau fhirisa phuleithi ya u kuvhanganyela.”

Huno phanda ha musi muñangano wo no fhela, muñwe muthu a ri, “U ya ḫivha, Murena o vheya mbiluni yanga uri ndi netshedze dolara dza zwigidi zwiñanu u itela hezwi.” Ni a vhona, ni a vhona? Tsha u thoma, rangiwani phanda uri ni zwi ite.

¹⁵³ A thi tendi kha u kuvhanganya, na u luvhelela, na u hasekanya tshelede. Ndi elekanya uri zwo khakheya. Zwino, murathu, arali na zwi ita, ni so ngo ntendela nda vhaisa zwipfi zwanu. Ni a vhona? Ni—ni nga vha na ndila yone ya u zwi ita i bvaño ha Mudzimu. Fhedzi ndi khou tou ambela nñe muñe. A thi tendi khazwo.

¹⁵⁴ Zwino, ndi a ḫivha na nga vhashumeli vhane vha khou ya huno u ri... Ndo ima nga ndila yone, a si kale... Zwino, heyi a si Pentekostaña, heyi ndi... Zwo luga, ndi zwivhidzo (ni a vhona?), zwiñwe zwivhidzo. Ho vha khuvhangano khulu ya muñangano. Gertie, wo vha u na nñe, na vhañwe vhanzhi vhe hone. Huno vha dzhia masiari othe kha dinomineisheni i ḫivhaleyaho—vhavhili kana vhararu vhavho nga tshavho (hezwo ndi zwivhidzo zwo dowleyaho, vhunga zwivhidzo zwashu zwa tshizwino hafha doroboni, na zwiñwe zwinzhi) kha khuvhangano khulu—huno vha dzhia masiari othe, ndo ima kha puñatifomo—huno vha tshi tshuwisa uri Mudzimu u ḥo tshinyadza zwimela zwavho, u do fha vhana vhavho maruda, na zwithu zwi ngaho izwo, arali vha sa

bvisa kha muṭangano. Heyo ndi ngoho kokotolo, na heyi Bivhili phanda hanga. Nda ri, “Ndi u semana kha Mudzimu na kha vhatevheli Vhawe.” Arali Mudzimu a ni ruma, U do ni londota. Arali A so ngo ni ruma, zwenezwo litshani dinomineisheni i ni londole. Fhedzi—fhedzi ni . . . Arali Mudzimu a ni ruma, U do ni londola.

99. Mini-ha nga zwine Khushumusi ya amba kha tshivhidzo tsha Muya Mukhethwa?

¹⁵⁵ Zwo luga, arali hu malugana na Kristo, zwi nga vha zwe luga. Fhedzi arali hu malugana na Santa Claus, a thi tendi khae. Ndo—ndo aluwa—Ndo no aluwa kha u tenda hezwo. A thi tendi kha Santa Claus na luthihi. Ni a vhona? Huno zwiñwe zwiñku zwa heyi Khushumusi zwine vha vha nazwo, ndi elekanya uri zwi a tshuwisa. Huno . . . Fhedzi ndi elekanya uri vho bvisa Kristo o fhelela kha Khushumusi huno vha dzenisa Santa Claus ngomu hayo.

¹⁵⁶ Huno Santa Claus ndi tshiñori tsha khumbulelo. (A thi khou vhaisa zwipfi zwañu, ndi a fulufhela, malugana na vhana.) Fhedzi ndi do ni vhudza. Hafha a si kale, u yela kha ya fumbilithanu, miñwaha ya furaru yo fhiraho, musi mushumeli hafha kha heyi dorobo, mufunzi wa—wa tshiñwe tshivhidzo tshihulu hafha doroboni, ane nda mu ñivha nga maanda, khonani yanga ya tsini, o da kha nne. Huno Charlie Bohannon (Mukomana Mike, ni a elelwā Charlie Bohannon, khonani yanga ya vhudi) . . . A dzula heneffo ofisini yawe huno a ri, “Ndi nga si vhuye nda tendela vhana vhanga kana vhaduhulu vhanga vha tshi vhudziwa ayo mazwifhi.” A ri, “Mutukana wanga mutuku o da kha nne murahu ha musi o no swikisa miñwaha ya fumimbili, huno a tshi khou amba nga Santa Claus . . .” Huno ene, a ri, “Ngani . . . Mufunwa, hu na zwine nda khou ḥoda u u vhudza.” A ri, “Mme . . .” U ya ñivha, huno a isa phanda na u mu vhudza zwe a amba.

Zwenezwo phanda ha musi a tshi vhuya murahu, a ri, “Zwenezwo, Baba, naa uyu Yesu o tou ralo?”

¹⁵⁷ Ambani ngoho. Santa Claus ndi u ñiimelela ha Katolika nga uyo muṭhannga, ene Kriss Kringle kana Nicholas Mukhethwa, mukhethwa wa kale wa Mugerman wa Katolika wa miñwaha minzhi yo fhiraho we a tshimbila a tshi ita zwivhuya kha vhana. Huno vho tshimbila nazwo sa mvelele. Fhedzi Yesu Kristo ndi Murwa wa Mudzimu. Ndi wa vhukuma, nahone U ya tshila.

Zwino, mbudziso kheyi, ya u fhedzisa, ine ndi ya . . .

¹⁵⁸ Zwino lavhelesani. Ni nga hanedzana na nne kha hezwo. Fhedzi arali na henedzana na nne, elelwani, kha zwi vhe lwa vhukonani, naa ni do ralo? Ndi a ni funa, huno a thi ḥodi u—a thi ḥodi u ni vhaisa. Ndi tou vha ndo rali, ndi khou ḥoda u vha na vhungoho. Arali ndi tshi nga si kone . . . arali na zwifhela

mutukana wanga, zwenezwo ndi muzwifhi. Ni a vhona? ndi khou ḥoda u mu vhudza ngoho.

¹⁵⁹ Zwino, ndi mu vhudza nga Santa Claus, ndi ri, “Ee, zwo tou ralo, hu na Santa Claus. Lavhelesa Baba vhusiku ha Khushumusi.” Ni a vhona? Ee.

¹⁶⁰ Ni a divha, līnwe ḫuvha ndo vha ndi fhasi hafha, huno nda lingedza izwo kha musidzana muṭuku ndi tshi khou ḥoda u tou vhona. Ndo badelwa murahu mbamulovha. Ndo vha ndi ngomu ha tshifhato. Huno vho vha vho ima heneffo, fhasi hafha kha Quaker Maid. Huno nda tsela fhasi heneffo uri ndi wane zwiliwa. Huno ra ralo, mufumakadzi na nne, ro vha ri ngomu heneffo. Huno ho vha hu na musidzana muṭuku, o vha a sa athu u fhirisa miñwedzi ya fumimalo, huno o vha o ima heneffo, a tshi ralo, a tshi imba, “Dingle Bells, Dingle Bells . . .” Huno nda ri . . . Kha vhuimo hawe vhuṭuku, ni a divha, o dzula murahu kha gariki ḫukhu.

Nda ri, “Naa u khou lavhelesana na Santa Claus?”

A ri, “Hoyo ndi baba wanga, Muñe wanga.”

Nda ri, “Mbilu yau ḫukhu i fhaṭutshedzeye, Mufunwa. U na vhuṭali.”

Zwino, khetsi tshidzulaho, dzikhonani. Huno kha hezwi . . . Zwenezwo ndi ḫo vala. Oo, ndi—ndi Luriwalo lwa vhuḍi, fhedzi zwidzula kha muthu muñwe na muñwe a vhonalaaho o ralo. Huno zwo dzula na nne lwa miñwaha na miñwaha; huno nga tshilidzi tsha Mudzimu fhedzi . . . Huno mufumakadzi wanga wa vhuḍi, o dzula murahu afho zwino, musi a tshi pfa uri ndi na iyo mbudziso ano masiari, o ri, “Bill, u fhindula hani izwo?” A ri, “Ndo dzula ndi tshi ḫivhudzisa zwenezwo na nne muñe.” A ri, “Ndo vha ndi sa zwi pfesesi.” Huno a ri . . .

Nda ri, “Tsela fhasi madekwana a ḫamusi, Mufunwa wa mbilu yanga. Ndi ḫo ita zwine nda kona nga thuso ya Mudzimu.”

100. Mukomana Branham, ndi humbelu u ḫalutshedze Vhahevheru 6:4 u swika kha 6.

¹⁶¹ Hetsho ndi tshiñwe tshifhinga tshine . . . Ni a vhona, zwino ni ḫo tea u lavhelesa hafha kha lutendo lwashu, tshilidzi, tsireledzo ya vhatendi, u kondelela ha vhakhethwa, u kondelela, zwavhuḍi-vhuḍi, ha vhakhethwa. Vhahevheru ndima ya 6, 4 u swika kha 6.

Zwino, musi ndi tshi tou . . . u fhedza hezwi, zwenezwo ndi a fulufhela uri Mudzimu u ḫo nthusa uri ndi zwi bvisele khagala kha inwi. Ndi humbelu pfarelo, ndi—ndi na Mulaedza wanga wa madekwana a ḫamusi; khañwe ndi ḫo rera zwithu zwithihi nga matsheloni kha—kha tshumelo. Zwenezwo ndi ḫo ḫuwa.

¹⁶² Zwino, hetshi ndi tshi dzulaho zwavhukuma. Ni a vhona? Zwino, ni tea u lavhelesa. Zwino elelwani, ri a tenda na u funza kha tshino tshivhidzo, hu si uri tshiñwe na tshiñwe tshine tsha bvelela nahone tsha huwelela, tshiñwe na tshiñwe tshine tsha

amba nga dzindimi, tshinwe na tshinwe tshine tsha khađana na mureri, tshi na Vhutshilo Vhu Sa Fheli. Fhedzi ri tenda uri arali ni na Vhutshilo Vhu Sa Fheli, arali Mudzimu o ni ńeya Vhutshilo Vhu Sa Fheli, ni Naho lwa tshothe. Ni a vhona? Ngauri lavhelesani. Arali zwi so ngo ralo, Yesu o wanala a mudededzi wa mazwifi. Kha Yohane Mukhethwa 5:24, O ri, “Uyo ane a pfa Maipfi Anga nahone a tenda kha Uyo o Nthumaho u na Vhutshilo ha Lini na Lini, nahone ha nga di khatuloni, fhedzi o fhira u bva kha lufu u ya kha Vhutshilo.” Zwino, tađani Nae. “Vhothe vhe Khotsi a Nneya . . . A hu na muthu ane a nga da kha Nne nndani ha musi Khotsi vho mu kokodza. (Ndi khou topola Luňwalo.) Vhothe vhane vha da . . . A hu na muthu ane a nga da kha Nne nndani ha musi Khotsi Anga vho ranga u mu kokodza. Huno vhothe vhe Khotsi Anga vha Nneya vha do da ha Nne. (Ni a vhona?) Huno vhothe vhane vha da kha Nne, ndi do vha ńeya Vhutshilo ha Lini na lini (Yohane Mukhethwa 6), nahone ndi do mu vusa mađuvhani a u fhedza.” Hayo ndi maipfi Awe.

¹⁶³ Zwino lavhelesani. Arali ndi tshi khou ćoda u humela murahu kha Vhaefesa ndima ya 1, Paulo a tshi khou rera . . . Zwino, Vhakorinta, muniwe na muniwe u na lulimi na dzipsalme. Ni dzhiele nzhele zwińwe zwivhidzo a zwo ngo vha na thaidzo. Ho ngo vhuya a amba tshithu ngazwo. Naa o vuya a amba dzindimi huńwe fhethu kha tshivhidzo tsha Efeso, tshivhidzo tsha Roma? Hai! Vho vha vha na dzindimi na zwethe sa Vhakorinta, fhedzi zwo vha zwo dzula nga ngona yone. Vhakorinta vho vha vha sa koni u zwi vheya ngonani. Ni a vhona? Fhedzi Paulo a tsela fhasi henehfo huno a vheya tshivhidzo ngonani.

Zwino, o . . . Ndi a tenda, vhunga Oral Roberts o ri, “Mudzimu ndi Mudzimu wa vhudi.” Naa a ni tendi izwo?

¹⁶⁴ Huno ni ri, “Zwo luga, mini-ha nga Pentekostała na dzindimi, Mukomana Branham?” Ndi elekanya uri vha na Muya Mukhethwa. Zwo ralo vha nawo. Zwo luga, ngani? Lavhelesani. Ni tenda uri Ndi Mudzimu wa vhudi? Thomasi o vhuya a ri, “Ni a divha, Murena . . .”

Vhanwe vhothe vha Mu tenda. A ri, “Oo, ri a zwi ćivha uri Ndi wa vhukuma!”

“Oo,” Thomasi a ri, “hai, hai, a thi zwi tendi. Ndila i yothe ine nda do zwi tenda, ndi tea u vha na vhučanzinyana. Ndi tea u vheya mińwe yanga thungo Hawe na kha mabuli a zwipikiri kha zwanda Zwawe.”

Ndi Mudzimu wa vhudi. O ri, “Ida, Thomasi. Khezwi-ha.”

“Oo,” Thomasi a ri, “zwino ndi a tenda.”

¹⁶⁵ O ri, “Ee, Thomasi, nga murahu ha musi wo Mmbona, nahone wa Nkwama, nahone wa vheya tshanda Tshanga . . . zwanda zwau thungo Hanga, wo kona u tenda. Fhedzi hu na malamba mahulu hani kha uyo a so ngo vhonaho huno a tenda naho zwo

ralo.” Ndi Mudzimu wa vhudi. U ni neya lutamo lwa mbilu yanu, zwe tou ralo. Kha ri tou Mu tenda. Hezwo ndi—hezwo ndi—hezwo ndi lufu lwa u oma mirado kha Saṭhane. Musi muthu a tshi dzhia Mudzimu kha Ipfi Lawe, murathu, hezwo zwi do vhulaya Saṭhane tshifhinga tshoṭhe. Uho ndi u rwiwa huhulusa hune Saṭhane a nga hu wana, musi muthu a tshi do dzhia Mudzimu kha Ipfi Lawe. Ee, mune wanga. Vhunga ndo amba, “Muthu ha nga tshili a eṭhe (Yesu, vhuṇwe vhusiku), fhedzi Ipfi linwe na linwe li bvaho . . .”

¹⁶⁶ Zwino, dzhielani nzhele hezwi. Zwino ndi khou ya u thoma ndimana ya u thoma:

Zwenezwo ri tshi tutshela maitele a pfunzo ya Kristo, kha ri ye kha u itwa vho khunyelelaho; . . . (Zwino, tshithu tsha u thoma tshine nda khou ṭoda ni tshi tshi divha: Paulo afha u khou amba na nnyi? Vhahevheru. Vha ri, “Vhahevheru,” n̄tha, Bugu ya Vhahevheru. Naa izwo ndi zwone? Vhayuda vho landulaho Yesu . . . Ni nga ralo—ni a zwi wana zwino? U khou amba na Vhayuda, a tshi vha sumbedza murunzi wa mulayo sa u fanyisaho Kristo. Zwithu zwoṭhe zwa kale zwi fanyisa zwiswa. Zwino lavhelesani.)

. . . ri tshi tutshela maitele a pfunzo ya Kristo, kha ri ye kha u itwa vho khunyelelaho; . . .

¹⁶⁷ Zwino, o vha a khou amba navho nga malugana na dzipfunzo. Kha ri ye huno ri ambe nga zwithu zwe itwaho zwe khunyelelaho. Zwino, ni vho khunyelelaho kha Mudzimu musi no dadzwa nga Muya Mukethwa u *swika* ḍuvha la thengululo yanu. “O bebwaho nga Mudzimu (Yohane ya u Thoma) ha iti tshivhi; ngauri a nga si tshinye, ngauri Mbeu ya Mudzimu i khae.”

¹⁶⁸ Muthu o dadzwaho nga Muya Mukhethwa, u si u elekanya uri o dadzwa, fhedzi uyo o bebwaho nga Muya wa Mudzimu ha iti tshivhi, ngauri Mbeu ya Mudzimu i khae, huno a nga si tshinye. Ni a vhona? Naa Bivhili i ya amba izwo? Ngauralo khezwo heneffo. Ni . . . Hu si zwine na ita, zwine, ndi zwine, hu si zwine shango la ni dzhiisa zwone, ndi zwine Mudzimu a ni dzhiisa zwone. Ni a vhona, ni a vhona? Ni nga si ralo . . . Ndi nga vha hani na nzudzanyo yo nwaliwaho nga mulangadzorobo, ya uri ndi nga gidima maela dza fuina nga awara doroboni, huno linwe pholisa la mpfara? Ndi nga si ralo. Ndi nga tshinya hani ngeno hu na tshiṭhavhelo tsha malofha phanda ha Mudzimu, hune Ha koni na u mmbona; musi hu na tshitsireledzi nga—nga . . . phanda hanga na Mudzimu, tshipileli tsha Malofha? Ngauri ro fa, huno vhatshilo hashu ho dzumbama kha Kristo nga kha Mudzimu, ho pfunelwa nga Muya Mukhethwa. Zwi nga ralo hani uri ni ite tshithu tsho khakheyaho maṭoni a Mudzimu? “Arali ra tshinya nga khole (Vhahevheru 10) murahu ha musi

ro ḥanganedza ndivho ya Ngoho, a hu tshena tshiṭhavhelo tsha tshivhi." Hafha a zwi tsha konadzea (ni a vhona?) u tshinya nga khole.

¹⁶⁹ Zwino, kha ri ise phan̄da huno ri vhale. Zwo luga.

... u itwa vho khunyelelaho; hu si u vheya mutheo hafhu wa—wa u shanduka u bva kha mishumo yo faho, na . . . lutendo kha Mudzimu,

Zwa pfunzo ya dzindovhedzo, . . . u vheiwa ha zwanda, na zwa mvuwo ya vhafu, na . . . khatulo ya u ya nga hu sa fheli.

Huno hezwi . . . ri ita, arali Mudzimu o zwi tendela.

(Zwino khefha he vha ḥoda u thoma hone, u bva kha ndimana ya 4.) *Ngauri a zwi tsha konadzea kha avho . . . vhe vha vhuya vha vphonetshelwa, nahone vha thetshela mpho ya ḥadulu, huno vha badekanywa na Muya Mukhethwa,*

Huno vha thetshela ipfi ḥa vhudzi ḥa Mudzimu, na maanda a shango li ḥaho,

Arali vha wa, u vusa—u vha vusa hafhu kha u shanduka; ri tshi vhona uri vho divhambela Murwa wa Mudzimu hafhu, huno vha mu ḥana lu shonisaho.

¹⁷⁰ Zwino, zwino, hezwo zwi vhonala nga u ralo, nga ndila ine na khou zwi vhala ngayo hafho, uri muthu a nga ḥanganedza Muya Mukhethwa, huno zwenezwo a gunea nahone a xela. Fhedzi a zwi konadzei uri a ralo. Ni a vhona? A nga si zwi ite. Arali a ralo, Kristo o zwifha. Ni a vhona? A zwi konadzei kha havho vhe vha vhuya vha vphonetshelwa. Zwino, lavhelesani hafha. U khou amba nga ha mini? U khou amba nga havho Vhayuda vha imaho vhukati. Ho ngo vhuya a ri muthu o dadzwaho nga Muya Mukhethwa; o ri, "Arali o thetshela Ipfi ḥa Mudzimu."

¹⁷¹ Zwino, i ri ni ndi zwi neye tsumbo, uri ni kone u vhona nahone ni si pfukiwe ngazwo zwino. Zwino, hezwi u khou zwi nwalela Vhayuda. Vhan̄we vhavho ndi vhatendi vha imaho vhukati. Ni a vhona? O ri, "Zwino, ri khou ya u ḥutshela heyi mishumo huno ra ya u amba nga u itwa o khunyelelaho." A ri, "Zwino, ri khou amba nga dzindovhedzo, na u vuwa ha vhafu, na u vheiwa ha zwanda, na zwinwe zwoṭhe; fhedzi kha ri ye phan̄da zwino u amba nga u itwa o khunyelelaho. Zwino, ri khou ya amba nga musi ni tshi ḥa kha Muya Mukhethwa. Zwino, no dzulela kha muṭangano lwa tshifhinga tshilapfu . . ."

¹⁷² Huno no vhona avho vhathu. Vha a dzula; a vha nga dzheni ngomu kana u ya nn̄da. Vha a livhuwa Muya Mukhethwa. Vha a ḥa nga maanda. Huno khaṇwe Muya Mukhethwa wa ita tshiṇwe tshithu huno, vhanna, vha ḥo takuwa huno vha huwelela, vha thamutshela nthā na fhasi ngazwo, fhedzi a vha ḥodi u U ḥanganedza vhone vhan̄e. Hai, hai! Ni a vhona? Huno

vha do ri, "Oo, ee, hezwo ndi zwavhudzi. Oo, a thi divhi nga izwo zwino." Ni a vhona, ni a vhona, ni a vhona? Vhatendi vha imaho vhukati. Vha tsinisa u swika hune vha U thetshela, fhedzi a vha U ḥanganedzi. Ni a vhona? Zwino, vha dzulesa sa zwenezwo lwa tshifhinga tshilapfu u swika musi vha tshi ṭutshela kule lwo fhelelaho. Ndi nga vhidzelela maddzina a vhanzhi vhe vha vha vha hone theberenakeleni, vho itaho zwithihi. U wa hafhu, u divusa kha u shanduka, a hu na u shanduka khavho. Vho tou ṭungufhadza Muya wa ṭuwa khavho. Vho sendela tsini u swika hune... .

¹⁷³ Hafha, arali na nga vula na nne (a ni na tshifhinga, ndi a zwi divha, zwino) fhedzi arali na vulā kha Doiteronomio ndima ya 1 na i vhala, ni do wana zwi fanaho. Ni khou i swaya fhasi zwino, Doiteronomio ndima ya 1. Zwino, huno ni thome kha ndimana ya 19 huno ni vhale hothe u swika kha ya 26. Doiteronomio... Ni do wanulusa... Zwino lavhelesani. Isiraele yothe... Zwe vhatu vha ita, vho swika Kadese barnea. Oo, ndi a vhona tshiñwe tshithu! Heyi theberenakele, heli shango la Pentekosta la li Kadese barnea zwino. Hezwo ndi zwone kokotolo, Mukomana Neville. Ri tou vha Kadese barnea, tshidulo tsha khaṭhulo tsha shango (tsho vha tshi tshidulo tsha khaṭhulo).

¹⁷⁴ Huno dziḥoli dza bva. Yoshua afha a ri, "Zwino, ndo rumela dziḥoli," kana Mushe, zwavhudzi-vhudzi, "Ndo rumela dziḥoli, dza fumimbili, muñwe wavho, munna muthihi kha lushaka luñwe na luñwe lwañu. Ndo vha ruma uri vha ṭole shango huno vha vhuise vhuṭanzi murahu." Naa izwo ndi zwone?

Huno musi vha tshi vhuya murahu, ho vha hu na vha ṭahe kha vha fumimbili vhe vha ri, "Oo, ndi shango la vhudzi, fhedzi oo, khathutshelo, ri nga si li dzhie. Oo, nne-nne! Vhaamori vha heneffho, huno ri vhonala sa nzie kha sia lavho. Ndi vhanna vha na zwipilelo. Mbondo dzavho dzo hula. Oo, ho dalesa... ngani, ndi tama ngavhe ro fa fhasi ngei Egipita vhudzuloni ha uri iwe uri ḫise nn̄da hafha."

¹⁷⁵ Fhedzi, Kaļebe muļuku na Yoshua vha takuwa heneffho huno vha vha fhumudza; vha ri, "Ri a kona na u fhirisa u li dzhia." Ee, mune wanga! Khoyo ene heneffho. Zwino lavhelesani. Ho itea mini? Kaļebe na Yoshua vho zwi divha uri Mudzimu o vha neya pfulufhedziso yaļo: "A thi na ndavha uri ļo hula hani, uri zwikhukhuliso ndi zwingana, uri vho lapfa hani, uri vho hula hani, hezwo a zwi kwamani nazwo. Mudzimu o ralo, huno ri nga li dzhia." Huno naa ni a zwi divha uri vho vha vhone vhatu vhavhili fhedzi vhe, kha idzo milioni mbili na hafu, vhe vha dzhena kha ļilo shango? Ngauri vho fara lutendo lwavho kha zwe Mudzimu a amba sa Ngoho. Amen!

¹⁷⁶ Theberenakele, zwino, yo ima Kadese barnea. Lavhelesani, havho vhatu vho vha vha tsini u swika hune vha thetshela ndirivhe dza ļilo shango. Vho la ndirivhe. Musi Kaļebe na avho

vha tshi wela heneffo huno vha vhuya na ndirivhe, havho vha tannga vho dzhia dzinwe vha dzi la. “Oo, ndi dza vhudi, fhedzi ri nga si zwi ite.” “Havho vho thetshelaho mushumo wa vhudi wa Mudzimu, vho thetshela zwa Muya Mukhethwa, vha vhona zwivhuya Zwawo, vha thetshela Zwawo, vho thetshela zwa Ipfi la Mudzimu...” Izwo ni a zwi vhona? Na muthihi wa avho vhanna, na muthihi wavho zwawe ho ngo vhuya a tendeliwa u dzhena. Vho lovhela kha shango lavho, heneffo sogani. A vho ngo vhuya vha hu dzhena, fhedzi vho vha vha tsini zwavhukuma lune vha U thetshela, fhedzi hu si na tshilidzi tsho edanaho na lutendo lwa u Li dzhia. Ndi zwenezwo.

¹⁷⁷ Zwino. Zwino thetshellesani uyo muthu a funeyaho we a nwala ulu luñwalo. Kha ri vhale ndimana i no tevhela. Lavhelesani lwa miniti. Lavhelesani Paulo. Zwino kha ri vhale ya vhu 7:

Ngauri lifhasi... li nwa u bva kha mvula ine ya da khalo, huno zwa bveledza miroho i liwaho kha avho vhe vha i lima, i tanganedza dziphathutshedzo u bva ha Mudzimu:

Fhedzi iyo ine ya bveledza mipfa na tshene i a landulwa, nahone i tuwa i tshi latwa; ine magumo ayo ndi u fhiswa.

¹⁷⁸ Zwino, ni a vhona zwine a amba? Zwino lavhelesani. Ho vha hu na heyi mbudziso hafha; zwino, huno zwenezwo ri do vala... . Hezwi zwithu zwe nkondela lwa miñwaha.

¹⁷⁹ Ndo ya muñanganoni tshinwe tshifhinga hune vhathu vho vha vha tshi khou amba nga dzindimi ngei Mishawaka, Indiana. Zwino, ndi phanda ha gogo langa nne muné. No vha pfa avho vhathu... no mpfa ndi tshi amba tshitoro tsha vhutshilo hanga, nga ha munna wa mukhaladi we a ri, “Khoyu afha. Khoyu afha.” Zwino, izwo ndo zwi amba.

¹⁸⁰ Fhedzi zwiñwe zweþhe: Ndo vhona vhanna vhavhili. Vho vha vha khou... Muñwe u neya mulaedza, muñwe a u talutshedza. Muñwe a neya mulaedza, huno muñwe a u talutshedza. Huno murathu, vho vha vha khou ita zwone. Hu tou vha hezwi... Nda elekanya, “Nñe-nñe ngoho! A thi athu u vhona zwe raloho.” Nda ri, “Ndi vhukati ha vharuñwa.” Nda elekanya, a thi athu u vhona tshithu... Muñwe u amba, huno muñwe...

¹⁸¹ Huno nda dzula murahu heneffo, sa mureri muñuku wa kale, ni... [A hu na tshithu kha theiphi—Mudz.]... avho vhathu vhoþhe tshiñwe tshifhinga huno nda khada zwanda zwavho. A thi athu u vhona vhanna vho raloho vhutshiloni hanga. Vha do ralo u amba mulaedza, hno muñwe u do u talutshedza. Huno nñe-nñe, nñe-nñe! Zwe vha zwi zwa vhudi! Muñwe, u ralo u amba uno muñwe a talutshedza. Vhoþhe... Huno vha tou shanduka vha vha vha tshena musi vha tshi imisa zwanda zwavho. Nda elekanya, “Oo nñe-nñe, nñe-nñe, ndo vha ndi gai

Iwa vhutshilo hanga hoṭhe. Hezwi ndi zwone!” Nda ri, “Nñe-nñe, Vhapentekostała vha kha zwone.” Hezwo ndi zwone kokotolo.

¹⁸² Ndo vha ndi sa athu u vhona zwe ralohu fhedzi zwe zwa vha zwi hone u mona na henefha, hune vha . . . Khañwe vhasadzi vha na tshivhalonyana vha na mushumo huñwe fhetu. Huno vha do ralo u ṭaṭa; huno muñwe a tshi vhidza muñwe, “funguvhu ḥa mukuku,” huno, ni a ḫivha, sa zwenezwo, u ṭaṭa nga tshavho. A thi khou dzhieila vhasadzi fhasi zwino kana tshiñwe tshithu, fhedzi-ha . . . Zwo—zwo vha zwi kha sia ḥa fhasi. Arali muñwe wa vhoinwi . . . Ni elelwe, Mukomana Graham. No vha ni tshi tou vha mutukana muṭuku nga itsho tshifhinga. Huno zwe ralo, zwe vha zwi nga yeneyo ndila.

Huno nda thetshelesa izwo, huno nda elekanya, “Oo, nñe-nñe, ndo swika kha vharunwa.”

¹⁸³ Liñwe ḫuvha ndi tshi khou bvelela tsini na khudā ya nnđu, kha ḫuvha ḥa vhuvhili, nda ṭangana na muñwe wa avho vhanna. Nda ri, “Hu ita hani, Muñe wanga?”

A ri, “Hu ita hani?” A ri, “Naa . . . Dzina ḥau ndi nnyi?”

Huno nda ri, “Branham.”

A ri, “U bva gai? Phano?”

Huno nda ri, “Hai, ndi bva Jeffersonville.”

A ri, “Zwo luga, hezwo ndi zwa vhuđi. Naa u Mupentekostała?”

Nda ri, “Hai, mune wanga, a thi hezwo.” Nda ri, “Ndi tou vha ndi sa ṭanganedzi ndila ya Pentekostała ya u ṭanganedza Muya Mukhethwa,” nda ri, “fhedzi-ha,” nda ri, “Ndi fhano uri ndi gude.”

¹⁸⁴ A ri, “Zwo luga, izwo ndi zwa vhuđi nga maanda.” Huno ndi tshi khou amba nae, ndi tshi gavha maya wawé (vhunga musadzi tshisimani), o vha a Mukriste wa vhuksuma. Mukomana, ndi amba a lila nga ndila yone-yone. O vha a wa vhudi. Zwino, vhoinwi nothe . . . Ndi vhangana vho no dzhenelolah kha miṭangano yanga nā vhona izwo zwithu zwi tshi itea? Ni a vhona? Huno munna uyo o vha a khou amba zwone. Ngauralo-ha, nda—nda elekanya, “Khezwo! Nñe-nñe, ndi zwavhuđi hani!”

¹⁸⁵ U yela nga madekwana, nga tshiñwe tshifhinga tsha masiari, nda ṭangana na muñwe. Nda ri, “Hu ita hani, Muñe wanga?”

A ri, “Hu ita hani? Dzina ḥau ndi nnyi?” Huno nda mu vhudza. Huno a ri, “Naa . . . U—u Mupentekostała?”

Nda ri, “Hai, muñe wanga, a thi Mupentekostała nga u ralo, a thi humbuleli.” Nda ri, “Ndo tou da hafha uri ndi gude.”

A ri, nda ri, a ri, “Wo no wana Muya Mukhethwa?”

Nda ri, “A—a thi ḫivhi.” Nda ri, “U ya nga zwine vhoinwi nothe na vha nazwo, ndi a kholwa a thi na.”

Huno a ri, "Wo no vhuya wa amba nga dzindimi?" Nda ri, "Hai, muñe wanga!"

A ri, "Zwenezwo a u Nawo."

¹⁸⁶ Huno nda ri, "Zwo luga, ndi—ndi a kholwa hezwo ndi zwone." Nda ri, "A thi ñivhi. Ndo rera lwa miñwaha mivhili fhedzi, kana miñuku kha iyo," huno nda ri, "A thi ñivhi zwinzhi Ngawo." Nda ri, "Khañwe a thi ñivhi." Nda ri, "A thi pfesesi . . ." Ngauri mini, ndo vha ndi tshi khou lingedza u mu fara heneffho (ni a vhona?). u u gavha. Huno musi ndi tshi ralo, arali ndo no vhuya nda ṭangana na muhoyi, uyo o vha a muñwe wavho. Mufumakadzi wawe o vha a na ḥoho ya mavhudzi matswu; huno o vha a tshi khou tshila na musadzi wa ḥoho ya mavhudzi o lukiwaho, a na vhana vhavhili nae; huno a tshi amba nga dzindimi, a dici ṭalutshedza kokotolo u ya nga hune zwi nga ralo. Huno nda ri, "Zwino, Murena, ndo didžhenisa kha mini?" U bva kha vharuñwa, a tho ngo ñivha zwe nda vha ndi khazwo. Nda ri, "Ndi—ndi—ndi wa vhungoho; zwi tea u vha Bivhili. Zwi tea u vha zwone. Hu na tshiñwe tshitihu tsho khakheyaho huñwe fhethu, Murena. Izwo zwi nga ralo hani?"

¹⁸⁷ Nda ya muñanganoni nga uvho vhusiku, huno Muya u do ralo u tsa; huno murathu, ni tshi nga kona U u pfa, huno Wo vha u Muya Mukhethwa. Ee, muñe wanga! Arali Wo vha u si wone, Wo tendelana na maya wanga uri Wo vha u Muya Mukhethwa. Huno ndo vha ndi tshi tou vha mureri muswa, huno ndi sa ñivhe uri hani, zwingafhani nga u vhuñlukanyi ha maya. Fhedzi ndo vha ndo dzula heneffho. Huno ndi a ñivha Mudzimu we a ntshidza, hezwo zwo vha zwi zwipfi zwi fanaho . . . Nda pfa unga ndo vha ndi tshi khou fhira nga ṭhangani, zwo vha zwi zwipfi zwa vhuñi kha itsho tshifhañ. Huno nda elekanya . . .

¹⁸⁸ U swika kha vha madana a fumiñhanu heneffho. Huno nda elekanya, "Nne-nñe, oo nñe-nñe!" Zwigwada zwivhili kana zwiraru zwavho vho ṭangana vhoñthe. Huno nda elekanya, "Nda ri, nne-nñe! Zwi nga ralo hani? Zwino, uyo Muya muhulu ngomu tshifhañoni u tshi tsa nga u ralo; huno afha, lavhelesani kha izwi zwi iteaho heneffho, avho vhatthannga vha tshi amba nga dzindimi, vha tshi ṭalutshedza, vha tshi neya mulaedza lwo khunyelelaho—huno muñwe wavho e wa muhoyi huno muñwe a munna wa vhukuma wa Mudzimu." Huno nda elekanya, "Zwino, ndo ñaða zwavhukuma. A thi ñivhi uri ndi ite mini."

¹⁸⁹ Zwo luga, nga u tou ṭavhanya murahu ha izwo, khonani yanga ya vhudi, Mukomana Davis (ni a ñivha), a thoma uri ndo vha ndi phaphethe. Hoyo ndi mpopi wa musidzana, ni a ñivha. Huno zwo ralo, ndo vha ndi ñðoñthe, huno zwo ralo nda . . . A thoma u isa phanda na nñe, huno a tshi khou ya, a tshi nga u khou tamba na nñe.

¹⁹⁰ Huno ro vha ri na zwiñuku . . . Huno mme anu na riñe roñthe ro vha ri na miñanganu miñuku u mona na fhethu ho fhambanaho.

Theberenakele yo vha i sa khou ralo—yo vha i sa khou bvela phanda nga hetsho tshifhinga, huno ro vha ri na mītangano mītuku fhethu ho fhambanaho. Huno nga līnwe ḫuvha, murahu ha musi theberenakele yo no fhaṭiwa, mīnwaha minzhi yo no fhela, nda gonya n̄tha ngei Green's Mill bakoni ḥanga uri ndi rabele, ngauri Mukomana Davis o vha o amba zwithu zwi ofhisaho nga n̄ne kha—kha—kha bammbiri lawe. Ndo mu funa. A tho ngo ḥoda hu tshi itea tshithu, huno nda—ndo gonya n̄tha heneffo u mu rabelela. Huno nda gonya n̄tha heneffo, huno nda dzhena ngomu bakoni. Huno nda dzula heneffo lwa u yela kha maduvha mavhili. Huno nda ri, "Murena, mu hangwele. Ha—ha ambi hezwo—u amba hezwo." Huno nda elekanya, "Ni a divha . . ." Zwa itea nda sokou elekanya nga Luñwalo.

¹⁹¹ Huno nda bvela nn̄da. Huno ho vha hu na danda (helō danda li kha di vha heneffo, ndo vha ndi khayo hafha a si kale) fhasi u bva thavhani huna n̄dila u mona u bva kha kudambwana. Huno nda sokou sukemedza ilō danda, ndi tshi lavhelesa thavhani murahu—murahu hangei, huno ndo vheya Bivhili yanga sa hezwi. Nda elekanya, "Ni a divha . . ." Ndo vha ndi tshi khou elekanya nga Luñwalo: "Mushumi, o mmbaisa zwavhukuma, huno a amba zwithu." Ni a divha . . . Nda elekanya, "Ndi a tenda ndi do tou vhala izwo." Nda vula Bivhili, huno nda ri, "Zwo luga . . ." Nda phumula tshifhatuwo tshanga, muya wa vhudzula, huno wa i vula kha Vhahevheru 6. "Zwo luga," nda ri, "hafho a si hone hune zwa vha hone." Huno nda I vheya murahu sa hezwi. Huno muya wa vhudzula hafhu huno wa I vula murahu heneffo hafhu. Huno nda ri, "Zwino, hezwo a zwo ngo dōweleya, muya u khou i vhudzulela murahu sa izwo." Ngauralo nda elekanya, "Zwo luga, ndi a tenda ndi do i vhala." Huno ya ri:

*Ngauri a zwi tsha konadzea kha avho vhe vha
vhuya vha vhonestshelwa, . . . vha bađekanywa na Muya
Mukhethwa, huno vha thetshela . . . Ipfi la Mudzimu,
zwithu zwa shango li daho.*

Nda elekanya, "Zwo luga, a thi vholi tshithu kha izwo." Nda i vhala i tshi tsa, ndima yothe. A hu na tshithu khayo. Nda ri, "Zwo luga, hezwo ndi—hezwo zwo dzudzanya hezwo kha hezwo." Huno nda—nda i vholi sa hezwi, huno ya humela murahu hafhu. Huno nda I takula, huno nda elekanya, "Zwo luga, ndi mini izwo?" Nda isa phanda na u i vhala, na u i vhala, na u i vhala, nda ri, "Zwo luga, a thi pfeses." Zwenezwo nda ralo . . . Huno nda i vhala i tshi tsa:

*. . . a zwi tsha konadzea kha avho vhe vha vhuya vha
vhonestshelwa, . . .*

Ya swika fhasi hafha hune ya ri:

*Huno lifhasi . . . li n̄wa u bva kha mvula i dāo khalo,
uri li bveledze muroho kha avho vhane vha li lima, li a
ṭanganedza dziphāṭhutshedzo u bva ha Mudzimu:*

Fhedzi iyo ine ya bveledza mipfa na tshene i ya landulwa, huno...i tsini na u laṭwa; ine khaṭhulo ya hone ha do vha u fhiswa.

¹⁹² Nda ri, “Ndi divhudzisa uri izwo zwi amba mini?” Ndi do sokou... Zwino, ndo vha ndi sa khou elekanya nga tshithu n̥tha hafho. Ndi khou sokou elekanya zwenezwo. Huno zwenezwo musi ndo dzula heneffo, nda elekanya uri Murena vha do n̥neya bono malugana na Mukomana Davis na vhenevho phasi afho. Huno ndo vha ndo dzula heneffo; nda lavhelesa, huno nda vhona tshiñwe tshithu tshi tshi khou rembuluwa u mona na fhetu hu si na tshithu phanda hanga. Huno ho vha hu shango li tshi khou mona. Huno nda li vhona lo vha lo kwashekana, li tshi tou vhonala unga lo vha lo limiwa lo̥the. Huno Muthu a tshimbila na tshiñwe—tshiñwe—tshiñwe tshihulu phanda ha Uyo o ḫalaho na mbeu, huno O vha a tshi khou posa mbeu hothe u mona na liphasi musi A tshi khou tshimbila. Huno A ya u mona na khuda ya liphasi, huno A ngalangala maṭoni anga. Huno musi A tshi tou ngalangala maṭoni anga, ha bvelela muthu a vhonalaho sa a dodomaho, o ambara nguvho ntswu, a tshi tshimbila sa hezwi, a tshi ralo, waa, waa, a tshi posa mbeu dzi si dza vhudi, waa, waa. Huno nda zwi lavhelesa, huno liphasi la isa phanda na u mona...

¹⁹³ Ho no fhela tshifhinganyana ha bvelela gorou. Huno musi gorou i tshi bvelela, heneffo ha bvelela tshene, na mifhunga, na mipfa, na tshene i nukhaho, na zwiñwe zweṭhe zwi tshi khou aluwa, tshene ya mafhi, na zwiñwe zweṭhe zwi tshi khou aluwa kha gorou. Huno zwo vha zwi tshi khou aluwa zweṭhe. Huno ha bvelela ya vhukuma, gomelelo li ofhisaho, huno gorou thukhu yo vha yo kotamisa ḫoho yayo sa zwenezwo, huno tshene ḫukhu, na mifhunga, mipfa, zwo ralo ḫoho-vho. Tshene iiwe na iiwe i tshi sokou [Mukomana Branham u ita muungo wa mufemo—Mudz.] zwi tshi fema nga u ralo. No vha ni tshi nga kona u zwi pfa. Huno zwo vha zwi tshi khou vhidzelela mvula, mvula.

¹⁹⁴ Huno ho no fhela tshifhinganyana, ha bvelela gole lihulu, huno madi a shulutshela phasi. Huno musi a tshi wela phasi hafho, ilā gorou ya thamutshela n̥tha ya thoma u huwelela, “Vhugala, Haleluya, Rendani Murena!” Tshene thukhu i nukhaho ya thamutshela n̥tha nahone ya huwelela, “Vhugala, Rendani Murena, Haleluya!” Mipfa na zwiñwe zweṭhe, zwi tshi tshina hothe u mona na tsimu zwi tshi huwelela, “Vhugala, Haleluya, Rendani Murena!”

Zwo luga, nda ri, “Izwo a thi zwi pfesesi.”

¹⁹⁵ Bono la n̥utshela; zwenezwo nda humela murahu kha zwenezwo hafhu: “Tshene ine i tsini na u landuliwa.” Zwenezwo nda zwi pfa. Yesu o ri, “Mvula i nela vhavhuya na vhavhi.” Muthu a nga dzula muṭanganoni, a nga amba nga dzindimi, a

nga huwelela nahone a ita u fana na vhaňwe vhoňhe a na Muya Mukhethwa wa vhukuma huno a balelwa u vha kha Muvhuso wa Mudzimu. Hezwo ndi zwone kokotolo. Naa Yesu ho ngo ri, "Vhanzhi vha do ima nga ilo duvha huno vha ri, 'Murena, naa a tho ngo pandela vhodiabolo Dzinani Lau; naa a tho ngo porofita (u rera) Dzinani Lau; naa a tho ngo ita mishumo minzhi mihulu Dzinani Lau?'" Yesu a ri, "Ntutsheleni, vhoinwi vhaiti vha vhutshinyi, A tho ngo vhuya nda ni divha." Mini-ha nga izwo?

¹⁹⁶ Khezwi zwine izwo zwa tou amba kokotolo hafha. Ni a vhona? Vho thetshela mvula ya vhudi i bvaho Tađulu. Fhedzi u rangani hazwo, vho vha vho khakheya. U ranga nga zwipikwa zwavho zwo vha zwo khakheya; thuthuwedzo yavho yo vha yo khakheya. Hezwo, ni nga si zwi ambe. Yone... Ni a divha, khaonoi o ri, "Naa ndi ye u zwi tupula?"

¹⁹⁷ A ri, "Vha litsheni vha aluwe vhoňhe, huno nga duvha line hedzi tshene na mifhunga zwi do fhiswa zweňhe, huno gorou i do ya duluni." Zwino, ni khou ya u divha hani uri mupfa ndi ufhio, kana mufhunga ndi ufhio, kana gorou ndi ifhio? "Nga mitshelo yavho ni do vha divha." Ni a vhona, murathu, khaladzi, muri wa vhudi u nga si bveledze mutshelo u si wa vhudi. Hu si na ndavha, huňwe fhethu ndilani, zwi do gavhana na inwi. Ngauralo, inwi kha u tqoda ndovhedzo ya Muya Mukhethwa... Ndo takala kha onoyo o nwalaho izwo. Ni a vhona?

¹⁹⁸ Zwino, vhatendi vha imaho vhukati murahu hafha, vho vha vha navho. Vho rubiswa nga kurubisele kwavho. Vho pfuka kha shango le Mudzimu a fulufhedzisa, u swika tsini nalo. Vhatu vhanzhi vha tshimbila vha swika tsini. U do tshimbila a ya kha ndovhedzo ya Muya Mukhethwa huno a i landula. Ha tqodi u i litshedza. U do tshimbila a ya kha ndovhedzo ya Luňwalo nga Dzina la Yesu Kristo, huno a i rembulutshela, huno a i landila uri a sa ise phanda na u i vhona.

¹⁹⁹ A hu na Luňwalo na luthihi kha Bivhili hune muthu o vhuya a lovhedzwa nga dzina la Khotsi, Murwa, Muya Mukhethwa, na Luňwalo na luthihi zwalo. Tshivhidzo tsha Katolika tsho zwi thoma, zwa da kha Luther, u tsa phasi kha Wesley, huno zwa fhira u swika fhano. Hezwo ndi zwone kokotolo. Fhedzi nga kuvhekanye kwa Luňwalo ndi nga Dzina la Murena Yesu Kristo. Heyo ndi ndovhedzo ya vhaapostola. Ni nga si ite hezwo na dzula kha dinomineisheni. Ndi zwone.

²⁰⁰ Zwino, ni a vhona izwo zwithu? Ndovhedzo ya Muya Mukhethwa, mpho dza Muya, zwithu zwine Mudzimu a zwi bveledza... Mitshelo ya Muya ndi lufuno, dakalo, u kondelela (oo, ni ri, "Fhedzi Mukomana Branham, Mudzimu nga a hule, ndi a kondelela.") Zwi vhonala sa zwenezwo. Ndo gonya ntha Ohio hafha a si kale, huno muňwe muthu a mmbudzisa, a nwalala vhurifhi phasi hafha huno a mmbudzisa arali ndi tshi lovhedza

nga Dzina la Yesu Kristo. A tho ngo vhuya nda amba tshithu. Vha zwi wanulusa naho zwo ralo, huno vhashumeli vha fumirathi vha vhashumisani vha bva. Hezwo ndi u kondelela a si zwone!)—u kondelela, vhuthu, vhulenda, u khuthala, u lindela, na Muya Mukhethwa. Ni a vhona?

²⁰¹ Oo, murathu, khaladzi, ri tou vha—ri tou vha Kadese barnea. Ni khou thetshela zwino. Vhusiku ho fhiraho Muya Mukhethwa wo wela kha rine, wa dzhena ngomu hashu, ngomu sa muya u vhudzulaho. Wa dzula kha vhanzhi vha vhoiñwi. Namusi vhashumeli vho dalela miđi minzhi hafha na hafho, vha tshi vheya zwanda na u rabelela avho vha ḥoda Muya Mukhethwa. Ni so ngo dzhia tshiimeleli. Ni so ngo dzhia zwa phosho. Ni so ngo dzhia zwiñwe zwipfi. Ni lindele heneffo u swika Mudzimu a tshi ni vhumba na u ni ita tshivhumbiwa tshiswa, a ni ita muthu muswa. Ni Khou thetshela zwino, ni khou ralo U u thetshela, fhedzi litshani Liivha li ni range phanda u ya ḥafulan, huno—huno Ngwana na Liivha zwi dzule zwothe, huno zwi le u ya nga hu sa fheli kha Ipfi la Mudzimu. Ngauri Li do ima musi hu si na litaqulu kana lifhasi; Ipfi la Mudzimu li do sala. Iyo ndi ngoho.

²⁰² Ndi a humbelu uri ni so ngo humbulu uri ndi a kondisa. Arali ndo ralo, a tho ngo ḥoda u ralo. Arali nda . . . Ndi a fulufhela ndo fhindula hedzi mbudziso; ndo ralo, u ya nga hune nda divha.

²⁰³ Huno-ha, kha Vhahevheru 6, arali ni tshi do vhona, Paulo u khou amba na Vhahevheru vhe vha ri, “Zwo luga, ri do tshimbila na iwe.” Vha do da. Ni a vhona? Vha ri, “Zwino, no . . .” Havho vhe vha da huno vho thetshela.

²⁰⁴ Zwo sokou itea nda lavhelesa murahu kha tshifhaṭo. U ni sumbedza vhuṭanzi ha Mudzimu a Tshilaho. Ndi a fulufhela uri a thi iti hoyu muthu uri a vhe na u humbulela. Ndo da ndi tshi bva muṭanganoni a si kale, huno nda da hafha, huno nda ni divhadza uri khonani ya vhuḍi, muthu wa tsini kha nne, mungana wa muzwimi, muthu uyo o vha wa vhuḍi kha nne, muthu we a da tshivhidzoni tshanga, huno a vha murathu wanga; ndi mu vhidza Busty. Dzina lawe ndi Everett Rodgers; o dzula Milltown. Ndi vhangana vhane vha nkhumbula ndi tshi da afha u zwi divhadza? O vha o edela hafha sibadela; madokotela a mu ita muaro, a mu vula, huno o vha o dala pfuko vha sokou mu tshetshekanya. Vha ri, “U do om̄ba-om̄ba hafhu; nga vhege dzi si gathi u do vha o no ṭuwa; zwi do vha zwenezwo fhedzi. U do lovha, ndi zwenezwo fhedzi.”

²⁰⁵ Ni a elelwa uri ndo ima hani afha kha pułatifomo, nda mu rabelela? Nda tsela fhasi afho huno nda dzhena lufherani, tshiñwe tshithu tshi tshi khou vhavha mbiluni yanga. Nda dzhena lufherani, huno musi ndi tshi tou bvisela muthu muñwe na muñwe nnda uri ndi kone u . . . Mukomana Everett o vha o edela heneffo. Huno ni do elelwa hezwi. Nda dzhena ngomu; nda ri, “Mukomana—Mukomana Busty.” (Nda mu vhidza Busty.)

²⁰⁶ Kale musi ri na mitangano ya mishashani fhasi hafho, Vhamethodisi vhothe murahu ngei tshikwarani (Gertie, ndi muñwe wavho), vha tshi dodoma heneffo, vho vha vha tshi khou ḥodzimela tsimuni ya mindirivhe uri vha vhone zwe nda vha ndi tshi khou ya u amba, huno sa zwenezwo, vha tshi ofha uri tshivhidzo tsha Methodisi tshi do vha tumula. Huno zwenezwo, nda vha na bono heneffo, huno nda vthona nama yo adzwa kha tshikoti. Nda fara khovhe nnzhi huno nda dzi zonya heneffo, nda dzi vhea—nda dzi vheya n̄tha ha muthambi, huno nda vhofhekanya muthambi. Huno musi ndi tshi lavhelesa... Huno zwe the zwe vha zwi kha bono; nda sia—nda sia tshigwada tsha vhatu vho ima fhasi ha muthambi uvho vhusiku huno nda gonya n̄tha ha tshikwara ngei ha Mukomana Wright. Huno vha si vhuye vha nngwana nga matsheloni a no tevhela. Nda ri, “Na muthihi wañu a so ngo ralo...”

²⁰⁷ Musi ndo ima heneffo ndi tshi khou rera, ha bvelela tshila Tshedza; ilā Khavhu ya Mulilo ya ḥembelela hafha phanda hanga huno ya ri, “Tuwa afha huno u ye madakani; ndi do amba na iwe.” Ho vha nga lenelo duvha lithihi, duvha li no tevhela musi vha tshi nngwana n̄tha tshikwarani. Huno ndo vha ndi heneffo; nda dzumba modoro wanga zwiñani, huno nda vha ndi n̄tha thavhani ndi tshi khou rabela vhusiku hothe na duvha lothe lo tevhelaho. Vhañwe vhavho vha da heneffo, vha wana modoro huno vha da n̄tha hafho... Helo lo vha duvha le Mukomana Graham Snelling, hafha, a ḥanganedza Muya Mukhethwa huno a vhidzelwa kha vhusumeli.

²⁰⁸ N̄tha ngei thungo ha tshikwara hune ndo vha ndo edela hone heneffo, huno A—A mmbudza zwithu zwe fhambanaho zwine nda tea u ita na nyambedzano ine ra do vha nayo rothe. O neya bono la u vthona hedzi khovhe dzo vhofhekanywa, a ri, “Hetshi ndi tshivhidzo tshau tsha Milltown.”

Huno nña dzadzo kana ḥanu dza thamuwa dza bva; huno nda ri, “Ndi nnyi uyo?”

A ri, “Muñwe wavho ndi Guy Spencer na mufumakadzi wawe. Muñwe ndi Spencer hafho, na vhavho.” Huno A amba vho fhambanaho, vhane vha do thamutshela nn̄da.

²⁰⁹ Ndo vha vhudza; nda ri, “Na muthihi wañu a so ngo la.” Mufumakadzi wanga na nñe ro vha ri sa khou ralo... Ho vha hu phanda ha musi ro malana; huno a ya hayani u dzula vhusiku hothe na Khaladzi Spencer, musadzi wa vhuđi. Munna wa vhudi, Guy Spencer u tou vha munna a sa dini musi o ima kha zwienda zwa mukumba. Huno a—huno a tsela fhasi hafho, huno Opal a ri, “Zwino, lavhelesa...” Kha Meda, a ri, “Zwino, Meda, ndi a tenda Mukomana Bill.” A ri, “Fhedzi musi Opal a tshi pfa ndala, u tea u wana vhurotho na makumba.” Ngauralo a ya heneffo, a mu furaela vhurotho na makumba, huno a dzula fasi a la, a

thoma u amba dziphathutshedzo, huno a gogodela ḥafula, a tshi khou lila, a sa koni u zwi kwama. Zwenezwo vha da u zwima.

²¹⁰ Huno nthā heneffo tshikwarani nga ilo duvha, A mmbudza kokotolo zwine zwa do itea. A ri, “Hezwi zwi do ṭuwa, huno-ha na hezwi zwi do ṭuwa.” Fhedzi U na nama mnzhi yo shatelwaho tshikotini. A ri, “Vhulunga heyi u itela vhathu vha Milltown.” Huno vhuñwe vhusiku musi ndi tshi pfa Mukomana Creech... O vha o dzula afha vhusiku ho fhiraho. A thi ralo... Mukomana Creech, u hone madekwana a ḥamusi? Musi Mukomana Creech a tshi da kha nñe, a mmbidza, na Khaladzi Creech, a tshi khou lila; baba wawe vho vha vho edela heneffo. A ri, “Mukomana Bill, u so ngo mu vhudza. U khou fa.” A ri, “O lea nga pfuko; madokotela o mu vula, huno o sokou ḫala pfuko.” Huno Will Hall (huno noṭhe ni a mu humbula), musi dokotela li tshi mu vula o vha o ḫala pfuko... Nda thoma u ya u zwima zwisindi nga ayo matsheloni, huno nda vhona ayo maapula o ḥembelela lufherani. (Ni a ezelwa tshiṭori tshazwo?) Huno khoyo munna uyo u khou tshila ḥamusi. Hezwo two itea miñwaha yo fhiraho. Ene na Mukomana Busty vho vha vha dzikhonani.

²¹¹ Huno nda tsela fhasi sibadela, sibadela tshiswa (Ndo hangwa uri vha tshi vhidza mini, ngei New Albany) sibadela tshiswa. Huno nda ya nn̄da henengei u vhona Busty; huno musi ndi tshi dzhena lufherani, nda ri, “Mukomana Busty.”

A ri, “Mukomana Bill.” A gavha tshanda tshanga nga u tou nkhada vhukuma; muhali wa Nndwa ya Lifhasi la u Thoma, a thi khou zwi amba vhuhoneni hawe, fhedzi mbilu ya u luga ye ya vhuya ya rwa fhasi ha hemmbe ya lutombo. A fara tshanda tshanga. Ndo no ya nduni yawe; nda la nduni yawe; nda edela nduni yawe, u tou nga ndo vha ndi murathu wawe. Vhana vhawe na vhoṭhe, ri tou vha—ri tou nga vharathu vha malofhani. Vhathu vha u luga.

²¹² Huno ene... Fhedzi ho ngo vhuya a ya vhudzivhani na Murena. O... Ndo mu lovchedza nga Dzina la Yesu Kristo. Fhedzi nga ilo duvha le mureri wa Methodisi a ri, “Nnyi na nnyi ane o lovchedzwā nga Dzina la Yesu Kristo, kha bve fhasi ha dennde langa.” Hezwo two vha two luga. George Wright na vhañwe vha bva. Nga ayo masiari nda tsela fhasi heneffo u vha lovchedza nga Dzina la Yesu Kristo ngei Totten Ford. Tshivhidzo tshawe tshoṭhe tsha dzhena madini huno tsha lovchedzwā nga Dzina la Yesu Kristo. Ngauralo nda sokou isa phanda. Hezwo two zwa vho luga. Mudzimu a na inwi, ndi nnyi ane a nga lwa na inwi? A thi qivhi na hune uyo muthu o ya hone, zwe zwa itea khae.

²¹³ Fhedzi-ha, nda dzhena ngomu sibadela. Busty o vha o edela heneffo o ḫala yone pfuko, madokotela a sa koni na u ralo, ho ngo ita tshithu fhedzi u sokou mu tonda hafhu. Busty a ri kha nñe; a ri, “Mukomana Bill, hezwi zwi na ndivho. Tshiñwe tshithu tsho itea.”

Nda ri, "Ee, Busty." Nda thoma u pfa uła Muya u ngaho muya u vhudzulaho we nda vha ndi tshi khou amba ngawo, ni a ḋivha, u tshi dzhena ngomu.

A ri... Musi ndi tshi dzhena hafha ngomu, ho vha hu na musengavhadzimu kha heiła khuda, wo ima kha heyo khuda. Musengavhadzimu ndi mulanga; mulanga wa Mudzimu. Mudzimu o ita mulanga na nne nga iilo ḋuvha thavhani. Nda vheya zwanda zwanga kha Mukomana Busty huno nda mu rabelela.

Madokotela a ri, "U do fhelela nga zwiłuku. U do tsela fhasi. A hu na tshithu tsha u ita... Nga mađuvha a si gathi u do ḫuwa." Huno Busty Rodgers... Hezwo two itea dzivhege na dzivhege na dzivhege dzo fhiraho, huno Busty Rodgers, o dzula murahu henefha ngomu tshivhidzoni madekwana a ḫamusi, o takala na u khwaṭhela sa zwe nda vhuya nda mu vhone vhutshiloni hanga. Takuwa u ime, Mukomana Busty. Khoyo afho. Kha ri ḫeye Mudzimu thendo, roṭhe.

Vho vha vho kuvhangana kha lufhera lwa n̄tha,
Vhoṭhe vha tshi khou rabela Dzinani Lawe.

Vha lovchedzwa nga Muya Mukhethwa,
Huno maanda a u ita tshumelo a ḫa.

Zwino, zwe A vha itela liya ḋuvha,
U do ni itela zwithihi.

Ndo takala nga maanda uri ndi nga ri, "Ndi muñwe wavho."

Ndi muñwe wavho, muñwe wavho;
Ndo takala nga maanda uri ndi nga ri, "Ndi muñwe wavho." (Hałęuya!)

Muñwe wavho, ndi muñwe wavho;
Ndo takala nga maanda uri ndi nga ri, "Ndi muñwe wavho."

Naho havha vhathu vha sa ḋivhidze nga u ralo,
Kana u dikukumusa nga bvumo la shango,
Vhoṭhe vho ḫanganedza Pentekoste yavho,
Vha lovchedzwa Dzinani la Yesu.

Huno vha khou amba hoṭhe kule na vhuphara,
Maanda Awe ha athu u ḫanduka.

Ndo takala nga maanda uri ndi nga ri, "Ndi muñwe wavho."

Ndi muñwe wavho, ndi muñwe wavho;
Ndo takala nga maanda uri ndi nga ri, "Ndi muñwe wavho." (Hałęuya!)

Muñwe wavho, ndi muñwe wavho;
Ndo takala nga maanda uri ndi nga ri, "Ndi muñwe wavho."

Zwino, ida murathu wanga, todana na phathutshedzo

Dzine dza do tanzwa mbilu yanu kha tshivhi,
Dzine dza do ita uri bele ya dakalo i lile,
Huno dza ita uri mya wañu u dzule u tshi
duga.

Oo, u khou duga zwino mbiluni yanga,
Oo, vhugala kha Dzina Lawe.

Ndo takala nga maanda uri ndi nga ri, "Ndi
muñwe wavho." (Kha ri lu imbe!)

Oo, muñwe wavho, muñwe wavho;

Ndo takala nga maanda uri ndi nga ri, "Ndi
muñwe wavho." (Hañeluya!)

Muñwe wavho, muñwe wavho;

Ndo takala nga maanda uri ndi nga ri,
"Ndi muñwe wavho." (Ndi vhangana vha re
muñwe wavho, imisani tshanda tshanu? Oo,
nñe-nñe! Oo, ndo takala hani ndi muñwe
wavho.)

Muñwe wavho, muñwe wavho;

Ndo takala nga maanda uri ndi nga ri, "Ndi
muñwe wavho." (Hañeluya!)

Muñwe wavho, muñwe wavho;

Ndo takala nga maanda uri ndi nga ri, "Ndi
muñwe wavho."

Vho vha vho kuvhangana kha lufhera lwa ntha,
Vhothe vha tshi khou rabela Dzinani Lawe.

Vha lovchedzwa nga Muya Mukhethwa,
Huno maanda a u ita tshumelo a ña.

Zwino, zwe A vha itela liya ñuvha,
U ño ni itela zwithihi.

Ndo takala nga maanda uri ndi nga ri, "Ndi
muñwe wavho."

Oo, muñwe wavho, muñwe wavho;

Ndo takala nga maanda uri ndi nga ri, "Ndi
muñwe wavho." (Hañeluya!)

Muñwe wavho, muñwe wavho;

Ndo takala nga maanda uri ndi nga ri. "Ndi
muñwe wavho."

Zwino, musi ri tshi imba khorasi hafhu, ndi khou ñoda
muñwe na muñwe wa vhoiñwi a tshi rembuluwa, huno ni
khadane zwanda na muthu a re tsini hanu, huno ni ri, "Naa ni
muñwe wavho?" Ni a vhona? Zwo luga.

Oo, muñwe wavho (Ndi a zwi ñivha uri no tou
ralo, Mukomana Neville. Ndi a zwi ñivha uri
no tou ralo, Mukomana Capps. Ndi a zwi

divha uri no tou ralo. Ndi a zwi ḋivha uri no tou ralo...?)
...muñwe wavho.

Oo, muñwe wavho, muñwe wavho;
Ndo takala nga maanda uri ndi nga ri, "Ndi muñwe wavho."

²¹⁴ Oo, naa a no ngo takala uri ni muñwe wavho. Ndi vhangana vhane vha tama u vha muñwe, imisani tshanda tshanu? Zwo luga. Zwino, ndi khou ya u ni imbela hezwi:

Zwenezwo iqa murathu wanga, ṭodani hedzi phaṭhutshedzo

Dzine dza ḍo ḫanzwa mbilu yañu kha tshivhi,
Dzine dza ḍo ita uri bele ya dakalo i lile,
Huno dza ita uri muya wañu u dzule u tshi
duga.

Oo, u khou duga zwino mbiluni yanga,

Oo, vhugala kha Dzina Lawe.

Ndo takala nga maanda uri ndi nga ri, "Ndi muñwe wavho."

Oo, muñwe wavho, muñwe wavho;

Ndo takala nga maanda uri ndi nga ri, "Ndi muñwe wavho." (Haleluya!)

Muñwe wavho, ndi muñwe wavho,

Ndo takala nga maanda uri ndi nga ri, "Ndi muñwe wavho."

²¹⁵ Elelwani zve musidzana muñku a vhudza Petro, "Naa iwe a u muñwe wavho?" Ndo takala nga maanda, naa a ni ngo ralo? Ni a ḋivha, Petro nga ḋuvha la Pentekoste o ri, "Hezwi ndi Zwila!" Zwino, ndo dzulela u ri, "Arali hezwi zwi si Zwila, ndo takala uri ndi na hezwi, ndo lindela Zwila zwi tshi da." Ndi zwone. Ndo takala nga hezwi.

Ngauri ndi muñwe wavho, ndi muñwe wavho;
Ndo takala nga maanda uri ndi nga ri, "Ndi muñwe wavho."

Oo, muñwe wavho, muñwe wavho;

Ndo takala nga maanda uri ndi nga ri, "Ndi muñwe wavho."

²¹⁶ Oo, naa izwi a si zwavhuđi, ro dzula rođhe fhethu ngei Ṭadulu kha Kristo Yesu, ri tshi ledzana na Muya, ri tshi ledzana kha Ipfi, ri tshi amba nga zwithu zwivhuya zwi qaho. Ndi zwavhuđi nga maanda. Ndo takala nga maanda u ḋivha izwo, naa inwi a no ngo ralo? Naa a no ngo takala uri ni Mukriste? Naa a no ngo takala uri zwivhi zwañu zwi fhasi ha Malofha? U ḍo vhuya liñwe la haya maduvha, huno ri ḍo ṭuwa Nae. Zwenezwo elekanyani, zwikhathi zwođhe zwa kale zwi ḍo fhela kha riñe; malwadze ođhe, matħupho ođhe, vhutshilo hođhe vhu faho hu ḍo shanduka. Oo, nñe-nñe! Ndi tou elekanya nga ha vharathu vha funeyaho

vhe vha ima hafha. Ndi a elelwa... Ndi vhanganana vhanane vha elelwa Rabbi Lawson? Nne-nne, vhunzhi ha vhoiwi nothe. Ndi a kona u mu vhona a tshi nembeledza kha pala ya kale henefha. Huno ndi tshi vha ndo dzula murahu hafho. U do ralo u imba holwu luimbo lutuku... (Lwa minitinyana Teddy, murathu.) Ndi do lingedza, ndi vhone arali ndi tshi nga kona kuimbele kwalwo. A thi divhi.

Ndo lindelwa nga matshelo li takadzaho,
 Hune khoro dza maṭeleṭeṭe dza vulea nga
 vhuphara,
 Huno musi ndi tshi fhira luno lupila lwa
 vhuṭungu,
 Ndi do awela kha liñwe sia.

Liñwe duvha seli ha hune bono la zwi faho la
 kundelwa u swika,
 Liñwe duvha, Mudzimu a eṭhe ndi ene a
 divhaho uri ndi gai kana ndi lini,
 Mavhili a vhuṭshilo vhu faho a do ima,
 Zwenezwo ndi do ya u dzula tshikwarani tsha
 Tsioni. (Ee.)

²¹⁷ Haya mavhili maṭuku ane a khou mona ngomu hashu—u vhona, u thethela, u kwama, u fembedza, na u pfa, hezwi zwipfi zwiṭuku na mavhili ane a khou mona kha vhuno vhuṭshilo vhu faho, liñwe duvha zwi do ima. Zwenezwo nne, nne mune, na inwi, ri do ṭuwa u dzula kha tshikwara tsha Tsioni. Oo, izwo ndi a zwi funa, inwi a ni ralo? Ndi a divha uri ri na fulufhelo la vhuḍi. Zwo luga. Ndi vhanganana vhanane vha divha luimbo lwashu lwa kale lwa u lovhedza? Zwino, ri do shandukisa izwo. Kha ri imbe luimbo lwashu lwa u balangana:

Tshimbilani na Dzina la Yesu,
 Nwana wa vhuṭungu na maṭungu;
 Li do ni fha dakalo na khuthadzo,
 Tshimbilani naļo hoṭhe hune na ya.

²¹⁸ Tshimbilani na Dzina la Yesu. Itani zwenezwo, musi ni tshi ṭuwa. Zwo luga, roṭhe zwino. Ni so ngo hangwa, nga iri ya vhumalo ntha ha tshithoma nga matsheloni garaṭa dza thabelo dzi do netshedzwa u itela muṭangano. Muṭangano u do thoma nga hafu u bva kha iri ya vhuṭahe. Ndi do vha ndi tshi khou rera nga iri ya vhufumi. Tshumelo ya thabelo ya u itela vhalwadze i do thoma nga iri ya vhufumintihi ntha ha tshithoma.

²¹⁹ Matshelo nga masiari, matshelo nga madekwana hu do vha na tsumelo ya vhuevangeli ngei thaberenakeleni. Na vhusiku ha matshelo, vhoiwi noṭhe no shandukaho kha zwivhi zwanu huno ni sa athu u lovhedzwa, hu do vha na... dzivha li do vha lo vulea; ri do vha ri tshi khou lovhedza vhatu nga Dzina la Murena Yesu Kristo.

²²⁰ Rōthe zwino, musi ri tshi imba u ya nga hune ra kona. Mukomana Busty, a u divhi uri ndo takala hani na u livhuwa Mudzimu. Ni a divha, o gonya kha dokotela. Huno vho mmbudza uri dokotela o mu lavhelesa, huno a sa divhe uri a elekanye mini. Ho ngo tenda uri o vha a onoula mūthannga muthihi. Oo, a si tshiphiri zwine Mudzimu a kona u ita. Naa izwo a si zwone? Zwo luga.

Tshimbilani na Dzina (Li lidzeni!) la Yesu,
 Nwana wa vhutungu na mātungu;
 Li do ni fha dakalo na khuthadzo,
 Zwino, tshimbilani nālo hōthe hune na ya.
 Dzina la vhudi (Dzina la vhudi!), Oo li takadza
 hani!
 Fulufhelo la lifhasi na dakalo la Tādulu;
 Dzina la vhudi (Oo, Dzina la vhudi!), Oo li
 takadza hani!
 Fulufhelo la lifhasi na dakalo la Tādulu.

²²¹ Zwo luga. Ndi humisela tshumelo zwino kha mufunzi. U do vha na manwe maipfi, kana a amba na munwe muthu uri a ri balanganye, tshini na tshini tshi re kha muhumbulo wawe. 

DZIMBUDZISO NA DZIPHINDULO DZA MUYA MUKHETHWA TSV59-1219

(Questions And Answers On The Holy Ghost)

MILAEDZA YA VHUDIFARI, NGONA NA PFUNZO ZWA TSHIVHIDZO

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Mugivhela, Nyendavhusiku 19, 1959, Thaberenakeleṇi ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org